

DIE GEMAYNEN RE-
GLEN VON DER AR-
CHITECTVR VBER
DIE FVNFF MANIEREN
DER GEBEV, ZV VVIS-
SEN, THOSCANA, DO-
RICA, IONICA, CO-
RINTHIA, VND COM-
POSITA, MIT DEN EX-
EMPLN DER ANTI-
QVITATEN SO DVRC
DEN MERERN TAYL
SICH MIT DER LEER VI-
TRVVII VERGLEYCHEN.

ANNO

1542

IMPRIVILEGI

Dem aller durchleuchtigsten groſſ-

M A C H T I G S T E N F V R S T E N V N D H E R R E N ;
Herren FERDINANDO, Rhömiſchem, auch zu Hungern vnd Böchem König,
Infant in Hispanien, Ertzherzog zu Oſtenreich, Hertzog zu Burgund, vnd Graff
zu Tyrol, etc. ſeynem aller Genädigſten Herren.



A L L E R D V R C H L V C H T I G S T E R ,
Groſſmächtigſter König, aller genädigſter Heer. Dem nach E. Kö. Mayt.
der hoch beruempt, ſäliger gedächtnus Albrecht Durer von Nurnberg,
ain beſonder büch, von beueſtungen vnd ſterckung, der Stet, Schlöſſer,
vnd anderer flecken, künstlichen gemacht, zu geſchriben, ye doch die be-
hörlichen verzierungen der Architectur nicht darbey anzeygt hat, Vnd
aber von nöthen, die ſelben mit redlichen proporcionen, nach gebrauch der Antiquen zu
künden verziern. Als mich nun E. Kö. Mayt. hofmaler Jacob Zeyſneckher, der nider-
ländiſchen nacion, zu nutz vnd eeren, durch manigerlay figuren der malerey, bildhawerey,
vnd Architectur, gemelte proporcionen vnd verzierungen der ſelben, an tag zu bringen, im
willen vnd werck geſünden, Warzu mir die Kay. Mayt. freyhayten verlichen haben.
Vnder welchen ich diß gegenwertig werck, Sebaſtiani Serlii von Bologna, aufs Italiäni-
ſcher in die niderländiſche ſprach getraſlatiert, hat er mich durch vil mündtlich vnd ſchrift-
lich vermanen verſtolzt, daſſelbig auch in hochteuſcher ſprach zu trucken, vnd E. Kö.
Mayt. (als der, ſo nit allain vber alle Furſten teuſcher nacion alle kunſten lieb haben, ſun-
der auch in der Architectur der aller ſynnreichſte iſt) zu zuſchreyben. Vnd ich aber daſ-
ſelbig (aengeſehen ich der hochteuſchen ſprach nit bericht bin) ſunder hulf vnd beyſtand
von yemandt, der ſelben ſprach vnd kunſt von Symetrien verſtand habende, nit hätte kun-
den zu wegen bringen, ſo hat mir Jacob Rechlinger von Augſpurg, diſer kunſt ain liebha-
ber, vnd in allerlay ſprachen wol erfaren, aufs ſunder vnderthänigſtem genaygten wül-
len, ſo er zu E. Kö. Mayt. tragende iſt, auff meyn auch obgemeltes E. Kö. Mayt. hof-
malers Iacoben zeyſneckhers begeren, darinnen alſo geholffen, das ich, daſſelbig, zu E. Kö.
Mayt. eeren, vnd vnder irer Mayt. namen, in hochteuſcher ſprach, in truck hab laſſen auf-
geen, E. Kö. Mayt. vnderthänigſt biddende, die wölle ſollich in genaden an zu nemen,
vnd mich in gnedigſtem beuelch zu haben geruchen. Geben in Antorff den.iii.tag Marci.
Anno. M. D. XLII.

Ewer Rö. Kö. Mayt.

vnderthanigſter

Peter Coecke von Alſt.

COR. GRAPHEVS LECTORI.

Pictores, Statuarii, Architecti,
Et vos o Latomi, o Fabri, expetitam
Quotquot Symmetriam probatis, eia
Huc adeste alacres, nouum hunc laborem
Spectate, huncce nouum videte lati
Thesaurum, exiguoq; comparate
Ære has diuitias, bene æstimandas
Ingenti precio: hic meridiano
Phœbo lucidius queat videri
Quidquid toto opere in Vitruuiano
Aut sit difficile, aut male explicatum,
Aut non sufficiens, minusq; nostris
Ærum temporibus: nihil deest iam,
Nil iam difficile, aut tenebricosum
In libris legitur Vitruuianis.

DER AVCTOR ZV DEM LESER.



Vt hertziger Leser, dem nach vnd ich ertlich reglen der Architectur zů berayt habe, vermaynende das die nicht allain die hochsinnigen versten, sunder auch ain yetlicher mittelbares verstands wol begreyffen soll mögen, nach dem, ayner minder oder mer, zů sollicher kunst genaigt ist. Welche reglen in sibem bücher getaylt sendt, wie hie vnden verzeichnet. Die weyl aber dise kunst das erhayst, so hab ich wollen anfachen an disem .IIII. büch das zů lassen aufgeen, welches mer dañ die andern dienlichen vnd norwendig ist zů der erkantnus der vnderchiedlichen manieren der gebewen vnd iren gezierden.

In dem ersten büch will ich tractieren die anfang der Geometria vnd von manigfaltigē durchschneydungen der linien, also vil das der werckmayster daraus soll kunden gütte rechnung geben von allem dem er machen wiert.

In dem andern will ich anzaigē im bewurff vnd in worten so vil von der prospectiua, das ain yeder, wollende, sein concept oder maynung soll mögen eröffnen in aynem sichtbarē bewurff.

In dem dritten soll man sehen die Ichnographia, das ist die grundlegung: die Orthographia, das ist das auffrecht stande: die Sciographia, das ist das eyn sehen durchs verkurtzen, des maysten tayls der antiquischē gebewē so in Rom, vnd sunst in Italiē auch ausserhalb sendt, vleyssigklich gemessē, vnd darbey in schriftē gestelt, die gelegēhait der platzē da sy sendt, vnd ire namē.

In dem vierdten, so dis ist, wollen wir handeln von den funff manieren der gebewē, vnd iren gezierden, als Thusciano, Dorico, Ionico, Corinthio, vnd Composito, das ist gemengt, vnd mit disen werden gar nach vmbfangen alle kunstē durch die erkantnus der vnderchiedlichē ding.

In dem funften will ich sagen von vilerlay manieren von templen, verzaychnet in manicher lay formen, zů wissen, rundt, vierkant, sechskant, achtkant, ayvveys, vnd kreutzweys, mit iren grunden, höchinen, vnd verkurtzungen, vleyssigklich gemessen.

In dem sechsten wollen wir anzaigē vō allen wonungē die mā heutigs tags gebrauchē mag, anfachende von dem schnódesten heusli oder hutlin, wie mans nennē vill, vnd von grad zů grad verfolgēde bis auf den aller zierlichē fursten pallatz, so wol auf dē land, als in dē stettē.

In dem sybenden vnd letsten, soll beschlossen werden vilerlay zůfäll, so dem werckmayster an vilen orten begegnen mögen, auch frembde arten vnd manieren von gelegenhaiten, auch im flicken, reparierē oder besseren der heuser, vnd wie wir vns anderer gebew, vnd dergleychē ding, so im wesen, vnd hievor zů andern zeytē auch im werck gestandē send, gebrauchē sollē.

Nun wolan vmb mit dest besserer ordnung für zůfaren, will ich anfang geben der gróbesten vnd minst gezierdten ordnung oder spetie, das ist der Thuscana, welches die beurischest vnd sterckest ist, von minster subtilikait vnd lieblichayt.

Die alten dedicierten oder zůaygneten die gebeu den Gótttern, die sich am besten darzů verglichen, nach irer stercke oder zárte, vnd also ist das werck oder specie so man Dorica nennet, zůgeschribē dem Got Iuppiter, Marte, vnd dem starcken Hercule, disen form Dorico nemēde vō māñ: vnd die form Ionica, der Gottin Diana, dē Apolline vnd Bacco, dis werc nemēde von ayner tapfferen frawen so tayl hatt ain stercke vnd zárte, dañ Diana vmb der weyblichē natur willen ist sy zart, aber durch die yebung der iagerey ist sy auch starck, also auch der Apollo vmb seyners schönē willē ist er waych, doch nichts dest minder auch starck, vmb das er ain māñ ist, des gleychē sag ich auch von Bacco. Aber die art vnd manier der Corinthia, genomē von iunckfravlichē form, woltē sy das die zůgeschribē wurde der Góttin Vesta, welche ain oberste der iunckfrawen was. Aber in disen vnsern zeytten gedunckt mich in ander weg zů procediern sey, doch dardurch nit aus dem weg der alten zů gen, sunder will sagen so wir vnserm Cristenlichen gebrauch wollen nach gen, so will ich zů schreyben so vil an mir ist, die geweychtē oder hayligē gebeu nach aynes yettlichē wesen, Gott vnd seynē Hailigē: vnd die weltlichē gebeu, so wol ge mayne als besunderē, will ich ergeben den menschē nach aynes yettlichē stand vnd wesen. Sage deshalbē das die manier Thuscana (meynē gedunckē nach) gehört zů den beuestigungen, als zů porten von stetten, zů Castellen, oder Schlóßern, zů orten dariñ mā schätz veruwart, oder da mā munition, artellerey, vnd geschutz helt. Itē zů gefäncknussen, zů portē oder hāfen des mōrs, vnd der gleychē andern dingē zum krieg dienēde. Es ist wol war, das das beurisch werck, zů wissen

DER AVCTOR ZV DEM LESER.

das so mit manicherlay bindungen von staynen rauchlichē geboßiert, vnd auch ettliche von disen, mit ettwas mer zierlichayt, nach der stayn metzen wolgefallen, so sy hierinnē gehabt habē gemacht, von den alten vilmalen vermāngt ist worden mit der Dorica, vnd zūzeyttē auch mit der Ionica vnd Corinthia: nichts deß minder, die weyl (in der warhayt) die Thuscana, die grōbest vnd minst gezierdt manier von allen den andern ist, so gedunckt mich das die dörffisch oder beurisch mer vberkumpt vnd gleychnus hat mit der Thuscana daß funft mit kayner anderen: welches mā auch klarlichē merckt von dē Thuscana also gehaltē vnd gebraucht sein worden, so wol in irer furnānestē vnd obersten stat Florentz, als außser halb auf den dörffern, in so grossen vnd schönen gebewē, vnd so kostlichē palatzē gemacht auf die beurisch manier, als man in dem rest der gantzē Cristenhait sehen mag, vermāngt (nicht deß minder mit follicher beurischer art) folliche zärtlichayt vnd lieblichayt, als den werckmaystern geliebt hat: deßhalbē so will ich sagen, sich dise specia Rustica mer vergleycht vnd vber ain kumpt mit der Thuscana, daß mit kayner anderē. Darum zūsamē samblende ettliche vō den antiquē, vnd ettlich andere von den modernē, so will ich in mānicherlay weg von disem werck anzeygung thon, wie mā dar durch machen mög, stätt porten, beuestüngen, auch gemayne vnd befundere heuser, göbel, logien, geng, so mā gallereyen nennet, fenster, nicchē, brugken, wasser laytungē, vnd andere manicherlay gezierdē, so aynem gürtten baumayster zū machē zū handē kōmen mochtē. Man mag aber auch (sunder aus dem so die antiquē auch wol gethan habē zū gen) dise dörffische manier oder spetia, wol vermischē mit der Dorica, auch mit der Ionica, vnd zūzeyttē mit der Corinthia, zū aynes yeden geuallē, so sein fantasey darin wölte contentiern, yedoch möchte mā wol sagen das follichs mer aus erlaubtnus daß aufs rechtuertigūg zūgelassen werde. Deßhalbē der werck mayster hierinnen seer beschaydēlich handeln müß, sunderlich in gemaynē vnd dapffern gebewen, darinhē seer loblichen ist, sich der rechten gezierden vnd behorlichayten zū gebrauchen.


Ich hab im anfang dises bûchs wölle nachuolgen, den alten Comici, das ist den Comedien beschreybern, wölche so sy ain Comedi wölten recitiern, habē sy aynē botten vorgesandt, der mit kurtzē wortē den zūsehern zū erkennē gab alles so man in der gantzē Comedi tractiern wurde. Darum die weyl ich in disem bûch handlē vnd tractiern will, von dē funff manierē der edificic oder gebewen, zūwissen der Thuscana, Dorica, Ionica, Corinthia, vnd Composita, hat mich für güt gedeucht, das man im anfang sehe die figurē ayner yettlichen der selben specien, dauon wir handeln wölle: vnd wie wol in disen seulen vnd gezierden alle die proportion vnd massen nit verzeychnet sendt, allain die furnāmosten durch ain gemayne regel, so soll doch nichts deß weniger, an seynē orten nichts gebrechē, das nit alles beschaydenlich vnd lang noch angezeygt werde: dis aber ist allain, wie ich oben gesagt hab, ain gemayne regel anzuzaygen, zū aynem aynigen ansehen: Vnd damit es von yeder man deßter bas verstanden werdt, so willich in den anfängen der ordnungen die vocabel deß Vitruui stellen mit .A. B. C. etc. auff der seyten bezeychnet, also das ain yettlicher follichs kennende, es soll mögen nennē nach seynes landts vnd sprach art vnd gebrauch. Vnd zum ersten soll der piedestallo Thuscano, zūwissen das plat (sunder corone vnd basement) von aynem perfecten vierkant gemacht werden. Der piedestallo Dorico, soll so vil höher dann das vierkant seyn, als ain lini in seynem perfecten vierkant, vber zwerch von aynem egk zū dem andern gezogen, vnd nachmals gerad auffgericht raychet. Der piedestallo Ionico, soll von anderhalben vierkanten sein: der piedestallo Corinthio von aynem gantzen vnd zweyen drittentaylen desselben vierkanten. Vnd den piedestallo Composito soll man von zweyen gantzen perfecten vierkanten machen, vnd alles versteet sich allain das plat, sunder ire Basi vnd Cime. Euch soll auch nit verwundern, das dis nachuolgendt capittel das funft wiert seyn, welches andere für das erst möchtē ansehen. Aber die weyl das erst bûch von der Geometria ain capittel, das ander bûch von der prospectiua zwey, vnd das dritt bûch von den antiquitaten ain, summa dise drey buecher, vier capittel werden beschlagen, oder in halten, so mus außs follicher vrsach dis nachuolgendt capittel das funfte seyn.



✠ VON DEM GEBRAUCH VND ORDNUNG DER THOSCANA VND IREN GEZIERDEN. CAP. V.



AN findt in den geschribten Vitruuii, im. IIII. büch am. vii. Cap. das mā die colōna oder seul Thoscana, mit capitel vnd basemēt vō. vii. taylē hoch behort zū machē, nemēde solliche maß vndē da die seul am dickeste ist. Die hōche des basemēts soll sein halber tayl der colōnē dicke, getaylt in. ii. gleyche tayl, dauō der ain zū dē plinthus soll genomē, vnd der ander in. iii. gleyche tayl getaylt werdē, dauō die. ii. der thoros, vnd das. iii. tayl die cinēta sein sollē. Die ausladūg des basemēts soll mā also machē, erstlichē so mach ain circkel so grofs als die seul vndē ist, dē selben nachmals ins vierkāt gesetzt, vnd vmb dasselb vierkāt noch ain circkel gezogen die. iiiii. egk aussen herum beruerēde, das soll sein ausladung sein. Vnd wie wol alle andre basementē ire plinthē vierkāt habē, so soll doch dise Thoscana nach dē text Vitru. rōdt sein. Die hōche des capitels soll gleych sein wie des basements, getaylt in. iii. tayl, dauon der ain das abacus seyn soll, der ander tayl in. iiiii. getaylt, dauō die. iii. tayl dem Echino, vnd der. iiiii. tayl dem Annulo oder Cintha (welches mā gurtel, band, oder leyftlinē versten mag) gegeben werdē, der vberig. iii. tayl soll der hipotracheliiū oder phrise sein. Das astragalū mit der cinēta sey von dē halbē tayl des hipotrachelio, doch getaylt in. iii. tayl, dauon die. ii. tayl zum runden genāt Astragalus, vnd der. iii. tayl für die cinēta oder leyftli genommen werden: sein ausladung soll sein so vil als sein hōche. Vnd wie wol es dem capitel an oder zūgefuegt, so ist es doch ain gelid der seulē, welche seul oben vmb ain. iiiii. tayl soll gemindert werden, des gleychē soll das capitel oben nicht groffer sein dañ die seul vnden. Die maß dise seul zū vercklaynern soll diser gestalt beschehen, den schafft der seulen soll mā taylen in. iii. gleyche tayl, vnd der vnder tayl soll ins bleyfcheyt gerad auf gericht sein, darnach sollen die obern. ii. restierende. iii. tayl, in gleyche tayl wie vil mā deren will getaylt werden. Vnd von dem vndern. iii. tayl der seul ain halben circkel gezogen, vnd von den linien der eussersten egk des capitels cynwärts der seul gemessen den. viii. tayl, welches auf baidē seytren also genomē der. iiiii. tayl wie obē gemeldt sein, vnd recht vnder das leyftli so mā quadretto oder collarino nennet kōmen wiert, von dannen an soll man zū yeder seytten ain rechte lini in die bleyfchnur auf den halbē circkel herab fallende ziehen, vnd der selb tayl des circkels so vō der selben lini an bis an das eusserst ort der seulen bleybt, sollen in so vil andre gleyche tayl, als die obern. ii. dritt tayl der seulen getaylt werden, vnd also gethon seinde auff der rechten vnd lincken seytten, sollen von bayden seytten des halbē circkels seyne linien vber zwerchs gezogen vnd zū yeder lini sein gezal oder numero nach ordnūg hinab kōmende gesetzt werdē: des gleychen zū den linien so die seul taylē, die numero mit gleycher ordnūg gesetzt, so ist gewis das die erst lini des circkels sich vergleychē wiert der lini vnder dem Colarino, darnach nimen die ander lini des halben circkels, vnd zeuche die auf die ander lini der seul, nachmals die. iii. lini des circkels auf die. iii. lini der seul, vnd die. iiiii. lini des circkels trag auf die. iiiii. lini der seul: vnd des gethan seynde, soll von dem vndersten des halben circkels, ain lini bis an die. iiiii. lini der seul, vnd von der vierdten lini bis an die dritte ain andere lini, vnd von der dritten bis an die ander noch ain andere lini, mer von der andern bis an die erste noch ain lini gezogen werdē auff bayden seytten der Seulen, wie wol dise linien an inen selber gerad so geben sy doch ain krumē lini, welche dar nach der vleyfsig künstler durch das werk mit der handt wayft zū vertreyben vnd zū versuessen alle die egklen so im zusamen kōmen der linien sendt. Vnd wie wol dise regel gemacht ist zū der Coloña Thuscana, so den viertē tayl gemindert ist, so mag sy doch nichts destminder dienen zū allerlay sorten von Seulen: vnd wie vil der tayl der Seul vnd des halben circkels in merer gezal sendt, so vil gerechter kumpt die vercklaynung.




- A. Abacus.
B. Echinus.
C. Annulus, oder Cinſta.
D. Hipotrachelium
oder Phriſe.
E. Aſtragalus, oder Tondino.
F. Quadretto, oder
Collarino.
G. Dickne der colonnẽ oben.

H. Dickne der colonnen
vnden.

I. Cinſta.
K. Torus. } Baſe.
L. Plinthus.


M. Aufladung des Baſen.
N. Dickne der colon.vnden.
O. Dickne der colonnẽ oben.



VON DER THOSCAN A.


Die colonna volmacht seynde mit dem Basement vnd Capitel, so sendt das Epistilium, Phrise, vnd Cornice darauf zu setzen: der Architraue, oder Epistilium, soll von der höhe des capitels seyn, vnd die Tenia darob ain sechsten tayl desselben: der Zophorus oder Phrise solle so hoch sein als das Epistilium mit der Tenia: desgeleychen die Corona, oder cornice mit all ihren gelidern, getaylt in vier tayl, daruon der ain tayl für das ober Cimatium, die zwey tayl für die Corona, vnd das vberig vierdt tayl für die Fascia oder Cimatium daründer genommen soll werden. Die ausladung von allem soll zum wenigsten seyn so vil als seyn höche, vnd vnden an der Corona soll man ettliche Canaleti, zu wissen rinnellen machen, grösser oder klayner, darnach das werck ist, vnd den werckmayster güt dunckt. Aber vmb das diss werck in im selbs vast grob vnd simpel vō glidmassen ist, so mag der werckmayster nach meynē verstand wol vrlaub nemen ime ettlich mer tayl oder glidmassen zu zufuegen, welche mit diser specie scheynen geboren zu seyn, vnd diss mag man thon so man das werck will zierlicher vnd lieblicher machen, wie man hie vnden in dem abgeschaydnen tayl diser figur sehen mag. Ich lob auch dise coronen, die ain merere ausladung weder ir vierkant haben, so veer man die stayn gehaben kan, genügend sam starck das gebeu zu erhalten, welche ausladungen bringen gemachsamhayt vnd zier: gemachsamhayt, so man ain vvandel oder spacierung oben auff machen will wurde der so vil raumer, beschutzt auch das werck vor dem wasser, gibt ime ain zier, daß so man das gebeu von seyner behorlichē weyttē an sicht, scheynt es so vil tapferer vnd grosser, vnd wo der stayn vmb seyner klayne willen gebrechē wurde, wiert es die ausladug in deßer grösser scheynē erfüllen.





Wie wol ich hieuornē gesagt hab das die colona Thoscana nach dem text Vitru. von siblen taylen soll gemackt werden mit basement vnd capitel, welche proportion vnd form gewislichen gut vnd approbiert ist. Nichts dest minder vmb das die ersten seulē von sechs taylen sendt gemacht werden, nemende dise maß von deß mañs fuß, so der sechste tayl vom mañ ist, vnd auch das die colone Dorice von .vii. taylen gemacht werden, denē die alten vmb merer hōche willē ain tayl haben zūgeben, so gedunckt mich auß disen vrsachē, vnd auch das die colona Thoscana ayner sterckere art oder manier ist, das man die in irselbs niderer weder die Dorica behōrt zū machen. Darum soll man sy nach meynē gutdunckē nun von .vi. taylē machē mit basemēt vnd capitel, vnd das alles sey durch ain gemaine regel, haltende in dem vberigē die massen so wirⁱⁿ hieuor gesetzter colona vnd iren gezierdē anzaigt habē. Vnd die weil weder Vitruuius, noch kain anderer Architector nie kain regel hat gebē von dē stilobati genant pedestali, daß in den antiquitates, so vil man sicht, sendt diese pedestali von dē werckmaystrē gemacht worden nach dem es die nottorft erfordert hat, vmb verhōchung willē der seulē, oder vmb aufgāg willē der stiegen, oder vmb anderer zufallender nottorftigkait willē, so wolte ich rattē, so man hierinñ vō nots wegen nit bezwungē, das man ayner yeden manier von colonē iren fueglichen pedestalo geb, mit probierlicher billichait oder raison. So ist ain offēbar ding das der pedestal auß wenigst vierkāt soll seyn, verste das net sun der das base vnd cima: wesende daß die colona Thosc. die sterckest vō dē andern allē so soll sein pedestalo von aynem perfecten vierkāt seyn, welches braytte soll seyn wie der zocco oder plintho deß basemēts der seulen, seyn hōche soll getaylt werden in vier tayl, ain tayl soll man hin zū thon fur den zocco vnden, vnd gleych so vil oben fur die cima, welche gelider vngeschnittē, zū vvisen sunder gezierdt von werck seyn sollen. Vnd so die seul also von .vi. taylē gemacht, so wiert der pedestal in imselbs auch vō .vi. taylē sein gepportioniert nach der colonē

B. i.




VON DER THVSCANA.

Ich hab verhayffen in diesem gegenwertigē bûch, zû tractieren allain von den gezierdē, vnd vnderchiedlichē manieren der gebew. Deßhalben ich yetzûnder nit sagen wil, wie man die porten der stet vnd beuestigungē setzen soll, mit iren fluglen oder seyten, schußlöchern, vnd andern iren vmstândē, zû der wer dienlichē, lassende solliche sorg dem werckmayster des kriegs nach gelegenhait der plätzen, vnd anderer zufäll so sich zutragen mögen. Aber wol wil ich sagen, gesetzt seindē die porten der stet oder beuestungen, die weys wie man die nach meynem gutdunckē zieren soll oder mag, anzeygende ettlich figuren hieruon. Ayn yede porten ayner stat (nach der welschen manier) soll von notzwegē haben ain andere klaynere porten, die man nennet ain hülffthurle oder brugkthurle. Aber vmb die Symmetria (das ist ain gleych proportionierte correspondēt) zû halten, so ist von nörten auf der andern seyten noch ain andere erdichte porten zû machen. Die maß der porten soll man also machen: So weyt die im liecht ist, soll der höche noch halb so vil zûgethan werden, vnd die weytte des liechts soll man in .vi. tayl taylen, daruon die pilastri zur rechten vnd lincken seyten yeder ain tayl brayt soll seyn, die braytte der plattē seulen soll seyn ayn drittertayl der porten weyte im liecht, vnd ir höche soll seyn funff tayl mit basemēt vnd capitel. Die höche des basements soll seyn der dritttayl von der brayte der platten seul, also auch das capitel. Doch in alweg haltēde mit aufstaylung der gelidmassen die regel in der ersten Colona gegeben. Das Epistilum, zophorus, vnd corona mit all iren gelidmassen soll so hoch seyn als brayt, die seul ist gemacht nach der regel in der erstē ordnung gegebē. Zwischē ayner vnd anderer plattē seulen, soll das brugkthurle, vnd desselben weyte im liecht soll seyn als brayt die platten seulē sendt, vnd seyn höche zwey mal so vil, vnd seyne pilastren sollen brayt seyn ain drittentayl vöder offenhait des thurlins im liecht. Die verhebung auff der porten mag der werckmayster machen nach seynē gutdunckē. Aber die proportion des fastigio, so man auch frontispicio nennet, wollen wir in der ordnung Dorica auff zwey weg anzaigen,




VNd die weyl ain werckmayster vberflüssig in schönen erfündungen (vmb ime selbs vnd andern genug zů thon) seyn soll , so möchte man auch auff disen andern weg ain porten ayner stat oder ayner anderen beuestigung zieren, dise regel haltende , Das so weyt die porten im liecht, soll ir hoche ain Sexquialtera, das ist, zway tayl weyt vnd drey tayl hoch seyn: ire pfeyler sollen den achten tayl der porten weytte brayt seyn: vnd die Seul den viertentayl der selben porten. Vmb das aber die Seul den drittentayl in der maur mit andern staynen gebundē stet, mer von gezierdt weder von vil tragens wegen daher gesetzt, so soll man die von .vii. taylen hoch machen. Sy mochte auch viii. tayl erleydē, im fal so der werckmayster die porten von merer lieblickayt machen wolte. Die offenhayt oder weytte der neben thurlen soll seyn der halb tayl von der principal porten, vnd seyne pfeyler wie die von der grossen, ir höche soll seyn das die fascia so den bogen tregt ir supercilium oder architrabe (wie mans nennen woll) seye, vnd so man nicht stain funde von aynem stuck sollich werck zů machen, so solle man die Cunei oder penanten machen wie in der figur vnden anzeygt ist. Vnd die proportion diser neben porten sol seyn superbipartiēs tertias, zů wissen treytayl inde weytte, vnd funfftayl in die hoche. Der Cunei des bogens sollen .xv. seyn, In den basementē, capitellē, architrauē, phrisen, vnd cornicē, soll gehalten werden die regel von der ersten Seul gegeben, vnd die verhebung in der mitten stet zum wolgefallen des werckmaysters, wie von den andern hieuornen gesagt ist. Vnd der geleychen werck wie die raucher vnd grober gebosiert sendt wie mer si das an sechen ayner stercke behalten.




VONDE THVSCANA.

AVff ain andern weg schlechter vnd stercker mochte man ain porten ayner stat oder ains schloß machen, haltende die ordnung des bewurfs hieunden verzeichnet. Die proportion diser porten soll sein so weyt im liecht als ir höche bis vnder die fascia so den bogen tregt, vnd ir höche soll sein von der fascia hinaufwartz so vil mer als der halb circkel gibt. Doch stet all wegen zů des werckmaysters willen, das zů mindern oder meren, nach dem es die nottorfft erfordert, sunderlich so er durch aynichen zůfall dar zů bezvungen wiert. Es sendt auch auff bayden seyten zwü clayner thuren zů machen, wie hieuornen von den andern gesagt, deren weytten seye der halbrayl von der mitlen porten, vnd gleych so brayt maur oder stayn wercks solle zwischen der grossen vnd den zwayen klaynē porten gelassen werdē, ir höche soll zwey mal so vil als die weytte seyn: desgleychen soll die fascia so den bogen tregt die Cunei der neben porten auch vnderhalten. Man möchte es auch machen wo man den stayn so lang gehalten kündt, das die fascia der mitlen porten durchgande selbs das Supercilium von den neben porten were, die welche wie gesagt ist, gemindert oder gemeert mögen werdē, wie den werck mayster fur gut ansechen wiert, yedoch nit weyt von diser angezaygten form sich schaydē.




Die vnderſchidlichait der erfindungen oder ordinancen machen zůzeytten dem werckmayſter zů fallen ding, die er ſunſt villeycht inmermer gedencken ſolt. Darum diſe nach volgende figur ain groſſe gemachſamhayt vnd nutz in den gebewen bringen mag, nach den accideten ſo dem werckmayſter zuſallen vnd begegnen möchten, gleych wie an ayner maurē ayner fortelezen. Dañ ob die mauren ſchon ayner gutte dickne ſend, vnd man diſs werck am inwendigē ort darein machte, ſo were das erſtlichen dienlich fur ain loggiē oder gallerey wie mans nennet, vmb trucken dar vnder zů ſten, vnd erweyterte den platz oben auf damit man auf den weren deſter raumere weytne hat. Vnd in der not ſo man ſich ſturmēs beſorget, möcht man vmb merer ſicherhayt willē all die bogen mit erden beſchuttē vnd auffullen. Es möcht auch dem werckmayſter begegnen das er an aynen berg bawen müſte, vnd vmb ſich von ſollichem berg zů verſichern, damit durch die waſſer ſo von dem regen ſtāts oben herab lauffen, vnd das erdreych mit herab fueren, dargegen man ſich mit der gleychen gebewen ſetzen muſs. Dardurch man ſich nit allain vor diſem argkwon verſichert, ſunder bringt auch dem baw ain groſſe zierdt. Mit der gleychen fundt, hat ſich beholfen vnd gebraucht Raphael Dorbino am Monte mario ain wenig oberhalb Rom, in Bapſt Clements deſs. VII. weyngarten, von ime angefangen als er noch Cardinal was. Deſsgleychen Hieronymo Genga, an aynem berg Celle im perialle genant, auſerhalb Peſaro, nit weyt von aynem ſeer ſchönen gebew, hat diſen fundt auch gebraucht fur ain ruggen vnd auffent halt ayner waſſer behaltņus auch an ain berg gelaynet, aber von gebachnen ſtaynen ſeer lieblichen gemacht.




VON DE THVSCANA.

Die Antiquen haben mancherlay manier von bindungē der stain in diser rustica gebraucht wie man hic vnden angezaygt sicht, welcher erfindung sich ain werckmayster zu mancherlay dingen gebrauchen mag, nach den accidenten so im zů handt stoffent. Seyn mafs soll seyn das sein offenhayt von aynem perfecten vierkant sey, Vnd die pfeyler zwischen den offenhayten sollen ain viertentayl minder brayt sein, das Supercilium oder Architraue, soll den viertentayl der offenhayt hoch sein, Vnd soll gemacht werden von Cunei, so in irem centro zw samen koñnen, in vngeleycher zal, Vnd darauf werde ain halber circkel gerissen, getaylt in .ix. geleyche tayl, vnd alle linien auf seyn centrum gezogen, vnd seyne Cunei geformiert seynde vnd dar zwischen gesetzt die drey stuck mit der fascia darauf. Wirt das werck auf disen weg vast starck vnd vnuergäncklich sein. Damit aber die cunei des architraue dester starcker stan den, so ist von nōtten den halben zirckel mit maurwerck von gebachnen staynen aufzufüllen, vnd vmb merer gezierd willen mag mans von rautetem werck machen, wie die Antiquen vil gebraucht habē, Von disen bindungen sicht man zů Rom a Santo Cosmo vnd Damiano, noch vast starcke gebew vwie alt die ia sendt.




D Iſer porten mag ſich ain verſtendiger werckmayſter an manicherlay orten gebrauchen, wie im anfang geſagt iſt, doch nit zů porten von fortelezen. Dañ der durchgang diende nicht vmb artellerey geſchutzz, vnd andere geraytſchafft, noch groſſe waffen zů der weer dienlichen, zů handeln, ſo mochte doch nicht deſtweniger der auſſer tayl zů aynicher portē dienē. Welcker proportiō ſein ſoll, das ſo vil ir offenhayt in die vweytte, ſoll ſy zway mal ſo vil in die höche ſein. Der cunei deſs mitlen zirckels ſollen. ix. ſein, vnd all ire linien ſollen auf den centrū deſs circkels gezogen werden, die plat fascia ſo den bogen tregt, ſoll den ſibenden tayl von der porten weyttne hoch ſeyn, Vnd von gemelter fascia hinaufwartz bis an die ſollerung, werde in ſiben vnd ain halben tayl getaylt, vnd ſechs geleg oder zeyl von ſtaynen gemacht, daruon drey zeyl yede von ander halbē, vnd die andern drey zeyl yede von aynem der ſelben tayl gemacht. Alſo ſollen die gemelte ſyben vnd ain halben tayl aufgetaylt werden, Die höche deſs mitlen Cuneo ſoll den halben tayl der portē weyttne ſein, Vnd die fascia ſo auf den cunei her gat, ſoll in der höche ſeyn wie die vnderſt braytte der cunei. Aber der mittel cuneo ſoll ain vierten tayl groſſer ſein dañ die anderen.



VON DER THVSCANA.


Diese nachuolgende port dient zu allen gebewen im anfang benant, vnd sunderlich auf das land die weyl die von beurischem werck ist, wie man an vilen orten in Italia langs den wegen oder strassen sicht, vor ettlichen edlen heusern fur beschliefs porten der vorhof, daß sy sollichen orten ain grofs ansechen machen. Welcher proportion soll seyn, das ir höche bis vnder den bogen zway mal so vil als ir weytte im liecht seye, vnd die neben pfeiler vnder dem bogen sollen braydt seyn den funfften tayl von der weyten der porten im liecht, desgeleychen der bog auch, vnd die blatte Colona soll zway mal so brayt als der pilaster oder pfeiler sein: Sein höche sey von sechs taylen seyner braytte, mit Basement vnd Capitel: die höche des Basements sey der vierdt tayl vnder der Seul braytte, vnd das Capitel soll ayn dritten tayl von der Seul braytte hoch sein, die gelat Fascia darob, an stat des Epistiliums seye von der höche des Capitels: desgeleychen der Phrise darob, vnd von geleycher höche die Cornice. Aber in den particular gelidmassen wie in den Basementen, Capitelli, vnd der Cornice soll man halten die regel in der ersten ordnung gegeben. Die Imposta oder not stayn (wie mans nennen wil) so den bogen treget, soll von der höche des Capitels sein gleych mit der selben regel aufgetaylt. Die maß der Cunei oder penanten vnd anderer stayn mag man leichtlichen mit dem circkel finden. Vnd so man vmb merer gezierdt willen das frontispitium (welches ain ding das seer zierlichen ist) auch darauf setzen will, so findt man die weys in der ordnung Dorico in zwen weg angezaygt.






VON DE THVSCANA.

Wie wol dise porta hieunder verzeychnet seer vnderseynden ist von den anderen manieren, so hab ich sy doch (vmb das es ain werck ist zû der Thoscana dienende, vnd auch vmb das sy antiquisch ist) die her auch wöllen setzen welche vor zeytten in Capo dela militia Traiana in Rom gestanden, doch durch ertlich ruinen vnd verdeckung des ertrichs yetzunder nit mer gesehen wiert, die zway Nicchi so an den seyrten stend, send von irem ort verschayden, aber vmb anzûzeygen die vnderchiedlichayt der Nicchi so man disem werck zûfuegē mag hab ich sy an ir ort gesezt, damit sich ain verstendiger werckmayster des gebrauchen möge die nach malen an seyne gehörige ort zû setzen: welcher proportionen dem werckmayster aufs den hie vor gegebenen reglen leychtlichen zû erkennen send. Von der porten zayge ich auch kain maß an, vmb das man die mit dem compafs oder cirkel in der hand leychtlichen finden mag.



Diese manier ayner porten, welcher bogen der sechste theil des circels sein soll, ist ain seer starck werck, nichts desto minder so mögen ire Cunei oder penanten mit andern bindungen von staynen gecompagniert oder gefellet werden, sunder muß alwegen allain stan sunder mit andern bindungen von staynen gebunden zu werden, deshalben wöllende diss werck machen, fuegt es sich wol in ain maur von gebrenten oder gebachnen staynen. Angande sein proportion will ich mich nit weytter außbraytten daß man sein maß mit den circel leichtlichen finden mag, aber von seinen Nicchi so an den seitten gesetzt sendt vmb das feld zu füllen, mag der werckmayster setzen nach seinem wolgefallen wo ime die am aller besten zu paß kömen, vnd sollen nicht allain fur nicchi, sunder auch fur fenster mögen dienen. Aber so sy fur nicchi sollen dienē vmb ayniche figuren dar ein zu setzen, so wirts allwegē wol steen. Das sein höche mer daß zwifache weyten seye, damit so man ayniche figuren auffrecht stände darcin setzt, deßer bas respondiēre, doch ist sollichs all wegen dem werckmayster zu seinem gurduncken haym gesetzt.



V O N D E T H V S C A N A .


ES hat die alten Römer fur hupsh vnd zierlich gedoucht, nicht allain das Dorico funder
 auch das Ionico vnd Corinthio mit dem Rustico zu vermengen. Deshalben so ist es nicht
 vnrecht, wañ man allain mit ayner manier ain vermischung mit disem beurischen werck
 macht. Anzaygende in dem ains tayls ain werck der natur, vnd ains tayls ain werck des werck
 maysters. Dañ die seulen vmb wickelt mit den beurischen staynē, vnd auch der architraue vnd
 phrise zergäntzt von den penanten zaygt an ain werck der natur, aber die capitel vnd tayls der
 seulen desgeleychen die cornice mit dem frontispicio zaygen an ain werck der händt, wel-
 che vermischung meins gedunckens dem aüg seer angenām ist, vnd erzaigt in im selbs ain grof-
 se stercke. Deshalben wölte ich vrtaylen, dise manier mer weder kain andere zu beuestigun-
 gen zu gebrauchē, nichts dest minder in was gebew von beurischem werck das gefertzt, wiert
 das allwegen wol sten. Vnd diser vermängung hat sich Iulius Romanus mer erlustigt weder
 kain anderer, wie des Rom an vil orten gezeücknus gibt, auch Mantoa, in dem seer schönen pal-
 latz Te. genant, nit weyt von der stat hinaus. Warlichen ain exempel der Architectur vnd
 malerey zu vnsern zeytten. Die proportion diser porten soll man also machen, das ir höche bis
 vnder den bogen zway mal so vil als ir weytten im liecht seye, vnd die weytten getailt in
 sibben tayl, dauon ain tayl fur den pilaster genomen, vnd die seul soll zway mal so grofs
 seyn, vnd ir hoche mit dem capitel soll sein von acht taylen zu wissen von irer vn-
 derste dickne, das Capitel, architraue, phrise, vnd cornice, soll gemacht werdē wie
 in anfang gesagt ist. Desgeleychen wiert das frontispitium in der dorica ange-
 zaygt, der halb circkel des bogens soll getailt werden in .xi. tayl, das sol-
 len die Cunei oder penanten sein, aber das mittel soll was grosser dañ
 die andern sein, es stet auch zu des werckmaysters wolgefallen
 das ettwas fur die andern herab in den bogen zu lassen hangen,
 die fascia so den bogen tregt soll hoch sein halbe seul dicke,
 vnd von der fascia hinabwartz sollen .ix. tayl gemacht
 daruon die zwaytayl genomen sollen werden zu
 dem vndersten tayl der seul an stat des base-
 ments, vnd die vberigen syben tayl gleych
 aufgetaylt sollen seyn fur die stayn so
 binden vnd die seul vmbgeben,
 vnd wie reucher dis werck
 gebosfiert wiert, yedoch
 mit kunst, so vil
 mer wiert es
 die rechte
 art diser
 ordnung behal-
 ten, funderlich die
 stayn so die seul vmbge-
 ben, vnd auch
 die penant.






VONDE THVSCANA.

ES ist nit genug das ain werck seer starck, funder es soll auch dem aug angenām, vnd kunstlich vō gemacht sein. Darum̃ so ist dise weys vō bindungē der stain nicht allain vast starck funder auch den anschauendē lieblich: welcher erfundung sich der werckmayster zū mererlai dingen gebrauchen mag. Sein maß soll sein, das, wie weyt die offenhait im liecht, sol die vmb den halben tayl mer in die höche seyn. Die zal der penanten soll also gemacht werden, das der halb cirkel in .ix. vnd ain viertentayl getailt werde, daß der mittel penant ain viertentail gröfser weder die andern sein soll, vnd der andern soll yeder ayner ain tayl beschlagen, die höche des mitlen penanten soll sein der halb tayl von der offenhait weytte im liecht, die gelat fascia so den bogen tregt, soll den sibendentayl der offenhait brayt sein, vnd von dannen hinab wartz soll der pilastron in syben tayl getailt werdē: die fascia auff den Cunei soll seyn so brayt als der mittel Cunco oder penant vnden dick ist. Welchen penant man vmb den achtesten tayl seyner braytte in bogen hinab mag lassen hangen, von der bindung der andern stain mit den penanten weyst die figur klarlichen aufs.




VNd vmb das die gemachsamhayt verkert ist in ain zierlichayt, vnd die zierlichayt vber trifft ettwan die notwendigkait, vmb die kunst zů beweyfen, auch die reychtumb defs so thut bawen. So ist dise erfindung gemacht, fur gemachsamhayt, fur stercke vnd fur gezierdt, fur gemachsamhayt vmb der offenhayten willen so darinnen send, fur stercke, vmb das von ayner offenhayt zů der anderen grosse vnd starcke meuren send, vnd wol in ain ander gebunden, fur schönhayt vmb das die reych ist von schönen ornamenten vnd gezierden: welcher erfindung sich ain künftiger werckmayster zů vilerlay notwendigkaytten gebrauchen mag. Ir proportion soll sein, das defs pilastrons oder maurwercks, wie mans nennen will, so vil in der braytte als die offenhayt defs bogens seye, welcke zway mal so vil in die höche als in die weytten seyn soll: die pilastren sollen brayt seyn das achtest tayl, vnd de seulen das vierdt tayl, der weytte, zwischen ayner vnd anderer seul soll so vil spatium seyn als ain colona brayt ist, vnd ir höche mit Basement vnd Capitell soll sein von acht taylen, vnd im architraue, phrise, cornice, base, vnd capitel, soll die hie vor gegeben regel gehalten werden: die penanten vnd andere bindungen sicht man in der figur hie vnden, vnd wie wol die colonnen oder seulen, vmb zwaytayl vber die hie vor gegebenen regel gand. Noch danneft vmb das sie nach bey ain ander stand vnd ains tayls in die maur gemaurt, vnd mer fur ain gezierdt weder von vil tragens wegen hicher gesetzt, so gibt man das zů, durch auctoritet vilerlay alter gebew.



VONDE THVSCANA.

AIn schön ding ist es in der Architectur, voller erfündungen zů sein, vmb der mancherlay zůfäll willen, so sich in bawen zůtragen. Als das man ertwan zůzeyten ain gutte anzahl seulen hat, aber ainer sollichen nidere, das sy die notwendigkait des bawes nit erstattē künden, so der werckmayster kain rat wayst zů finden, sich deren zů gebrauchen, deßhalben wa die seulen nicht so hoch weren das si die fasciē, so dem sollter diser logien gleych ligt, erraychē mochte, so mag man auff disen weg mit den penanten aufsteygen so hoch es van nōtten ist, doch das es zů bayden seyten, von diser ordnung gemacht gut schultern, oder gegenhaltungen (wie mans nennen wil) habe, daß so vil das gewicht darob, wiert es starck genug seyn. Wol ist war so man den boden gewelben wōlt were der nicht sicher wo man das nicht mit gutten eyfynen oder metallē schlauderen bünde. Aber sicherer wurde dise logia sein, wo die nit weytter gemacht wurde daß das man den boden von staynen von aynem stuck machen mögē, oder aber mit gutten hultzen balcken vberlegen. Dañ wie wol alles holtzwerck nit ewig, so weren sy doch ain lange zeyt von iaren, wañ die mit vleys ins werck gelegt seind, oder an den orten so in die maur komen ligen, gebrendt werden, oder aber mit bleyblech beschlagen, oder mit bech gebicht. Die proportion disz wercks soll sein das die offenhayt des gewelbs oder bogens vier seul dicke in die weytten seye, vnd seyn höche zwey mal so vil, vnd die klaynere spaciū oder offenhayten, sollen dreier seul dicke weyt seyn, vnd ir höche sechs seul dicke. Also werden alle offenhayten von zweyen vierkanten zů wissen zwey mal so hoch als weyt sein. Vnd die seulē weyl die ain grofs gewicht muessen tragen, sollen von irer ersten maß sein, zů wissen von sechs seul dickne, mit basement vnd capitel. Von den penanten vnd andern bindungē, sicht man seer beschaydenlich in der figur. Vnd von den basementem vnd capitelli ist in der ersten Colona, fur all wegen gesagt.




Wie wol diser bogen ser starck ist, von wegen der concordantzen der bindungen, so ist er auch darzû künstlich vnd im gesicht lieblichen: welcke erfindung oder manier nit allain zû logien oder gallereyen von sollichem werck, sunder auch zû wasser brucken, oder auch wasser von aynem berg zû dem andern zû layten, dienlich. Seyn proporcion ist, das man die höche bis vnder die fascia so den bogen tregt so hoch mache als die vweyte von aynem pilaster zû dem andern ist. die fascia soll von diser vweyte oder höche den sibenden tayl dick sein. Von der fascien nidervartz soll der pfeyler in. vi. tayl, vnd der halb zirckel in. ix. tayl getaylt werden. Wan der mittel schlieffsteyn, soll vmb ain vierdten tayl dicker dan die andern sein, das vberig mag man mit dem zirckel in der handt finden.




VON DER DORICA.


ES mochte sich bey zeytten zůtragen, das man in ayner maur vil locher bedorffen wurde, vmb bequamlighayt willen des baus, warzů difs werck vmb allen last zů tragen am aller starcksten seyn wurde, vnd so man auch nit so vil liechts bedörfte, möchte man ettliche der selben löcher mit gebachen staynen auffullen. welcher proporcion sein soll, das die offenhayt des liechts, vnd der pfeyley eben brayt seyen, vnd zway mal so hoch als brayt. wie wol solliche ding zů meren oder zů minderen sendt, nach gutduncken des werckmaysters. Der geleychen wercken sicht man in Rom, die nit allain vast alt, sonder noch heutigs tags ser starck sendt. Das Exempel hieruon ist zů Sant Cosmo vnd Damiano.




MEn sagt das an sechen thut gedencken, dar durch oft gemacht wiert, welches man nit machen wurde so man das vor nie gemacht gesehen hât, vnd die weyl man dan ettwan ain göbel oder seyten maur aines gebews sinder ayniche offenhayt von thuren, oder fenstern findt. Als in aynem garten, oder aynem hoff, oder andern ort, vnd doch erhayst reychlichen gezierdt zû sein, von disem beurischê werck, mochte sich der fursichtig werckmayster diser erfundung gebrauchen, in welche platzen (so man Nicchi nennet) mag man bilder vnd andere reliquia von antiquitatē setzen. Von seynen proporcionibus vnd massen, will ich mich nit weyrter aufsbraytten dan sollichs zum gurduncken des werckmaysters steet, sollichs zû braytten oder zû erhoehen nach erhaysch vnd gelegentheyt des wercks.



VNd vmb das der merer tayl der supercilien, oder architraben (wie man die nennen will) so auff ayniche porten oder kram läden gesetzt sendt, vmb der grossen weytte der offen hayt willen wo der stain nit von sonderer stercke vnd dicke ist, mogen sy dem last so dar auff kompt nicht widersteen. Dardurch so mit der zeyt keñen zů erbrechen. wie man an vil orten sechen mag, So mag man es seye die weytte wie grofs die woll allain das die achflen oder seyten starck seyen, ain bogen von staynen machen auff die weys wie hie vnden auff zwen weg verzeichnet. Dañ on allen zweyfel sollich werck seer starck wiert, vnd wie vil das oben mer beladen so vil wiert das werck langer weren.



Wie wol man in den schriften Vitruuii kain beschaidt findt wie die antiqui oder alten, ire feurstet vmb sich zů warmen in palatzen vnd sonderlichē platzfen gebraucht haben, man findt auch kain fußtapffen ayniches camins noch rachlochs vmb dem rach aufgang zů geben. Noch von aynichem Architectē oder werckmayster, wie erfare der gewesen sey, hab ich nie die warhayt diser sachen kinden vernemen. Nichts dest minder die weyl von vilen vnd vil iar hertz gebrucht ist worden die feurstet nicht allain in die söl vnd kämeren zům gebrauch der menschen zů machen sonder haben sich auch beflissen solliche ort hipsch zů zieren. Vnd die weyl ich dañ in disem büch von allen gezierden so aynem werckmayster vnd den gebewen zů steen oder fur fallen möchten tractiere. So wil ich auch nit vnderlassen ettlich form von caminen an zů zaygen, welche form vnd weys gebruchlich vnd formlich sendt zů der ordnung Thoscana ob man der in der geleychen gebewen von thon hätte. Dauon der ayn von Thoscanischem werck zierlichen vnd auffer der mauren gemacht ist, vnd der ander von beu rischem werck aller in der maur dicke stande.




VON DE THVSCANA.


Die ersten beurische werck sendt auff dise manier gemacht werden, zů wissen die stuck der stain also groblichen gebessert, aber ire vergerungē sendt mit höchsten vleys gemacht wordē.




Darnach haben sy mit mererer lieblichayt die stain mit disem platten so sy taylt, vleysiger ge arbayt, vnd darnach vmb noch mer zierlichayt willen haben sy in die kreutzung zů gefuegt. Ander werck mayster wollende contrafaien geschnitten diamanten haben die stain mit noch mer artikait auff dise weys gemacht.



Vnd also von alter so alter ist dis swack alzeyt verandert worden zů zeytten nachfolgende oder contrafeytende platte diamant taffen vnd zů zeytten mit hoch verhebnerern bisellen, wie man hie vnden verzaychnet sichr.



Etlich ander werckmayster haben noch merer zierlichayt vnd bas geordnete zů samenfuegun- gen wollen brauchen, wie wol dis alles sain vrsprung hat von dem beurischen werck vnange sechen dafs man dis gemaynlich mit pundten von diamanten hayft.




HIE ENDET SICH DIE THVSCANISCH,
vnd beurisch ordnung, vnd facht an die Dorica.

VON DER MANIER DER DORICA


MIT IREN ORNAMENTEN. CAP. VI.

Die Antiquen haben disß werck Dorica zůgeaignet vnd ergeben den gottern, Iuppiter, Mars, Hercole, vnd ertlichen andern graufamen vnd starcken göttern. Abar nach der flayschwerdung vnser menschlischen hayls, sollen wir Cristen mit ayner anderen ordnung handeln. Darum so wir ayniche tempel oder kirchen wöllen bawen, Cristo Ihesu vnserm erlöser, oder sant Pauls, sant Pietter, oder andern der gleychen hayligen, deren professiō nicht allain ains kriegers, sunder sunst so manlichen seyn geweest, das sy ir leben fur den Cristen glauben dar gestreckt haben, sollichen allen gehört diße generatiō Dorica zů, vnd nicht allain den hayligen sunder auch kriegern, leutten von starckhayt, sy seyn gross, mittel oder klaynes stands. So man also aynē baw in gemain oder bisunder thon wil, gehört diße manier dorica zů, vnd wie vil diße person mechtige so vil erfordert diß werck mer sterckte, vnd ob der man vnangesechen er ain kriegsman auch darneben ettwas zarter natur ist, soll man das werck auch deßer lieblicher vnd zarter machē, wie wir an seynem ort vweytter daruon sagen wöllen. Nun last vns kōmen an das particular werck vnd seyn proportion. Von disem werck Dorica handelt Vitruuius im vierdten bůch am dritten Capitel. Aber vom basement der colōnen hatt er im dritten bůch geschriben. wie wol viler maynung ist das dasselb Basement von der Corinthia sey, angesechen das man das vil an den colōnen Corinthia vnd Ionica gebraucht zů haben findt. Es send auch ertlich der maynung das die Colōnen Dorica kain Basement gehabt haben, ansechende vil Antiquische gebew, wie am Theatro di Marcello in Rom, ain vast schön werck, vnd von halbenrayl herab Dorica, welches Theatro seulen kain Basement haben, sunder man sicht den schaffit der selben, stan auff ayner staffel sunder aniche andere gelidmaß. Desgeleichen am Carcer Tulliano die fůßstaffen ains tempels Dorico, welches seulen auch sunder basement sendt. Man sicht zů Bern ain Arco Triomphale von dorica werck, da die Colōnen auch kain basementen habē, doch nichts deß minder die weyl die Antiquen die Basementen der Corinthia auff ain andere manier gemacht, wie ich an seynem ort anzeygen wirdt. So sag ich die base Atticurga beschriben von Vitruuio im dritten bůch, der Dorica zů gehöre, sollichs sicht man auch gehalten zů sein von Bramante Architecto, in seynen gebewen zů Rom von ime gemacht, welche Bramante die weyl er gewesen ist das liecht vnd erfinder von der gutten vnd rechten Architectur so von den alten bis auff sein zeyt vnder Bapst Iulio dem andern, begraben ist gewesen, vollen glauben zů geben ist. Darum so soll das Basement dorico halbe colona dicke hoch seyn, vnd seyn Plinthus oder zocco soll der drittayl seyner höche seyn, vnd von dem vberigen werden gemacht viertayl, daruō ains für den obern Torus genomē vnd die vberigen drey sollen in zway geleiche tayl getaylt werden, daruon der ain der vnder Torus sein, vnd der ander tayl dem Trochilo oder Scotia wie mans nent gegeben werden sol. Doch soll diser trochillo darnach in sibben tayl getaylt werden, daruon ayner dienen soll fur das ober quadretto, so man auch neñt supercilium, vnd ain anderer tayl fur das vnder quadretto, die aussaidung diß basements soll seyn von halben tayl seyner höche, vnd das plintho soll auff alle ort anderhalbe seul dickne haben, vnd so das basement vom aug vber höchst stet, so soll das quadretto vnder dem obern Toro, welches von dem selben verdruct ist ettwas grosser sein dan das vnder quadretto. wañ aber das basement höher dan das aug steet, so soll man das quadretto ober dem vndern Toro so vom selben verdruct ist, ettwas grosser machen dan das ander, desgeleichen die Scotia verdruct vom Toro soll man in disem fall grösser machen dan die gegebenen massen. Aber in der geleychen fällen mus der werckmayster seer auff merckig vnd vleyßig sein. Dañ Vitruuius vermanit, das die studierenden in seynen schriffthen, seyn vnderwisen oder gelert in der Mathematica, welche ain menschen auffmerckig macht in vilen accidenten oder zůfällen.


VON DER DORICA.



Vnd vmb das Vitruuius dise ordnung Dorica aufgetailt hatt in moduli oder modellen, machende die feul von zweyen modellen dick, vnd feyn hoche mit basement vnd Capitell von .xiii. modellen. So daß das basement ain modell hoch ist, so soll der schafft der feulen von .xii. modellen, vnd das Capitell auch nun von aynem modell hoch feyn, welches in allem .xiii. modellen macht. Die höche des capitels soll getaylt werden in drey tayl, daruon ain tayl der Plinthus genant Abacus feyn soll: warin sich auch das Cimatium verftet: das ander tayl soll fur den Echinum mit feynen annuli oder staffelen, vnd das dritt tayl fur das Hipotrachelium oder Phrise genommen werden, welches dicke ain sechsten tayl minder weder der feul dicke vnden fein soll. die größe des capitels zu oberst soll auff all ort van zweyen moduli vnd ains sechten tayl ains models fein, vnd dis ist nach dem Text Vitruuii. wie vvol ich glaub das der text gefälscht sey die auslaidüg betreffent, daß die im grundt seer arm scheynt gegen den antiquen so man findt. Darum wil ich gegen disem Capitell vber noch ain anders nach meynem gutduncken verzeichnen, mit feynen aigentlichen massen, klarlicher beschriben vmb das Vitruuius die aygentliche massen feyner gelider nicht setzt, sunder mit kürtze dadurch geet. Deshalben sag ich, so das Capitell in drey gleyche tayl getaylt ist, wie hie oben gesagt, auch in drey tayl getaylt, daruon ain tayl dem plintho oder abaco sampt dem cimatio soll gegeben werden, dasselb getaylt in .ix. gleyche tayl, daruon ain tayl fur das leystli auf dem cimatio, zway tayl fur das cimatiū, vnd die andern .vi. tayl fur das plinthum oder abacum soll genommen werden. Der Echinus sey geleycher weys in drey tayl getailt, daruon soll man die zway tayl fur den Echino vnd das dritt tayl fur feyne annuli nemen, die welche man auch in drey gleyche tayl taylen vnd yedem ain tayl geben soll. Das Hipotrachelium oder phrise werde gemacht gleych wie von andern gesagt ist, die auslaidung ains yetwederen tayls oder gelids, soll fein so vil als fein höche. Dañ also thonde so wiert dis Capitell mir brobierlicher massen gemacht, vnd den augen des ansehenden seer anganam vnd gefallig.




A Ber vmb das ettlich wöllen, das der Echinus mit den Annulis oder ringlen (wie der text Vitruuii laut) anderst verstanden soll werden, daß vnser auſtor hic angezaygt hat: wañ bey den annuli das ſeind die drey ringlen vnder dem Echino, von ime geſetzt, ſolle man verſten die ring im Echino mit den ayren darñ, welcher. xii. im geſal ſein ſollen. Daruñ yederman zñ volthun (vorbehalten die gratia vnſers auſtors, die ich hiermit nicht verachtet wil haben) ſo hab ich diſe ring nach obgemelter maynung (wie ich die von andern vberkoñen hab) in die helft deſs hieunden verzeychneten Capitels geſetzt. Vnd darzñ gethon noch ain Egk oder vier tayl der platten form, warauñ man ain gantz Capitel machen kan.



VON DER DORICA.



A Vff das Capitell setztman das Epistilium welches höche ain modulo seyn soll, getaylt in fiben tayl, ains soll die tenia oder leyften sein, vnd die gutte das seind tropffen mit dem leyftlin vnder der tenia (welche Vitruuius subtenia nennt) deren hoche solle der sechsterayl ains modulo sein, getaylt in viertayl, daruon drey die gutte, vnd der vierdttayl das leyftlin sein sollen, welcher gutte (auf teusch genant tropffe) sollen sechs an der zal sein, hangēde vndē andē Triglyphi, gezeichnet mit a, derē höche solle vō anderhalbē moduli seyn, vnd ir braytte ain modulo, getaylt in .xii. tayl, daruō soll mā lassen zū yeder seytrē ain tayl fur die halbē rinnelē oder hoolkelen, vnd von den .x. vberigen taylen soll man die seche nemen zū dem platten des Triglypho, vnd vier tayl seyn fur die zway mitlen rinnelen. Vnd also solle zwischen aynem vnd dem andern Triglypho anderhalben moduli spacium gelassen werden, welches spacium also ain perfect vierkant sein wiert, vnd diese spacii werden genant Methope vom Vitruuio. In welche spacii so man die von merer lieblichayt wegen verzieren will, mag man darein schneyden der geleychen ding wie in dem quadro hieundē mit b gezeichnet, auch stiers köpff, wie man hie vnden verzaychnet findt, welcke ding nit one sundere bedeutnus sendt. Dañ als die Antiquen sacrificierten echsen oder stier gebrauchten sy auch schuffelen darzū, setzten deshalben der geleychen ding an dise ort fur ain geziert. Rundtsvmb ire tempel, auf die triglyphi soll man ire Capitell setzen, welcher höche ain sechster tayl ains modulo sein soll, vnd auff die Triglyphi oder ire Capitell werde gesetzt die corona mit bayden cimatii, ains darob, das ander darunder, alles getaylt in .v. tayl: daruō iii. fur die corona, vnd die zway tayl fur die cimatii sollen genomen werden: aber die gantz höche soll nun ains halben modulo sein. Vnd auf die corona werde gesetzt die Scima, deren höche ain halber modulo seye, darzū gethon ain achten tayl desselben halben modulo fur sein quadretto oben. Die auslaidung der corona solle sein die zway dritte tayl ains modulo. Vnd vnden im gtünd der corona rechts ob den triglyphi sollen geschnitten oder gehawen werden die tropffen, wie in der figur c auff der seyten hangende anzeygt wiert. Vnd zwischē den triglyphi, mag man aintweder die spacii plat lassen, oder aber seyne fulmina mit d gezeichnet darein hawē vmb merer zierlichayt willen. Die auslaidung der Scima soll sein wie ir höche, desgeleychē alle andere gelidmassen, aufgenomē die Corona, welcher auslaidūg zūm wenigsten sein soll wie ir höche. Aber wie vil die Coronen merere auslaidung habē, doch das es die stain erleyden mögen, so vil mer tarpferkayt representieren sy, sollichs sicht man die alten römer gebraucht habē, wie ich an seynem ort des anzeygung geben will in figurē vnd massen.












SO man die Colona gekeelt will haben, so sollen der keelen .xx. an der zalsen, also aufgehoolet das von aynem zw dem andern tayl der keelen ain gerade lini gezogen werde, welches die seyten ains vierkantens sein soll, vnd dis vierkant geformiert seynde in welches Centrū setzende den Circkel mit dem aynen spitz vnd mit dem andern rürende das ain, vnd das ander egk der lini vnd den circkel also umbgezogen wiert es sein rechte hoolkelung gewinnen, welches ain viertayl des Circels an der tieffe sein wiert, exempel des sichts man hievnden bey der seulen.



VNd so vmb verhöchung willen der colōnen oder anderer vrsach halben die seul ain stilobato oder Piedestallo wie mans nennet, haben mueste, vnd man sunst vmb minder oder merer höche willen aynichen dingen nit obedieren darff, so soll die seyten dises stilobate seyn in der braytte wie der Plinthus des basements von der seul, vnd sein hoche zw wissen das nett fundel basement vnd Capitell, soll seyn, das von seyner braytte gemacht werde ain perfect vierkāt, vnd von aynem egk zw dem andern ain zw erch lini gezogen, die selb zw erch lini aufrecht gestelt soll sein höche sein, die getaylt in funf tayl, so vil als der selben tayl aynen soll man fur das Cimatium mit anderen seynen gelidmassen hin zw thon, vnd ain geleychen andern tayl soll man seynem basemēt geben. Also wiert diser piedestalo von sibentaylen seyn, wie auch die Colona nach diser höche proportioniert, vnd wie wol die außladung dis capitels seer vnder schidlich ist von der beschreybung Vitruuij, vmb das es bley oder wagrecht ist gegen dem Plintho des basements, nichts destminder vmb das ich gesehen habettlich antiquen, auch hab ich selbs der geleychen ins werck thon setzen, hat mich fur gut angesehen sollich hie her auch zw verzeichnen zw wolgefallen des, so sichs gebrauchen wolte, wie wol die Vitruuij sien allain, fundel anders sines die antiquitates gebraucht zw habē, werdē dise opiniō verwerffen, so sy aber ansechē wollen die abachi der Capitellen Corinthij, welcher außladung bley oder wagrecht send gegen den Plinthi der basementen, werden dise außladung nicht so leychtlichen verdammen.



VON DER DORICA.

Vnd vmb das ich grossen vnderschaydt finde zwischen den Antiquischen gebewen zu Rom, vnd andern orten in Italien, gegen den schriften Vitruuij, So hab ich deren etliche wollen anzeygen, welche man tayls noch im werck sicht. Vnd wie wol die von klayner form, auch sunder gezal vnd massen hie her gesetzt, so sendt sie doch nichts dest minder proportioniert nach den rechten. Vnd mit grossen vleys vom grossen ins klain veriungt. Das Capitel R. ist gefunden worden auffser halb vom bey ayner bruggen so vber den flus Teuer genant gat. Das Capitel V. ist zu Bern auff aynem Arco Triumphale. Das Capitel T. ist an aynem tempel Dorico al Carcer Tulliano in Rom. Das Capitel P. ist gefunden worden zu Pefaro, mit vil andern lobwirdigen antiquiteten, welches aussaidung wie wol die ser gross, so ist sie doch nichts dest minder seer angenam den ansehende. Der piedestal, basement vnd Capitel. A. sendt zu Rom al foro boario. Die Cornice das Capitel vnd der trag stain ains bogen. B. send am Theatro de Marcello. Die Cornice, Phrise, vnd Architraue. A. send al foro boario in Rom, welche ich alle hab wollen anzeygen, damit der werckmayster daraus moge erwelen das so ime am besten gefelt in diser ordnung dorico. Nun will ich fort faren vnd anzeygen etlich particular massen, so aynem werckmayster von notten sendt.






VON DER DORICA.

Nach dem die aufsteylung der Triglyphi vnd methopen, in diser ordnung dorico schwarz vnd doch seer von nöthen, so wil ich mich befleyssen sollichs zu verklären so vil mir möglichen ist, vnd sage erstlichen, wie wol der text Vitruuii laut, das in aynem werck Exastilum, das ist von sechs colonnen in aynem portico, die moduli in .xxxv. tayl sollen getaylt werden, so findt ich doch nit das dise aufladung also besteen möge. Dañ so man dem mitlen spatium vier Methope geben will, vnd den andern spacii drey, so mag gemelte zall sollichs nit erstattē, Aber wie mich gedunckt so wöllen deren .xlii. sein, wie man in nachuolgender figur sechen vnd rechnen mag, vnd desgeleychen auch im werck Tetrastila, zu wissen von vier colonnen, Sagt der text, das der vorder anschaw des gantzen wercks getaylt soll werden in .xxiii. tayl, welches also nit steen mag, wöllende dem mitlen spatium vier Methope geben, vnd den zweyē spatii yedem drey Methope, sunder nach meynem verstandt müessen deren .xxvii. sein, wie man in diser nachuolgende figur geleycher weys sechen mag. Des halben getaylt seinde das vorderste des tempels, in .xxvii. moduli, daruon zwen modulen ain seul dicke sein soll. So wiert das mitel spatium von acht moduli sein, vnd die auff den seytten von funff vnd ain halben yedes, vnd also werden die .xxvii. moduli aufgetaylt vnd auff yetweder colona sein Triglypho gesetzt, vnd aufgetailt seynde die Triglyphi vnd die Methope in massen wie im anfang diser ordnung gesagt. So wiert das mitel spatium vier Methope haben, vnd die auff den seytten yedes drey, in der höhe der colonnen, basementen, capitellen vnd andern gelidmassen, soll gehalten werden die regel im anfang geben. Aber die höhe des fastigiums, oder dreyāgels, solle sein der neürte tayl vō der lini des scimatio so ob der coronē hergat. Die acroteree auff dem fastigio sollen von halber höhe des platten von dem fastigio (so Vitruuius Timpanum nent) seyn, vnd seyn braytte seye wie die colonnen oben, vnd das mitel seye ain achten tayl höher dañ die andern, vnd die weyl dise porta dorica vast schwär ist vmb zu versten, so wil ich in geschrift sagen, vnd durch ain figur anzeygen, so vil ich des verstandt.

Der text Vitruuii sagt, das von dem pauiment bis an die Lacunarii, das ist von der erden der gallerey, bis vnder das gewelb oder himel, zu wissen vnder das .A. drey tayl vnd ain halbē sollen gemacht werden, daruon man zwen tayl für die höhe des liechts nemē soll, dañ also sagt der text nach meynē geduncken. Die weyl man aber in der klaynen figur die aygentlichen vnd particulier massen nicht so wol anzeygen kan, so wil ich in nachuolgendem blat aygentlicher daruon reden, vnd in grösserer figur ayzeygen.






VON DER DORICA.

GEmacht seinde wie gesagt ist, drey tayl vnd ain halber von der erden bis an den himel
oder tyllen, so sollen zwen tayl sein fur die hoche des liechts, die selbig getaylt in .xii. tayl
darvon ain tayl die braytte der antipagmentē genant pilastre, vnd funff vnd ain halbertayl die
weytte des liechts sein sollen, vnd so das liecht vnden von .xvi. schuchen weyt, solle das oben
vmb den drittentayl des pilasters braytte gemindert, vnd darzu der pilaster selbs eben vmb dē
xiiii tayl geschmälert werden, das supercilium, Architraue genant, solle gleich von der selben
höhe sein, in welches zu machen ist das cimatum Lesbium mit dem astragalo. Welches cima-
tium der sechstetayl des pilasters braytte sein soll, Zu wissen das Astragalum Lesbium wie das
in der figur .A. anzeigt wiert. Es scheint wol als ob der text wölle, das man das cimatum al-
lain auf das supercilium setze, aber so vil ich in den antiquitatē gesehen, so hab ichs auch vmb
die pilastre wöllen machen. Auff das supercilium soll man setzen, an stat des phriesen, das Hi-
pertirum genant, von geleycher höhe wie das supercilium. Darcin (sagt der text) solle man
schneyden das cimatum doricum vnd das astragalum lesbium, in la Sima sculptura, welches ort
seer dunckel vnd zerrit ist, aber in dem glaub ich der text corrumpiert sey. Vnd da er sagt Si-
ma sculptura, wolle er sagen sine sculptura, das ist sunder geschnitten werck, zu wissen das ci-
matium doricū, vnd das Astragalum Lesbium. Sunder aynich zier darein geschnitten, wel-
ches form vnd proportion, in hie gegenstand der figur D. vnd A. verzachnet ist. Es
scheyndt auch das der text sage, das das Cimatum von der platten coronen
sich an der höhe vergleyche mit der höhe des obersten von capitel der
colōnen, welches so dem also so muß die corona seer grofs könen,
welcher ich so vil aussaidung hab geben, so vil als die höhe
des supercilii ist, wie daß der text sagt, wie wol ich
dise Corona in kain werck nimmer machen wolt, nichts
dest minder die weyl wir von den gezierden tractiern, hab ich
in disem fal mein aygen gütduncken anzeygen, vnd
des ain augen schemliche figur
weyfen wöllen.






- a Antipagmentum.
oder pilaster.
- b Supercilium
- c Hyperthirum.
- d Corona,

V O N D E R D O R I C A .


V Mb das furwar bey vnfern zeytten, nicht im brauch ist, die potten eben enger zů machen
weder vnden, wie die antiquen gethon haben, welches ich nit schilte, vnb merlay vr-
fach willen, so haben doch nichts dest minder ettlich verftendig werckmayster, deren ettwan
gemacht, welche dem merern tayl der leut nicht geuallen haben. Desehalbē so ye ain bawmay-
ster ain porta doricā wil machen, simpel vnd von klayner gezierdt, so mage er halten die ord-
nung vnd proportiō diser hienachuolgendē figur, welcher effenhayt im liecht solle sein zway
mal so vil in die hōche als in die weytte: Ir antipagmentum, oder Pilastre sollen brait seyn den
sechten tayl des liechts weytte, außsen vmb den Pilastro soll man machen ain Echinum mit
seynem quadret, das ist, ain halben stab mit seynē leyftlen, welcher Echinus der funft tayl des
Pilasters braytte soll seyn, wie wol der Echinus von der hieuorstenden porten nun den sech-
sten tayl des pilasters brayt ist, nichts dest minder die weyl ichs an antiquitaten gefeehen hab,
von aynem funften tayl, an ayner porten von mittelbarer groffe, so hab ichs auf disen weg wöl-
len machen, vnd wie ich hie oben gesagt hab, soll man disen stab nit den viertentayl des
Circkels hoch, sunder den halben tayl niderer machen, welches gelid Vitruuius Ci-
matium Lesbium nennet, vmb den text mit den antiquischen dingen zů vergley-
chen, soll der rest des pilasters in .ix. tayl getaylt werden, vnd der funft tayl
daruon der grosseren fascia, vnd die andern vier tayl der mindern fascia
gegeben werden. Auff disen pilastre soll man setzen die Cornice,
geleycher hōche wie der Pilaster, getaylt in drey geleyche
tayl, daruon ayner das vnder Cimatium mit dem stab
vnd seynem leyftlen seyn soll. Der ander
tayl, soll fur die Corona mit seynem klay-
nern Cimatio, vnd der drittayl
fur die Scima genomen wer-
den, mit hin zů thon ayns
achtentayls mer. Vnd
in seyner auslaidung
soll die regel im
anfang diser
ordnung gegeben,
gehalten wer-
den.






VON DER DORICA.


Wie wol Vitruuius in seynen schriften, nun von aynerlay weys von porten in der ordnung Dorica meldung thut, vnd darzü, wie hie vor angezaygt, seer vnuerstentlich, nach meynem geduncken, so gedunckt mich billichen, das man sich nit aynerlay sorten, sonder vilerlay manieren gebrauchen soll, vmb ain gebew reycher zů machen, vnd vilerlay willen genug zů thun. Desshalben so man ain porten wil machen ains tapffern ansehens, so mag man die auff nachuolgende weys machen, dise regel haltende, zů wissen, das die offenhayt des liechts zway mal so vil in die höche als in die weytten seye, vnd sein Antipagment oder Pilafter seye in der braytte den achttesten tayls von der weytte des liechts, vnd die Colona den vierten tayl, welche wie wol sy also höher weder die hieuor gegebne massen kommen so sendt sy doch darum nit zů schelten, vmb das sy tayls in die maur kommen. Vnd auch so man ain aufmercken hat auff ettlich antiquitates, welche in dergeleychen fäll nun dester lieblicher sendt. Auff die Colonnen soll der Architraue gesetzt werden, welches höche von der braytte des pilasters seyn soll. Der Phrise soll seyn an der höche drey viertayl der seul dicke, vnd auf yede seul soll ain Triglypho gesetzt werdē, vnd von aynem Triglypho zů dem andern werde aufgetaylt vier Triglyphi, vnd funff spatien. Von den andern particular gelidmassen, als Basementen, Capitellen, Phrise, Triglyphi, vnd Cornice, solle die regel im anfang gegeben gehalten werden, vnd die weyl ettlich fastigii oder frontispicii vornen anden templen ainer merern höchē send, weder die von Vitruuio beschriben. Deren regel soll sein, so die cornice gemacht ist, soll die ober lini in halb getaylt werdē, vom A. bis ans B. vnd vom halbertayl hinab soll ain schnur gerade lini in der mitten hinab gezogen werden, so .C. ist, darnach den spitz des circckels gesetzt auff den puncten .C. vnd den andern spitz auff die seyten der cornice .A. vnd in die runde gezogen bis auff die seyten .B. so wiert die höche des circckels, die recht behörlich höche vnd dem frontispitio sein.





VON DER DORICA.


EYn vermischung scheynt zů zeytten lieblicher im anfechen vmb der verkerlichayt willē,
 daß ain lautere simpelhayt in irer aygnen natur, varoñe daß loblicher ist, so von man-
 cherlay glidmassen ayner geleychē natur, ain stuck wercks proportioniert vnd gemacht wiert
 wie man in nachuolgender figur sechen mag, in welcher sendt Triglyphi vnd mutili, das seind
 krack stain in ayner gleychen ordnung, welches ich gleych wol in kayner antiquitet geleschen,
 noch geschriben gefunden hab. Aber Baltasar von Siena ain seer erfarnier in der antiquitet, mag
 villeycht ettwas daruen geleschen haben, oder durch seynen schönen verstandt des selbs
 der finder gewesen seyn, setzende die Triglyphi auff die offenhayt, dan sie da am minsten tra-
 gen, vnd die karck stayn mutilos genant auf das plat der pilastrē die das gantz gewicht der fa-
 stigien tragen: welches nach meynem geduncken seer zierlichē stat vnd dem aug angenām, ist
 auch seer geprüsen worden von Bapst Clemente dem sybenden, welcher furwar in allen
 edlen künsten seer gutten verstandt gehapt hat. Die maß diser porten soll also sein, das die offen-
 hayt von zwifacher proportion an der höche sey, vnd sein Antipagmēt soll den sybenden tayl
 der höche brayt sein, vnd sein supercilium den halben tayl des pilasters, die braytte der mutili
 vnd Triglyphi sollen der halbe tayl des superciliums sein, vnd ir höche von zwifacher braytte
 vnd also machende zwen mutiles auf yetvedern pilaster, vnd vier triglyphi auf die offen-
 hayt, die spatii geleych aufgetaylt so werden die selben spatii perfecte vierkanten kom-
 men, vber die mutili vnd Triglyphi send zů setzen ire Capitellen, oder Abaci, wie
 man die nennen will, welcher höche den vierten tayl minder daß der Trigly-
 phi braytten sein soll, aber das Cimatio seye ain drittertayl des Abaco, die
 höche der corona mit seynem cimatiū seye von der braytte des Tri-
 glypho, vnd die Scima oder gola diritta auch also vil, die ausla-
 dung der Corona vornen im gesichte, soll so weyt heraus
 geen, das die spatii zwischen den Triglyphi am grund
 oder boden der corona perfecte vierkanten machen,
 Aber die ausladung auff bayden seyten, solle
 nun auf den halben tayl der vorderen aus-
 ladung seyn, die ausladung der Scima
 vnd des Cimatio seye ain yetwe-
 dere so vil als ir höche. Die
 hoche des fastigii soll al-
 so genomen, das von
 ayner zů der ande-
 ren seyten der
 scima, durch
 ain gera-
 de lini
 ge
 macht
 werden
 funff tayl,
 daruon ain tayl
 die oberst höche
 des fastigii sein soll.
 Diser erfindung mag sich
 ain vverckmayster gebrauchen
 nicht allain zů porten, sunder sunst
 zů manicherlay andern ge-
 zierden, nach den
 zůfällen.



Mutili
oder Mo
diglion.


VON DER DORICA.

Wie wol mā in der ordnung doricā vilerlay manierē von portē machē möchte, nichts destminder die weyl dem may
stē tayl der menschē all wegē gefallē hat vnd noch heutigs tags gefelt newerung, vnd nicht vil gefechne ding, besunder
lichē die ding ob die schon vermischet, doch mit guttē verstädt gemacht seindt, wie dise nachuolgende portē, welche, wie
wol die colonē, der phrise vnd andere seyne gelidmassen, zerrgantz, vnd mit beurischē werck bedect, so sicht mā doch
nichts destminder den gantzē form beschaydelich, mit allen seynē proportionibus: welche seindt, das die offenhayt des
liechts von zwifacher proportiō an der hōche sey, vnd ir weytte werde in sechs tayl vnd ain halben getaylt, daruō mā
aynen tayl dem pilastre runds vmb die portē geben, vnd die colōnen von zwifacher braytte sein, welche mit dē Capitel
von .xiiij. moduli hoch sollen sein nach der maß im anfang geben. Vnd vom Capitel niderwartz soll dise colona in .xiiij.
vnd ain halbē tayl getaylt werdē, vnd ain yetwedere fascia so die colona mit dem beurischē werck vmb facht sollen vō
ander halben seyn, aufgenommen die so zw vnderdt stend vnd die basement bedeckē die sollen von zwayen taylen sein,



aber die funff tayl der
feul so die recht Colo
na anzaygē, sollē ye
des nun von ainē tayl
sein. Vnd diser gestalt
sollen die .xiiij. vnd ain
halber tayl aufgetaylt
werden vber die feulen
soll der Architraue
mit dem frontispicio
gesetzt werden, hal
tende die regel im an
fang daruon gegebē,
der cunei so die geli
der des Architraue
vnd frontispicio be
schlagē sollen syben
am gezal sein auf sein
centri gezogen, wel
che stendt zwm wol
gefallen des werck
maysters die zw ma
chen oder zw vnder
lassen, doch volgede
die ordnung der tri
gliphi vnd Methope
in hievorfeder portē
am plat .8. gegeben.
vnd wie wol ich ge
sagt hab das das bew
rischwerck diene vnd
gehore zw den beue
stungen, so wolt ich
doch nicks dest min
der inwendig in ay
ner beuestigung sol
lich verkerung vnd
vermischung loben,
aber nicht aufwēdig
vmb das es ain werk
ist das vom geschutz
leichtlichen schaden
möcht empfangen
vmb seynere grossen
verhebtig willē. Ich
sage auch das dise por
ten wol solte stan,
nach meynē bedunc
kē an ayner pallatz
aines kriegmans, al
so in ayner stat wie
auff dem laindt.


MEyn maynüg was im anfang, in disem. IIII. buch zw tractierē allain von dē gezierdē der. v. manierē vō gebewē vnd darnach in den andern buechern an feynē orte, hab ich wöllē handeln von dē gantzē gebewē vnd iren ordnungen, Aber darnach hab ich mich entschlossen (vmb disß buch mer zw zieren) an zw zaygen etliche facciatē, also von temple, wie vō heusern, damit mā deſter ain bestern verſtād außß disem werck nemē mög. Deshalbē wie ich im anſag hab geſagt, allwegē so die ſeulē ir baſamēt oder rüſt auf der ebne deßs gebewß habē, ſendß ſie loblicher weder auf ainē piedestalo geſetzt: die weyl aber möglichē, das zw zeyttē der baw mayſter nicht ſeulē kā gehabē, ainer ſollichē grōßē vnd hōche als ime vō nōtten, deßhalbē gezwungē ſeyne piedestali darunder zw ſetzē, Darū hab ich diſe nachuolgende ordnūg gemacht: welcher ſich der werck mayſter zw manicherlay gezierdē mag gebrauchē, Ir proportiō oder auſtaylung ſoll ſein, das die offenhayt in die hōche. ij. mal ſo vil als in die weytte ſey, der pilaſter deßs geleychē der bogē ſey ain xij. tayl vō der weytte deßs liechts, vnd die colona ain. vi. tayl gemelter weyttne, das ſpatiū zw iſchē ayner vnd der andern ſeul, ſolle ſein der halb tayl diſer offenhayt oder weytte. Vnd die braytte deßs Nicchio ſeye. ij. colonnē grōß, vnd ſein hōche. ij. mal ſo vil als die braytte, die hōche deßs piedestallo ſeye. ij. ſeul dickne, ſeyn braytte mit all dē andern gelid maßen ſollen gemacht werdē wie im anfang diſer ordnūg geſagt iſt, die colona ſoll. ix. tayl hōch ſeyn mit baſamēt vnd capitel, haltēde die gegebē regel: das epistiliū oder architraue ſeye hoch ain halbe ſeul dicke, Deß geleychē die braytte deßs triglypho auch ſo vil, aber ſein hōche mit dē capitel ſoll. ij. mal ſo hōch als brayt ſein. Vnd also ſetzēde die triglyphi mittē auf die colonnē, vnd. ij. triglyphi zw iſchē bay dē ſeulē, vnd. v. triglyphē in das mitel ſapatriū all gleych auſgetaylt, ſo werdē alle ſpatiē, in ain perfecte vierung kōmen. Die corona vnd alle andre gelid maßen ſollē gemacht werdē wie im anfang geſagt iſt. Die hōche deßs frōtiſpitio geet außserhalb der leer Vitruuij, wie wol ich deren vnd noch hōchere in antiquitatē hab geſehen: welches hōche ſoll ſein, das zw oberſt von ayne endt der cornice zw dē andern ain rechte lini gezogē, vnd in. vi. tayl getaylt werdē, darū ain tayl die hōche deßs frontiſpitij ſein ſoll, zw wißen vom cimatio der coronē bis an dē mitlen vnd hōchſtē ſpitz deßs frōtiſpitij: die Acroterie, oder pilaſtrelli, ſollē in der braytte ſein wie die colōna obē dick iſt, vnd. ij. mal ſo hoch ſunder ſein cornice. Aber das in der mitten ſoll den. vi. tayl hōcher ſein. Es iſt auch nit zw weyl ſy ains tayls in der maur gemaurt vnd mit andern ſtaynen gebunden ſendt.



VON DER DORICA.


D Iser nachuolgendē figur mag sich ain verständiger werckmayster zů vilerlay dingen gebrauchen, vnd die veranderen nach den zufällen so ime mögen begegnen, vnd sunderlich vmb ain gemäl auff aynem altar zů zieren, wie man heutigs tags an vil orten in Italien pflegt. Es möchte auch dienen fur ain Arco triumphale, hinwegk nemende das basement in der mittlen. Dergeleychen vmb ain porten zů zieren sunder die neben flügel, vnd auch mit den flüglen, auch zů zeytten vmb ain gezierdt ains fensters, oder fur ain Nicchio, oder Tabernackel, vnd dergeleychen mer ding. Ir proportion soll also gemacht, das die weytte der offenhayt in funff tayl getaylt werde, dauon ain tayl die dicke der Colonnen sein soll, die fascia oder leystē rundts vmb seye der halb tayl von der Colonnen dicke, vnd die höche der offenhayt soll syben Colonnen dicke sein. Das basement vnd Capitel yedes ainer halben Colonnen dicke hoch seyn de, so kumpt die colona in als acht tayl hoch sein mit basement vnd capitel. Die höche des piedestallo soll dreyer colonnen dicke sein, vnd seyn braytte wie der zocco der colönen: das intercolūminium an den seyttten soll ain colona dick sein, vnd die ortleystē ain viertayl der seul dicke, die flugel auff der seyttten darein die Nicchi kömen, sollen brayt sein anderhalbē colona oder seul dicke, aber der Nicchio nit grösser daß ain colona dicke vnd drey mal so hoch als weyt, die höche des Architraue seye ain halbe seul dicke, vnd das Triglyphum gleych so vil in die braytte, aber sein höche sūnder das capitel soll sein ain gantz vierkant vnd zway drittayl. Dañ sendende auff yede seyttten ain Triglyphum schnur gerad auff die colonnen, vnd zwischen bayden colonnen funf Methope vnd vier Triglyphi, so kumpt die austaylung recht, zů wissen, das die spatii in ain perfect vierkant kömen. Die corona, das frontispitium, vnd alle andere gelidmassen, also vnden wie oben sollen gemacht werden wie im anfang gesagt ist. Vnd vmb das die Triglyphi an den seyttten sich verfremden mit den schrifftten Vitruuii vnd ich aber von den Antiquen solliche auff den seyttten gesehen hab, so mage solliche zů wolgefallen des werckmaysters sten die zů machen oder zů vnderlassen, vnd wie wol meyn maynung nicht ist gewesen in disem vierten büch, ayniche grundt legūngen, oder platte form zů machen, vmb das ich in den andern büchern daruon tractieren, so will ich doch den aüffstenden facciaten, so schwarz vmb zů verstan send ire Ichnographia oder platte grundlegung vmb merer verklärung willen darbey setzen.






VON DER DORICA.


VNangesehen das die Antiquen (so vil als man sieht) wañ sy die Epistilia oder architrauen auf die seulen gesetzt, haben sy weytter nichts darauf gestelt dan das frontispiciū, gebrauchende dise ordinantz allain an den Tempeln, vnd an kaynen andern gebewē, so will ich darum nicht vnderlassen ayniche manier von haufungen sunder bogen zū machen. Dañ so man bogen will machen mit iren vierkantigen pilastren, vnd vmb merer zier willen die runde seulen auch setzen, vnd man aber ain liechte gallerey will haben, so benemen die pilastren vnd ire bogen vil liechts, so man aber die allain mit seulen will machen, vnd die bogen darauf setzen, so ist es ain gar falsch ding, dann die vier egk des bogens auff aynen runden seul wurden das rundt oder den leyb der seulen passieren. Darum so will ich nicht allain dise manier, sunder auch andere machen, von ettlichen heusern vnd andern gebewen sunder bögen. Deshalben soll man dise also machen, das das groffer spatium zwischen den Colonnen vier seul dicknie brayt seye, vnd das klayner spatium anderhalb Colonnen dicke. Die höche der Colonnen, soll von neun taylen seyn, mit den Basementen vnd Capitellen. Das Epistilium, Phrise, Cornice, vnd alle andere gelidmassen, werden gemacht wie im anfang gesagt ist, Die weytte der fenster im liecht seye. ii. colonnendicke, vnd ir höche von aynem vierkant vnd .ii. drittetayl desselben vierkantigen, vnd ire pilastre zū wissen die neben seyten den .vi. tayl der weytne des liechts, vnd die cornice darauf accordiert mit den capitellen. die mittelporten soll von dreyen colonnen dicke weyt sein, vnd ir höche syben colonnen dicke, dan auf disen weg kumpt das liecht der fenster vnd der porten auf ain geleyche höche aus. die Triglyphi vnd Methope sollen aufgetaylt werden wie man sieht, so kumpt es in sein rechte austaylung. Die ander ordnung darnach soll vmb ain vierrentayl klayner oder minder seyn als die erst, desgeleychen die Architraue, Phrise vnd cornice sollen vmb ain viertētayl klayner seyn dan die ersten verijung nach aduenāt ains yeden gelidmafs, die weytte der fenster soll so groff seyn als die darunder mit all iren pilastren. die gezierden der nicchi sollen schnur gerad auf die colonnen kumen, desgeleychen die höle gemelter Nicchi sollen so weyt seyn als das spatium zwischen den colonnē darunder, ir höche soll sein zwen vnd ain halben quadro. Die drit vnd lest ordnung soll ain vierten tayl klayner sein dan die ander, desgeleychen der Architraue, Phrise vnd die Cornice sollen nach aduenāt verklaynt werden in drey tayl getaylt, daruon man ain tayl soll nemen dem Architraue, ain tayl dem Phrise mit den Modiglioni, vnd das ander tayl der Cornicen. Aber die particular massen vnd disem wiert man finden, in der ordnung Composita. die fenster sollen in der weytte sein wie die vndern, aber die Nicchi sollen vmb ain vierrentayl klayner seyn dan die mitlen vnd ir höche seye zwen vnd ain halben quadro, den rest der ornamenten oder gezierden mag man leychtlichen finden mit dem zirckel in der handt.





VON DER DORICA.


Wie wol ich in der ordnung Thuscana in der.xiii.figur, der gleychen manier vnd erfindung angezeygt habe, aber von beurischē werck, so ist doch dise seer vnderchiedlich von der selben, vmb das diser thennē oder gallerey wie mās nennē wil, rundt gewelbt sein soll. Vnd da die bogen seindt, ist von nōtten das man zwerch kreutz mache wie in der platten form hicunden angezeygt. Auch vmb das die seulen die seytten der bōgen vnd der kreütz welche alzeyt seer auf wartz schiebē, nit erleyden möchten, so ist von nōtten das man in die seyttē oben auf die colonnē eyfine stangē lege oder von metal werē sy noch weerhafter, so man sy aber ye vō eyfen will machē, so mag man sy im feur furneyssen, damit sy nicht ruosten, auch die mit bley oder kupffer plech an den seyttē da sy in der maur ligē beschlagē, wiert im ain grosse hulf thō vmb lang zū vverē. Aber die proportiō von diser faccia (das ist das vorder anschawē) ist also zū machē. Das das grosser spatium zwischen den colonnen seye weyt.iiii.colonnē dicke, vnd das klayner.ii.colonnē dicke, die hōche der colonnē mit basementē vnd capitellē sollē von.vii.taylen sein, der Architraue.iii.viertayl von der seul dickne, warauff ain halber zirckel soll gezogen werden, welches braytte soll sein halb so vil als die colonna oben dick ist. Auf die bogen soll als dā gesetzt werden die cornice ayner geleychē hōche wie der architraue, vnd zwischen aynē vnd andern bogen soll ain fenster gemacht werdē, des braytte soll seyn wie das spatiū zwischē den colonnē darūder, vnd seyn ram oder leyfte soll sein in der braytte wie der bogē, das cauet oder Trochille auch das Vuouolo oder dechine auf gemeltē fenster, wie wol das ain gelid der cornice ist, solle es doch vmb merer gezierdt willen auf dem fenster ettwas aufgeladē werdē. die weytte der thur soll vō.ii.vnd ain quart seul dickne seyn, vnd sein pilaster oder antipagmentū der .vi. tayl vō der weytte des liechts der portē, aber die hōche des liechts soll sein das so der pilaster dar auf gesetzt rayche vnden an das Tondino vō den capitellē. Also wiert der form der selben capitelli dienē fur ain cornice der porten, des gleychē der fenster auf den seytten, welche im liecht weyt sollē seyn.ii.seul dickne, die maß oben vō den seulē nehmēde vnd nicht vndē in disem fal, vnd ir hōche soll anderhalb vierkāt sein. Also auch die Nicchi vō der selbē hōche, die ordnung oben darauf soll vmb ain viertētayl minder sein, auf disen weg aufgetaylt, das das Podiū auf der cornicē anderhalbē seul dickne hoch seye, vnd das vberig soll in.v.tayl getailt werdē, daruō ain tayl der architraue, phrise, vnd die cornice sein sollē, die nicchi mit irē ornamentē, sollē schnur gerad kōmen auf die fenster zwischē den bōgē, aber vō irer braytte.v.tayl gemacht, sollen, die zwūnebē seulē die.ii.tayl habē, vnd die drey andre tayl fur das nicchio mit seynē pilastern oder neben seytlen sein, die cornice auf gemeltē nicchi, solle aine der selben seule dickne hoch seyn, vnd ir fus oder basemēt halb so hoch. Die fēster zwischē dē nicchi sollē an der weytte im liecht seyn ain viertētayl minder dā die portē, vnd vō zwifacher weytte hoch. Aber von dē vberigē ornamentē, nach dē disswerck ettwas vermischet ist, wiert mā im Ionico vnd im corinthio klarē beschayd finden, die triglyphi werdē in diser cōpositz ire sapacii zwischē aynē vnd andern nicht perfect vierkant ausbringen, die weyl ich auf ain ydes fenster vnd auf yeden nicchio drey Triglyphen setze, wie man in disem bewurff sechen mag, vnd so noch ayniche maß, von den gelidern zū geben restiert, so zeuch ich mich auff die regel im anfang geben.






VON DER DORICA.

VNd so erwan ayner ain logia oder gallery wolte machen von lautter columnen, vmb sich des liechts nit zw be-
rauben, vnd aber wie wir hieuer gesagt baben in dem Capitel am .26. plat, das es ain falsch vnd vbel stand ist bö-
gen aufrunde seilen zw setzen, so mag man wol ain gefierte seil machen mit irem basement vnd Capitel wie hie
gegen angezeygt, vnd wie wol dise figur anzeygung gibt ains gantzen baws in disen drey bogen, so scheynt es doch
ain klayn ding sein vnd zw schmal fur ain gemain tapffer haus, so ist doch dis gemacht fur aynen der ain schmale hof-
stat hätte, so aber die hofstat grofs genug ist, so mag man das forder ansehen in .v. vnd ettwan in .vij. bogen taylen, daß
es in disem fal gleych wol stien wiert. Dise aufsteylung soll man also machen, das .iiij. Columnen braytte in ain lár spaciū
gangen, vnd die Colona soll mit basement vnd Capitel irer braytte .vi. hoch seyn, vnd darauff der bogen gesetzt wer-
den, welches braytte halb so vil als die colona seyn soll, also kumpt die höche der offenhayt von zwifacher propor-
tion: auff die bögen soll man den Architraue, Phrise vnd die Cornice setzen, welches höche in als .ij. Columnen braytte
seyn soll, getaylt in drey vnd ain halben tayl, daruon soll ain tayl dem Architraue, ander halben tayl dem Phrise, vnd ain
tayl der Cornice gegeben werden, in den andern gelidmassen soll man die gegebene regel halten: die porten soll zwayer
seul braytte im liecht weyt seyn, vnd ire Pilastr den .vi. tayl diser weytten, aber ir Cornice soll von geleycher höche
der Capitellen sein von den selben gelidmassen gemacht, des gleyche auff den neben fenstern auch, welcher weytte an-
der halben seil braytte sein soll, vnd ir höche soll per diagono (das ist ain vierkant von der weytte des fensters genomē
vnd ain schrege lini von aynem egk zw dem andern gezogen, vnd nachmals auffgericht) gemacht werden, die ort seu-
len sollen in der braytte wie die anderen, aber ir höche sollen von acht vnd ain halben taylen seyn, die ander ordnung
so auff dise kompt, soll den .iiij. tayl minder sein, die ort seulen, der Architraue, Phrise vnd Cornice soll nach aduenant ge-
mindert werden, aber die fenster auff den bögen sollen von der weytte seyn wie die vnderen. Aber ir höche von .ij. qua-
dri oder vierkanten, wie hieuer von den andern gesagt ist, der Phrise darauff soll in der braytte sein wie die Pilastr, vnd
die Cornice auch so vil, die klaynen fensterlen oben darauff sendt vmb .ij. vrsachen willen gemacht, ayn so das gaden
von ainer höche gemacht wiert, das man von aufwendig hineyn den himel oder dillen sehen mög, auch wiert der ge-
mach dester liechter, die ander ursach ist, so man das gaden in zwo höchine abtaylen will vmb mer gemachs willen
(wie man in Italien seer pflegt zw thon) so dienen dise fensterlen zwm liecht sollicher mitlen gemächlen: die drit ord-
nung seye ain viertentayl minder daß die ander, daruon .v. tayl gemacht ayner soll fur den Architraue, Phrise, vnd Cor-
nice genomen, vnd in .iiij. tayl getaylt werden, gebende ain tayl dem Architraue, ain tayl dem Phrise, vnd den drittē tayl
der Cornice, vnd in dem Phrise sollen die Modiglioni aufgetaylt werden, wie man sieht: die weytte der fenster sollen
sein wie die andern, aber ir höche ain .xij. tayl mer, vmb das die weytter auß dem gesicht stend, ir Pilastr soll sein wie die
vndern, des gleychen, der Phrise vnd Cornice, die frontispicij vnd Remenati soll man machen wie hieuer von den
porten Dorica gesagt ist, vnd vmb merer gezierdt willen möchte man oben auff die faccia die Pilastrilli setzen wie si hie
in diser figur aufgetaylt send, dardurch möchte man die künich laytten wa es am besten zw pafs khām, die weyllen spa-
tzen zwischen den fenstern send fur das gemäl behalten, nach des bawhern vwillen, vnd vmb merer sicherhayt willen
des gebew were gut dise efine haltraste zw legen wie hie vnden verzeychnet.





Pilastrelli.



VON DER DORICA.


IN der edlen stat Venedig bawet man auff ain weg gantz vnderſchidlichen von allen andern orten deſs welchē lands, vmb daſſie ſer populos, zw̄ wiſſen mit vil volcks bewont iſt, deſſhalben die hoſſtäten enge ſend̄t, vnd mit groſſer beſchaydenhayt aufgetaylt werden, deſſhalben ſend̄t die ſelben hoſſtäten nit genugſam, vmb groſſs höff noch gärten darein zw̄ machen, ich ſage durch die gemain aus. Dañ man in etlichē beſondern pallazien ains vnd das ander ſicht, aber die andere gemayne heuſer ſo follliche weytte nicht haben, muſſen gemayncklichen ir liecht allain von der faccia oder angeſicht vornen hin ein ſchöpfen, welche, wie wol die ſtraſſen gemayncklichen enge ſend̄t, mage man nichts deſt minder dieſe facciaten voll liechts machen, haltende noch danneſt die antiquiſche manier, auff die weys hie nach angezaygt, welchēſtaylorunge alſo ſeyn ſoll. Das man die weytte ains bogens taylor in .ij. taylor vnd ain halben, daruon ain taylor die braytte deſs gantzen pilasters ſeye; welches dickne halb ſo vil, deſſgleychen die runde ſeul anch ſo vil ſeyn ſollē, die höche deſs bogens ſoll von aynem quadro vnd .ij. drittentaylor ſeyner weytte gemacht werden, auch möchte man die vñ .ij. gantzen quadri hoch machen, die ſeul ain wenig dünner machende, vnd den bogen biß vnder den architraue erhöhen, de, die baſement vnd Capitellen ſollen gemacht werden wie im anfang geſagt iſt, die impoſta oder Capitel vnder den bogen, ſollen von halber Colona dickne hoch ſeyn, ſich gebrauchende der gelidmaſſen deren ſo hieuer am Theatro di marcello angezaygt ſend̄t, die thur vnder dem portico ſoll dreyer Colonnen dickne weyt ſeyn im liecht, vnd ir höchne von aynem vierkanten vnd .ij. drittentaylor deſſelben, proportioniert nach dem bogen; ire Pilastre oder neben ſeytten ſeyen in der braytte den .viij. taylor von irer weytte, vnd die corona darauß mit irer Scima, in der höche der capitellē oder impoſten deſs bogens, darauß das frontiſpicium wie vorgeſagt, ſoll geſetzt werden, dem mag man nachmals daroben minder oder mer liechts geben, nach erhayſch deſs bawß. Vnd ſo diß gebew auff aynichē platz oder anderm wandelbaren ort ſtünde, ſo mag man kraum laden darunder machē wie hie gegen angezaygt, reſpondierende vnd vergleychēde mit dem vberigen deſs gebewß. Auff die colonnen werde geſetzt der Architraue, welches höche von halber colonnen dickne ſeyn ſoll, die braytte der Triglyphen anch ſo vil, aber ir höche ſoll ſeyn, ſo die aufgetaylt werden in maſſen hie gegen angezaygt das die zw̄iſchen ſpacij aynen perfecten quadro geben, auff welche man die Cornice ſoll ſetzen, den .vi. taylor höher dañ der Architraue, in welcher particular gelidmaſſen man die gegebne regel halten ſoll, die ander ordnung darauß ſoll ain viertentaylor minder ſeyn dañ die erſt. Aber vnder die colonnen ſoll ain zocco gemacht werden ſo hoch als die auſladung der Cornicen iſt, vnd das übergig ſoll getaylt werden in funff taylor, daruon ain taylor für den Architraue, Phrieſe, vnd Cornice genomen ſoll werden, in drey taylor getaylt, ains für den Architraue, ains für die Modiglioni, vnd ains für die Cornice, die colonnē darauß der Architraue rüwet ſollen von newn taylorn hoch ſeyn, vnd die klaynern colonnen ſo die mitlen bogen tragen ſeyen ain drittentaylor dünner dañ die andern. Vnd alſo geſtelt ſeynde die klaynern halbe colonnen gelaynt an die gröſſeren, ſo wiert das mittelſpatium deſs bogens .ij. mal ſo weyt als die auff den orten, vnd alſo geſetzt ſeynde die Cornice ſo den bogen auff den colonnen enthelt, vnd der halb Circkel gemacht biß vnder den Architraue hinauff mit den runden löchern auff den ſeytten der bogen, wiert diſe faccia ſeer liecht werden, vnd ir gezierdt nicht deſt minder behalten, vnd diſe ordnung alſo gebrauchende, mag man an den orten ſo man zw̄ kämern wölte brauchen, die mitlen ſpacij zw̄ mauren, vnd die andern .ij. auff den ſeyttē für fenſter gebrauchē, vnd wiert in diſem fal die ordinantz aufwendigt nicht gebrochē, wiert auch inwendig die ordnung nit brechē, dañ das geſchloſſen ort wiert zw̄ aynē camin dienlichen ſeyn, welche man ſagt alwegen zw̄iſchē .ij. fenſtern gemacht ſollen werdē, reſentierende das angeſicht ains meſchē, daruō die fenſter, die augē vmb deſs liecht. willic, vnd der camin die naſen, ſo allwegē dē rauch auffacht bedeutē.






VON DER DORICA.


VMb dise nachuolgende facciata aufzütaylen, soll man ir braytte in.xiiii.tayl taylen, daruon ain tayl ain colona dickne sein soll, vnd das mitel spatium zwischē ayner vn anderer seul soll von sechs colonnen dickne sein, vnd die anderen zwischen spatii, yedes von drey colonnen dickne, vnd das fenster von anderhalben colonnen dickne weyt, vnd seyn höche von dritthalben quadri, vnd die pilastre den.vi.tayl des liechts weyttne, die fenster in der ersten ordnung sollen von geleycher weyttne sein, die vndersten in den gemachen auff der erden sollen von ay nem perfecten vierkanten sein, aber die darob in den mittlen gemächen sollen von anderhalben vierkanten sein, die porten soll funf colonnen dickne weyt seyn, vmb das die colonnen ain vast fundament mögen haben, vnd soll hoch sein ain vnd zway drittetayl ains vierkanten, von den cunei, züwiffen bogen vnd andern bindstaynen, mag man in der figur hieneben sechen vnd messen vnden vom bogen an bis oben auff die fascia des ersten gaden solle zwü Colonnen dickne hoch sein. Alle die andern ordnungen oder gaden auff gaden sollen vmb ain viertentayl an der höche gemindert werden, aber nach meynem beduncken, so wil in disem fal das ander gaden so hoch sein als das vnder die weyl die austaylung der seulen auf disem starcken vnd groben werck anfacht, daß so dis beurisch werck ain viertentayl höher solte seyn daß das dorico in der mitlen, vnd die drit ordnung noch ain viertentayl minder dann die ander, so wurde dise dritte ordnung zü vil inder vnd die erst zü vil hoch komē. Desßhalbē das erst gaden gemacht seynde mit seyner fascia soll man machen ain podium anderhalben colonnen dickne hoch, dar-auff sollen die colonnen gesetzt werden, mit der ordnung wie oben gesagt ist, welcher höche sein soll, das wañ das ander gaden so hoch als das erste ist, vnd das Podium daruon gethan, soll das vberig in funff tayl getaylt werdē, daruon vier tayl fur die colona, vnd der funffte tayl fur den Architrauc, Phrise, vnd Cornice, sollen genomen, vnd deren aller gelidmassen aufgetaylt werden, wie in der figur hie gegen gesechen wiert, haltende in allem die erste regel, so werdē die colonnen von rechter proportion kommen, das mittel spatium soll also getaylt werden, das die nebē seulen halb so dick seyen als die grossen, vnd das spatium in der mittlen.ii.mal so weyt als die auf den orten: welche in der höche wie die anderen fenster sein sollen, auf welche fenster man vmb merers liechts willen die runden löcher machen mag, wie man in der figur sicht. Vnd auf den.ii.klaynern mitlen nebē spaciū mage man machē wie hie in der figur verzaychnet, oder aber vmb merer vergleychung willē auch runde löcher wie auf den fenstern in gleycher höche, vnd wer von den andern gelidmassen hie in disem Capitel nicht genug samē bericht hatte, der soll allwegen zü der ersten regel lauffen, sich darin genugsam ergrunden vnd daran halten. Die dritt ordnung oder gaden werde vmb ain viertentayl niderer daß das ander gemacht, zü wissen alle gelidmassen nach aduenāt, aber die fenster sollen alle in der weyttne sein wie die vndern: wie man daß der aller höche vnd gelidmassen in diser figur mit dem zirckel vleyßig finden kan, die verhöchung in der mittlen sunder das frontispitium, solle halb so hoch seyn als das dritt gaden, inden vberigen gelidmassen mag sich der verstendig werckmayster, die zü mindern oder meren nach seynem gefallen, allwegen behelfen. Dise facciata ist nach dem Venedischen gebrauch gemacht.






VON DER DORICA.


Hie vornē hab ich in zvvē weg angezaigt wie mā facciate vō heusern nach dem Vendischē brauch machē mag. Die weyl aber die venediger in der gleychē facciatē geren etlich gāng machē fur die fenster hinaus geladen. Die sy pogiolli oder pergoli nennen, vnd sollichs thond sy vmb dester mer lufts vnd gesichts zū habē in die wasser der Canāl, vnd vmb der küele willē so man auf den selben pogiolli stāzt empfindt. Dañ der merer tayl irer heuser sunderlich der kostlichen palātzen, habē ire facciatē auf die Canāl. Desgleychē vmb der fest vnd Triūmphē willē so man zū schif auf den Canāl in diser stat von Venedig dickmalen betreybt, gebē dise pergoli grosse gelegenhayt vnd ain weyt gesicht fur andre heuser, sollichs zū sechē, representierē auch ain grosse zierdt in disen gebewē: wie wol es ain vnbehörlich ding ist, vnd in der Architectura nicht zū gelassen wiert. Dañ die weyl sy aufgeladen werdē schier wie in luft heraus, vnd kain andere enthaltūg habē, als die modiglioni, das sendt krack oder tragstayn, vnd aber alles das so sein bestendig fundament nit hat, den mauren schedlichen ist. vwie dañ die Antiqui gāntzlichen für sechen, das sy nimmer mer ayniche aufladung an die meuren gemacht haben, anderst dañ die cornicen, so sich in iren selbs gelidmassen tregt oder aber von den modiglioni getragen wiert. Desshalben so sag ich so mā ye in den gebewen solliche aufladungē machen will, mit aynicher billichē fūndamēt, so ist von nōttē das die erst maur ayner sollichē dickne sey, das in der andern maur hinder sich gegen dem haus hin einwartz geruckt, die braytte oder platte des gangs beleybe vwie hie vnden in der platten form angezaigt, desgleychen in dem mitlen tayl soll die maur noch weytter heraus gesezt werden, vmb das der selb pogiollo oder gang braytter ist vnder die auf den seyten: ob man aber die maur in der mitten, nicht von so großer dickne machē wölte, so mage man inwendig im haus am starcken bogen schliessen, so den mitlen tayl trage, vnd beleybt doch darūnder lār vnd ist von klayner schware, vnd diser platte boden, versteert sich auf der fascia der Rustica, oder beurischē wercks: welches ain schöne zier gibt auf den vvasfern. Die erst ordnung also gemacht seinde, wie angezaigt ist, solle man die aufstaylung darauff also machē, das so der mittel tayl nach seyner braytte von dreyē taylē sein wiert, so sollen die auf den seyttē von vierthalbē sein, ich sage inwēdig der maurē. die hōche dis andren gadē, seye an der hōche wie das erst, auß der vrsach am andern plat hievor angezaigt, vnd erstlichē solle mā das podium machē in der hōche ayner gemachlichē auff oder anlainūg. Vnd das vbrig in .v. tayl taylē, daruō ain tayl fur dē Architraue, Phrise vnd Cornice sein soll, getaylt in massen wie im anfang gesagt ist: die vweytte des mitlē tayls soll getaylt werdē, das die offenhayt darauf der halb zirckel oder bogē. ii. mal so weyt als die auf den seyttē darnebē seye, vnd sein hōche soll vō. ii. vier kantē seyn. Vnd der Architraue also auf die colonnē gesetzt zū vnderhaltūg des bogē, so kōmen alle fenster in die selb hōche, vnd vmb merer lichtigkait, auch vmb gezierdt willen der faccia, mag mā die ründē löcher auch die geviertē fester wie in der figur angezaigt machē, so mā solliche ornamētē tayls, vmb des kostēs willē, nicht vō marmor oder andern staynē machē will, mag mā wol mit gemal das vberig erstattē, mit künstlichait das war immitierēde. Die. iij. ordnūg werde vmb ain viertayl des andern gemindert in allē seinē glidmassen nach rat, haltēde die hievor angezaigte reglē, vnd wie wol auf dise spetie dorica gesetzt ist das Ionico, welches die antiquē in vil gebewē gebraucht habē, so wiert mā doch sein pporciō findē in der ordnūg Ionico.






VON DER DORICA.

D Iſer ander Camin auſſerhalb der maur ſoll alſo gemacht werden, das nach dem die behö-
lich höche vnd weytte, nach gröſſe deſs gadens oder gemachs, gemacht iſt, ſoll die höche
deſſelben vom boden an bis vnder den Architraue gemessen vnd in vier tayl getaylt, daruon
ain tayl dem Architraue, Phriſe, vnd Cornice, ſoll gegeben werden, diſe gelidmaſſen getaylt
mit der regel im anfang gegeben, vnd wie wol die gelider diſer figur ainer mereren höche zů
ſein ſcheynen, vmb deſs nidren geſichts willen, daß diſs werck vnden dem aug gleich zůſehen
vmb ſacht das mer weder die gegebenē maſſen: die braytte der Modiglioni ſoll ſein der .vii. tayl
von der höche der offenhayt des Camins, vnd das Capitel der halb tayl von gemelter braytre,
vnd ſoll getaylt werden wie vom Capitel Dorico geſagt iſt: die gröſſe diſs modiglions am vn-
dern tayl, verklaynen ettlich vmb den vierten tayl, vmb das ſich der füs hinaufwarz widerum
vmb den ſelben viertentayl zerbraytet, alſo das der zocco vnder dem füs in die braytte kumpt
ſein wie der ober tayl deſs Modiglions. So man aber auch diſen Modiglion durchaus von
ayner gröſſe machen, will ich das in aynem groſſen werck loben. Dañ das tayl ſo ſich
gegen der maur hin einwartz zeucht vernet ſich mer von dem geſicht, deſſhalb es
von ſelbs ſcheynt als ob ſich das veriüngte, vnd vmb das der ſchlund ſo den rauch
fangt, vnd geſpitzter weys hinauf geet, dem aug nit angenām wurde ſein, ſo möch-
te man diſe ordnung auf die erſte cornice machen von minder oder mererer
höche, nach wolgefallen deſs werckmayſters, auch nach der höche deſs ge-
machs. Diſe ordnung mag man halten in ayner groſſen form, ſo man aber
das in ayner klaynen oder mittelbarn form zů machen hāt, ſo ſolle ſein
höche vom Architraue bis auff die erden in funff tayl getaylt wer-
den, daruon ain tayl dem Architraue, Phriſe, vnd Cornice, (mit
der regel wie hieuornen angezaygt ſoll gegeben werden)
Deſſgeleych die braytte deſs Modiglions, ſeye ain neunter
tayl gemelter höche, vnd deſs Capitels höche der halbe
tayl von der braytte deſs Modiglions. Dañ ſollichs in
klayner oder mittelbarer form mer lieblichen kom-
men wiert, vnd ſollichs ſage ich durch die erfar-
nus. Dañ nach dem ich deren ettliche in klay-
ner form vnd für klayn kämern hab laſſen
machen, vnd darinnem die erſte re-
gel gehalten, ſo ſend diſe werck zů
grob gefallen. Aber mit diſer
anderen regel, kommen die
klaynern form mer
angenām vnd
edel.



HIE ENDET SICH DIE DORICA.




VON DER IONICA. VON DER ORDNVNG IONICA


VND IREN GEZIERDEN. CAP. VII.



On difem werck Ionica fchreybt Vitruuius im viertē büch am erften capittel, welches gefchlecht die antiquen genomē haben von ayner tappferē frawen, vnd habē die dedicatiert (wie im anfang difs büchs gefagt ift) den gottern Apolline vnd Bacco vnd der gottin Diana, etc. Nun wir wollē kōmen auf die mafsen vnd proportion difer specie. Die colona Ionica foll mā durch ain gemayne regel von acht partes oder taylen machen mit irem basement vnd capitel: wie wol fy der Vitruuius von acht vnd ain halben taylen befchreybt, fo macht man fiauch zū zeyten von neun taylen vnd mer, nach dem die örten vnd compositz der gebew fend. Aber dife (wie ich gefagt hab) foll man von acht taylen machen. welcher tayl ayner die dickne von der colonnen vnden fein foll. Vnd das basement foll halbe feul dickne hoch feyn: welches basement Vitruuius fer vleffigklich befchreybt im drittē büch am drittē capittel, auf difen weg. Das difs basement halbe feul dickne hoch foll feyn. Aber feyn plinthus foll ain dritter tayl daruon feyn, welcher daruon gethan foll man das vberig in sibē tayl taylen, vnd drey tayl dem Toro gebē, vnd die vier tayl follen fur die.ii.scotie feyn. vnd ire Astragali vnd quadretti, mit difer mals das dife.iiii.tayl gleych aufgetaylt vnd an yettwederer tayl ain Astragalo habe mit feinē quadretti, das Astragalo foll ain.viii.tayl, vnd das quadretto der halb tayl deis Astragalo feyn, vnd wie vvol bayde scotia von ayner hōche feyn, fo wiert doch die vnder groffer fcheynē vmb irer aufladung willen, die fi vorner heraus wiert ftechen weder die ander. Die aufladung foll auff alle ort ain ach tayl vnd ain fechzechender tayl feyn, also das der plinthus auff all ort ain viertayl vnd ain ach tayl mer feyn foll dañ die dicke der colonnen, vnd vmb das die cinēte oder leysten (fo Vitruuius supercilium nennet) befchlagen oder occupiert ift von der gröffe deis Thoro, fo gedunckt mich das man fie den halben tayl gröffer foll machen, dañ das ander, obseruierēde in allen gelid massen dife discrecion wie bey der Dorica gefagt ift.




Vmb das das Basement Ionica, von Vitru. beschriben, dem merern tayl der menschē misfelt, vmb das sein Toro ser groß vnd die astragali ser klain sendt, vnder aynem so grossen gelid nach dem vrtayl viler verstendigē, so oft malen hieruber disputiert haben, mit grosser reuerētia vnd auff sechen aines sollichen auctors, so will ich ains formieren nach meynem güt duncken. Nemblich so der Plinthus gemacht ist wie von dem andern gesagt, so solle das vberig in drey tayl getaylt werdē, daruō soll man geben ain tayl dem Toro, vnd das ander tayl vnder dem Toro getaylt in .vi. tayl, daruon ain tayl dem Astragalo gegeben, vnd seyn quadreto solle der halb tayl des Astragalo seyn, vnd das quadreto vnder dem Toro soll so groß seyn als das Astragalus, vnd das vberig soll sein fur die Scotia. Darnach werde vberig dritt tayl auch in .vi. tayl getaylt, ain tayl daruon sey das Astragalo, vnd sein quadretto halb so vil, vnd das quadretto darunder auff dem Plintho auch so vil, das vberig sey fur die vnder Scotia. Seyn aufladung soll seyn wie von dem andern gesagt, vnd mit den linien wie hie vnden verzeichnet ist.





DAs Capitel Ionico soll man also machen. Das seyn höche seye ain drittentayl von der columnen dickne, vnd die braytte des Abaco soll seyn wie die colonna zum vndersten oder dickesten ist, getaylt in .xviii. tayl, darnach soll im auf bayden seyten ain tayl noch zügefuegt werden, zü wissen auff yeder seyten ain halber tayl, welches in als .xix. tayl sendt. Aber gegen dem inwendigē tayl hinder sich gefaren ander halbē tayl auff yeder seyten, soll ain lini Careta genant gezogen werdē lang hinabwartz, vnd soll in neun vnd ain halbē tayl getaylt werdē, welches auff dē halb tayl von der braytte des capitels kumpt, daruō ander halbē tayl die höche des abaco seyn soll, welches egken man auf der rechtē oder lincken seyten machē mag, daß die bayde antiquisch send, die andern .viii. vnder dem Abaco, sollē für die voluta (so mā in teüsch vmb geschlagenen zedel nennen möchre) sein. Vnd die weyl man in disen klaynen form, vnd sunderlichen im aug, die gezal schwarlichē wurde künden setzē, vnd die weys wie mans machē solte, so will ich sollichs an nachuolgendem plat klarlichen anzaygen, in geschrift vnd in der figur, wil auch anzaygen wie man die keelung vnd staybung der columnen machen soll, wie mā das verzeichnet findt auf der seyten des capitels. Aber wan die colona von xv. schuchē niderwarts ist, so solle sie am oberstē ort vmb dē .vi. tayl gemindert werdē, mit der regel wie im Thoscano durch all columnen aus gegeben, ist sie aber vber .xv. schuch hinaufwartz bis in .xl. schuch hoch, so lis Vitruuium im dritten buch am andern capitel, da ers vleyssiglich anzaygt.

VON DER IONICA.




SO nun der corpus des Capitels Ionico, wie hie uornen angezaigt geformiert ist, so rest noch die voluta, oder vmbgeschlagen zetel, welchen man also soll machen, das von der lini Catheta genant vnder dem Abaco, so in acht tayl getaylt ist, vom Abaco hinabwartz .iiii. tayl gelassen werden, vnd der .v. tayl soll das aug sein, so beleybē noch drey tayl vom aug niderwartz, welches in allem acht tayl machē. Das aug werde in .vi. tayl getaylt, vnd zū yedem tayl sein zal gesetzt, wie mā in der figur sicht. Als dañ soll mā den aynen spitz des cirkels setzē auff n^o. 1. vnd den andern spitz rechts vnder das abaco, vnd vnderwartz hinumb cirkelēde bis an die Catheta, vnd daselbs den aynen spitz des cirkels lassen sten, vnd den andern auff n^o. 2. gesetzt, vnd auffwartz hinumb gezogen bis ans die Catheta. Daselbs wider den aynen spitz des cirkels lassen sten, vnd dē andern auff n^o. 3. gestellt hinabwartz gecirklet bis an die Catheta. Daselbs den aynē spitz des cirkels widerum lassen sten, vnd den andern auff n^o. 4. gesetzt, vnd hinauffwartz bis an die Catheta gecirklet, Daselbs wider mit dem aynen spitz des cirkels still gehaltē, vnd den andern auff n^o. 5. gesetzt hinabwartz cirkelnde bis an die Catheta. Vnd aldav wider mit dem aynen spitz des cirkels still gehalten, vnd den andern auff n^o. 6. gestellt, vnd hinauffwartz gecirklet also kompt sich diser cirkel lini mit dem aug zū schließē, warein, so die voluta also formiert ist, mag man auf bayden seytte ain rösslin machē. Die andern particular massen mag man leicht lichen begreyffen, vnd alles mit dem cirkel in der handt messende finden. Die hoolkelen der columnen sollen .xxiiii. sein, vnd yeder von disen taylen soll getaylt werden in .v. tayl, daruō die .iiii. tayl die rinnen oder holkel, vnd der .v. tayl das hoch plat, oder leyften (von Vitruuio strix genant) sein soll, also das man von aynem egk der leyftē bis an das ander ain gerade lini soll ziechē welcher lini mittel der holkelen centrum seyn soll: so man aber zūzeytten ain dunne columnen grösser wölte machen scheynen, so soll man der rinnen .xxviii. machē, dañ die sichtlich lini sich durch mer numeri austaylende so scheynen die rinnen länger komē auch seychter vnd macht die columnen grösser scheynen vnder si an ir selber ist. Das abacus dis capitels (wie ich gesagt hab) ist auff der seytten also brayt als vornen. Aber seyn seytten ist das so hie gegen mit. A. bezaychnet ist, welches von massen vnd proporcion vergeseller ist dem hie obstenden. Beschaydner leser, ich hab dise voluta gelaydt dahin meyn schwacher verstädt gemöcht hat, vmb das der text Vitruuii schwarlichen zū verstēen ist, vnd sunderlich weyl Vitruuius, die figur dis in seynem letzten bñch anzūzai- gen gelobt mit vil andern hupschen dingen, welches bñch man aber nit findt.




VON DER IONICA.


Heuornen hab ich angezaygt, wie mā das capitel Ionico nach dem text Vitru. machē soll, so vil als ichs verste. Nun wil ich anzaygē wie etliche von den alten römern gemacht sendt wordē. Das capi. **M** welches noch im werck ist am Theatro di Marcello, daruō ich etlich general massen anzaygē will, die braytte des abaco ist wie die colōna zū vnderst, die volute oder vmbschleg stechē dē. vi. tayl vom abaco heraus, vnd hangē vmb dē halbē tayl des abaco herab wartz, die hōche des capi. ist ain drittertayl der colōnē dickne vndē, vnd vmb das dise capitellē etlichē werckmaystern zū vil arm vnd schlecht vō ornamētē vnd gezierdē gedeucht, so habē sy ime disē phrisē, wie am capi. **P** angezaigt, zū gethā, machēde das capi. vō. ii. drittē taylē der colōnen danidē, welches capitel mā noch in Rom findt, vnd noch vil andre vō diser art oder specie.




VNd so ain werckmaster etwā ain gefierte gallerey wolte machē in aynē pallartz oder ainē kreutz gang in aynē kloster, mit colonnē Ionice, so der nit gute aufmerckūg hat auf die ort seulē so wurdē ains tayls der selbē seulē das vorder ort der volute oder vmbschleg vnd ains tayls die seytrē der vmbschleg gegē dē pletz oder hof kerē, welches wol etlichē neuē werckmaystern begegnet ist. Aber aynem sollichē irtumb zū fūr komē, so ist vō nōttē die ort capitellē wie hie vndē in der grundlegūg oder figur. **A.** verzaichnet zū machē. Vnd vō disen capitellē ist ains zū Rom gefundē wordē. welches vilen zū fantasierē hat geben vnd nit wissen kündtē war zū das also gemacht were, der massen das sy es nēnetē das capitel der zerritūg. Aber nach vil disputierēs warde beschlossen das es in aynē werck in aynē innern egk ayner colona wie obgesagt ist gestandē wer. Vnd so mā platte seulē aufwēdig auf die egk setzē will, auf das die vmbschleg auf allē seytrē des gebewvs gesechē werdē, so mag mā die machē, wie die figur. **B.** hieundē anzaygt.




DAs Epistilium soll man also machen, so die colōna von .xii. schuchē hoch ist, so soll das Epistilium dē halbē tayl der colonnē dicke hoch sein, so aber die colōna vō .xv. in .xx. schuch hoch were, so soll die in .xiii. getaylt seyn, daruon ain tayl die hōche des Epistiliūms seyn soll, vnd so die colona von .xx. in .xxv. schuch, soll ir hōche in .xii. vnd ain halben tayl getaylt, vnd ain tayl daruon die hōche des Epistiliūms sein. Vnd so sie vō .xxv. in .xxx. schuch were toll mā das Epistilium von aynē .xii. tayl sollicher hōche machē, vnd also fort wie die colonnē von merer hōchne sendt so vil soll man die Epistilia auch nach aduenant verhöchē, daß ie weytter ain ding aus dem gesicht kompt, so vil mer verleurt es von seyner größe. So nun dis Epistilium von seyner behōrlichen hōche gemacht ist, solle das in .vii. tayl getaylt werden daruon ain tayl das cimatiū, welches ausladung geleych so vil als sein hōche seyn soll, das vberig soll man in .xii. taylen, daruon man .iii. tayl der ersten fascia .iiii. tayl der andern fascia, vnd .v. tayl der dritten fascia geben soll. Die dicke dis Epistiliūms am vndersten soll sein wie die colonen am oberstē ort, vnd seyn groffe am oberstē soll sein wie die colona zū vnderst: den zophorum, oder phrisen so mā aynich werck darein schneyden will, soll man den vmb ain viertentayl hōcher machē daß das Epistilium, so man aber den schlecht sunder aynich geschnitten werck machen will, so soll der vmb ain viertentayl minder daß das Epistilium sein: auf disen zophoro soll gesetzt werden das Cimatium, welches hōche der .vii. tayl des zophori sein soll, vnd sein ausladung so vil als sein hōche: auff das cimatiū werde gesetzt das denticulus, derē hōche soll sein wie die mittel fascia, vnd ir ausladung seye so vil als ir hōche: vnd die brayrte der dentillen seyen von halber hōchden, vnd das hol oder tieffe zwischen den dentillen seye ain dritten tayl minder brayt daß die dentillen: die hōche des Cimatium darauf, soll sein der .vi. tayl von der hōche der denticuli. Vnd die corona mit seynē cimatio darauf (doch sunder die scima) soll sein in der hōche wie die mittel fascia, die ausladung der coronen mit dem denticulo soll so groff sein als die hōche des phrisen mit seynē cimatio: die Scima darauf soll ain .viii. tayl hōcher sein daß die corona, vnd sein quadrett darob ain .vi. tayl vō der scimē hōchde, vnd sein ausladūg so vil als sein hōche. vnd also wiert am yedes gelid ayner cornicē wol sten, wañ sein ausladūg so vil ist als sein hoche, aufgenomē die corona.






VNd vmb das die Römischē anti-
quiteten ser vnder schaydlichen
send von der leer Vitruuii, so will
ich ain andere colōna verzaychnen,
vnd darauf sein Epistiliū, Phrise, vnd
Cornice machē: die hōche von disem
allem, soll ain .iiii. tayl seyn von der
hōche der colonnē, getaylt in .x. tayl,
iii. tayl daruō sollē sein fur das Episti-
lium, getaylt auf dē weg wie vorge-
sagt, iii. tayl soll mā geben der geron-
dierten phrisen, vnd .iiii. tayl der cor-
nicē: welche in .vi. tayl sollē getaylt
werden, ain tayl daruon soll man für
die denticuli nemen, ain tayl fur das
cimatiū so die modiglioni oder trag-
staynē treget, ii. tayl den modiglioni,
ain tayl der corona, vnd der ander
tayl soll der scima gegeben werden:
die aufladung vō allem soll zum we-
nigsten sein wie sein hōche, der gley-
chen cornice ayne ist gefūnden wer-
den zū Rom in Santa Sabina in ay-
nem Ionice gebew.

VNd ob man zū zeyttē die colon-
nen erhōchen mueste, vnd man
sunst aufs aynicherlay nōtwendiger
vrsach, als, dar zū sich die hōche der
pedestalli vergleychen muestē, nicht
gezwungē ist: so soll die proportion
dels pedestalo seyn, das seyn brayte
sey schnur gerad wie der plintho dels
basements, vnd die hōche dels plattē
anderhalbē vierkāt: welches getaylt
in .vi. tayl, derē taylē .ii. darzū gethā
ains für sein basement, vnd das ander
für sein cornice darauf, also das diser
pedestalo vō .viii. taylen, proportio-
niert nach der colōna so auch vō .viii.
taylen ist. Vnd alles verstet sich nach
der gemaynen regel, Allwegen dem
gütduncken ains weysen bawmay-
sters vil ding zū lassende.



Vmb der grossen vnderschiedlichayt willen, so ich finde deren dinge in Rom, gegen denen so Vitruuius beschreybt, Hab ich ettliche von den furnemsten vnd bekantsten wöllen anzeygen, deren tayls man noch zu Rom im werck stände findt: die Cornice, Phrise, vnd Architraue mit T bezaychnet ist am Theatro Marcelli in dordine Ionica auf der Dorica: der Pilaster sambt dem basemēt darauf auch mit T gezeichnet ist an dem selben gebew vnder den colonnē Ionice. Die Cornice für ain tragstain ains bogēs mit .T. gezeichnet, ist auch an gemeltem Theatro Marcelli, welche vnderhelt den bogē der Ionica: die Cornice sambt den Modiglioni mit .A bezaychnet, ist gefünden worden zu Rom, zwischen Sant Adrian vnd Sant Lorenzen: das Epistilium oder Architraue mit .F. gezeichnet ist zu Auderzo im friül gefundē werden. welcher Architrabe vmb das er kayne astragali vnden die fascien hat, halt ich im für Ionico, Angāde die massen diser ding, die setz ich nit anderst, weder das ich sie vom grossen in disen klaynen form mit grossen vleys vbergetragen hab, welche massen man mit dem circkel in der handt allwegen finden mag.




VON DER IONICA.

Wie wol, die porta Ionica vom Vitruuio beschriben, nach meynem geduncken, nicht kumpt gepportioniert, wie sich zum gebew wolerhayfchen solte, so will ich darum nit vnderlassen daruon zu tractiern so vil ichs verstand. Vnd sage das der text Vitruuij, sich referiert oder zeücht (angande die höche des liechts) auff die porta dorica, zu wissen das vom doppel oder geschwell wie mans nennet, bis an die Lacunarij, das ist bis an die balcken hinauf sollen gemacht werden drey tayl vnd ain halber, vnd da das kreütz ist verstant sich die Lacunarij, tillen, balcken, oder himel, wie mans nennen will: waruon die zway tayl der höche des liechts von der porten sollen gegeben werden, auff welche weg die corona seer brayt bleybt, wie auch die von der dorica, vnd volgt noch ain anderer irtumb darauff. Nemblich, so man die porten vnden von dreyen taylen weyt, vnd von funff taylen hoch macht, wie der text sagt, vnd die oben vermindert wie die Dorica, so befindt ich das die weytte hieruon braytter kumpt, daß das mittel inter columnium, das ist das mittel spatium zwischen den colonnen ayne tempel machende von vier colonnē wie den Vitruuius beschreybt im dritten buch, von welchem ich hie vnden ain figur formieren will, auff das man die respondierung diser porten, an seynen tempel sechen mög: welche nach meynem beduncken nicht respondierts. Dañ so die ordnung der dorica, welcher colonnen, niderer dann der Ionica send, vnd ist irer portē höche ettwas mer daß zwen quadri, so sag ich das die porta Ionica welcher colonnen höher send, auch höher im liecht soll seyn daß die Dorica, so ist si doch nichts dest weniger minder hoch nach dem text Vitruuij, welche funf tayl in die höche vnd drey tayl in die weytte hat. Doch sollich alles mit groffer reuerentz aynes sollichen grossen auctors. Nichts dest minder nemende aus dem text Vitruuij die partes oder tayl so zu pafs komen: will ich hie gegen ayne formiern, sunder die oben zu vermindern oder engerē: welcher aber vmb seyns lusts willen die oben gemindert will haben, der halt die ordnung von der Dorica.




Ich sag das die höche des liechts von diser portē auf das wenigst von zweyen quadri sein soll, vnd die brayte des pilasters soll den zwelfften tayl dils liechts sein, auff den weg gemacht wie von dem architraue Ionico gesagt ist, vnd sollen im die astragali zu gefuegt werde wie die figur .F. aufweyßt: der Phrise darauff so man etwas dareyn schneyde will, soll er den vierten tayl höcher sein daß die brayte des pilasters, so man den aber gelat will haben funder nichts dar ein zu schneyden, soll er den vierten tayl minder sein. Die corona sampt andern iren gelidern soll in der höche seyn wie der pilaster brayt, aufgetaylt auf den weg wie man in der figur .F. sicht. Die Anconi oder Prothridi so ettlich mensole ettlich ander cartell das send zedel nenne, sollen oben brayt sein wie der pilaster, aber der vnder tayl dem obersten liecht in der figur sicht. Die höche des bogēs remenato genant, auf diser portē an stat ains fastigijs, soll also gemacht werden nämlich man stelle die spitz des compafs oder zirkels anff die eüßtersten ort der Scima am höchsten, vnd das ain ort vom zirkel nidergesenckt bis auf den puncten des kreutz, vnd mit dem andern fuß des zirkels gezogen, das soll sein höche vnd die ronde sein: welcher remenato, zu machen oder zu vnderlassen, stet alzeyt zum gütduncken des werckmaysters, dils dient auch für fenstern vnd andre gezierden.



VON DER IONICA.

DAs liecht diser nachuolgender portē soll von zwýfacher proporcion, zúwissen von .ii. vierkanten hoch sein, vnd die braytte des pilasters der .viii. tayl von der weytte des liechts: vnd die colonnen .ii. mal so groß am vndersten tayl. Aber oben sollen sy vmb den .vi. tayl gemindert werden, ir höche soll seyn von .ix. taylen mit basement vnd capitel, haltende die regel vnd maß wie im anfang gesagt ist: vnd wie wol dise colonnen ain tayl höher sendt dann die gegeben regel lernet, so ist es doch nit zú schelten, vmb das allain die .ii. drittayl irer dickne auß der maur stend, vnd kain ander gewicht tregt daß das frontispitium: sunder wo dise colonnen schon vmb aynichs zú fals willen vber die .ix. tayl passierten, weren sy darum nit zú schmächen, weyl sy allain von gezierdt wegen hieher gesetzt werden, vnd auch in die maur gebunden sendt: die höche des architrauē oder Epistiliums, soll sein wie die braytte des pilasters: vnd der phrise, geschnitten oder vngeschnittē, soll gemacht werden wie von den andern gesagt ist: die höche der corona oder cornicen soll seyn wie das Epistilium: die andern gelider sollen gemacht vnd aufgetaylt werden wie im anfang gesagt ist. das frontispitium, stet zú dem willen des werckmaysters, höher oder niderer zú machen, durch ayne der reglen in der ordnung Dorica gegeben: mit disem fünd mag sich ain verstendiger werckmayster zú vil dingen behelfen, vnd zú zeytten nach dem es die notorft der höche halberfordert, möchte man die höche des liechts von diser porten nun von anderhalben vierkant machen, oder von aynem vnd .ii. drittayl vierkanten, so aber die not aynen nit darzú tringt, so lobe ich dise proportion fur die andern.







23
42

134/2

VON DER IONICA.


Die weyl ich die beurisch manier der ordnung Thoscana zugefuegt, vnd nicht allain zu der selben Thoscana geappliciert, funder auch mit der Dorica an ayner porten gemengt, so hab ich mir fürgenomen die auch der Ionica zu setzen; wie wol sollich nicht an aynē yetwedern Ionicē gebew zu fuegen ist, anderst daß mit guttem propost, als auff aynē dorf, da ist es nicht zu schelten. Auch in ayner stat, an aynes gelerten oder kaufmans von grobē leben gebew, mochte mans zu geben. Aber an was ort man das machen wolt vnd ain aufgeladnen gang darauff setzē, muß man so vil auß der mawr hinaus faren, das die dicke der mauren die braytte des gangs mache, wie die grundlegung hie vnden ausveyßt. die proportiō dis wercks soll sein, das die höhe des liechts bis vnder den bogen von .ii. vierkantenseye, vnd die pilastren auf den seytē der colonnē sollē der .viii. taylvō der weytte des liechts sein, vnd die colona der viertayl des liechts weytne. Aber ir höhe mit Basement vnd capitel, soll von .ix. taylen sein, der bogen von halber runde, soll getaylt werden in .xiii. tayl, vnd ain viertayl, das mittel cunco soll von aynem vnd ain .iiii. tayl sein, vnd die andern .xii. tayl werden durch die cunei all gleych. Der Architraue, Phrise, vnd Cornice, soll den funftentayl von der colonnen hoch sein, getaylt in .xi. tayl, daruon vier tayl sollen genomen werden für den Architraue, .iii. für den Phrisen, vnd .iiii. für die Cornicen, die brüstlaynung vom gang soll halbe weytte vnder porten hoch sein, von seynē vnderschiedlichen gelidern mag man die mafs vom piedestallo Ionico nemen. Die patticular gelidmassen der Basementen, Capitellen, Architraue, Phrise, vnd Cornicen, soll man machē wie im anfang gesagt ist. Aber die Cunei so in centrum komē, vnd die so die colonnen vmb gurten, soll man machen wie die nachuolgend figur anzaygt.






VON DER IONICA.


Wie wol die höche diser bogē nicht vō zwifacher proportiō send, wie der merer tayl der andrē so ich angezaygt hab, so ist es doch nit ain strāffliche sache, sūder kūstlich: daß sich erwā zūtra gē möchte das mā in der austaylūg ains bawes, vmb bey ayner nōtwēdige höche zū bleybē, vnd auch vmb die bogē vō vngleycher gezal zū machē, wie si daß allwegē fein sollē, vmb die principal portē in die mittē zū bringē, das sy in sollichē fal zū diser höche nit kōmē mochtē, so mā aber vō nōtswegē darzū nit gezwungē ist, so lob ich alwegē mer die höche vō zwifacher weytte, daß ainiche andre proportiō: Die weytte daß zwischē aynē vnd anderm pilaster, seye .iii. tayl, vnd die höche, v. tayl: aber vō der weytte darnach, v. tayl gemacht, soll die braytte des gātzē pfeylers fein vō .ii. derē tayl, dariegē die groffe der colōnē von aynē tayl, vnd auf dē seytte der colōnē send die pilastrē vō halber colōnē dickne, vnd in der selbē brayte der bogē auch: desgleychē das capitel des pfeylers so dē bogē tregt soll auch vō der selben höche fein, gemacht wie der tragstayn am Theatro Marcelli mit. T. gezaychnet. Die colōnnē sollen von .ix. taylen seyn, mit dē basemēt vnd capitel, gemacht nach der regel im anfang disscapitels gegebē. die mittel portē soll weyt fein dē halbē tayl der offēhayt zwischē dē pfeylern: vnd ir höche soll also gefundē werdē, wā seynē pilaster gemacht ist vō dē .vi. tayl des liechts, vnd die cornice auf der portē vō gleycher höche des tragstayns darauf die bogē stend, vnd die Scima obē darauf gesetzt: vnd darnach dē phrise ain. .iiii. tayl minder gemacht daß der pilaster: dis soll diser portē rechte höche seyn, vnd wiert ain wenig minder wed. .ii. vierkātē machē: das frōtispitiū darauf soll gemacht werdē mit aynē der reglen in der Dorica gegebē. Der Architraue, Phrise, vnd Cornice, auf dē colōnnē vnd bogē stande, sollē ain. .iiii. tayl der colōnnē höche brayt fein, gemacht durch die hieuor gesagte reglen. Die ander ordnūg darauff soll ain. .iiii. tayl niderer fein daß die erst: desgleychē der Architraue Phrise, vnd Cornice fein ain. v. tayl von der gantzē gaden höche, welches auf das. .iiii. tayl der colōnnē höche kōmen vviert: aber von der besundern gelidmassen wiert mā ain klärern verstand findē in der orddūg Cōposta, das ist in der zū samē gesetzte ordnūg. Die weytte der fenster mit den bogē soll fein wie die porten, desgleychē ire pilastre, vnd bögen: aber ir höche soll drithalb vierkāt fein, vmb dē gemach so vil mer liechts zū schöpffen: die colōnnē Corinthie sollē gelat fein gemindert wie obē gesagt vmb ain. .iiii. tayl gegē denē darūder. Die braytte der nicchi zwischen dē colōnnē vnd dē fenstern, soll fein anderhalb colōnnē dicke, vnd ir höche. .iiii. colōnnen dicke: vnd was tayl noch restē, mag mā allwegē zū der erstē regel diser ordnūg lauffen, daß von diser colona Corinthia, wiert man die particular massen, in der selbē ordnung Corinthie finden. Auff dise ordnung möchte man ver da wölte, ain wandlung zū wiffen ain altanamachen. Aber vleyssig vor dem wasser verfechen, mit pflaster staynen mit grossen vleys in ain ander gefuegt, die brüst höche daruon, soll gemacht werden, von fuegklicher höche darauff zū laynen, welches dem gebew ain grosse gezierdt, vnd den inwonēden grosse gemachsamhayt bringē vvrde.






VON DER IONICA.


ZW zeyttē (wie ich hie vornē auch gesagt hab) findt ettwā der bawmayster seulē oder colonnē genug, aber so nider das sy zū seynē werck nicht genūgsam sendt, wa er sich nit kan behelfen, vnd solliche gelidmassen zū dē gebrauch des gebews so er machē will nicht kā schickē vnd accomodiern. Deshalbē so die hōche der gallerey mer dan die colonnē were, so mag mā in der mittē der faccia oder ansechēs ain bogē machē, vnder haltē seynde vō dem Architraue so auf dē colonnē her geet, wēlcher architraue soll sein an stat ayns tragstains, ains rundē gewēlbs. Aber da der bogē ist, soll ain creutz gewēlb gemacht werdē, wie mā hieundē in der grūdlegūg sicht, vnd zū merer stercke dis gewēlbs, soll auf ain yedē colōnē, ain eyfine stangē vber zwerch gelegt werdē, wie ich in gleychē fal in der ordnūg Dorica auch gesagt hab. Aber die austaylūg diser faccia, soll mā also machē, das das mittel spatiū zwischē ayner vnd anderer seul. vi. colonnē dickne weyt sey, vnd die colōna soll sein vō .viii. taylē mit dē basemēt vnd capitel, der architraue sey brayt als dick die colōnē obē ist, des gleychē der bogē auch: auf wēlchē bogē mā ain cornice soll machē, wēlches hōche ain .iiii. tayl mer dan des Architraue sein soll, sūnder sein Toro vnd leytlē, wēlche cornice gibt ain capitel den pfeylerlē auf den colonnē, wēlche vō der grōsse der colonnē dickne om obern tayl send, die neben spatiū zwischē den colonnē, seyen von .iii. colonnē dickne weyt. Die hōche der portē soll sein, das der architraue so das gewēlb tregt, sey fūr ain cornice auf gemelter portē, doch ains tayls seynēr glidmassen verandredē wie mā in der figur sicht: vnder die cornice werde ain phrise gēsetzt, ain .iiii. tayl schmāler dā der Architraue, vnd das superciliū mit dem pilastre vō gleycher hōche gemacht: die weytte diser portē soll vō dem obern pilastre inwendig gemessen bis auf die oberst staffel oder thürgeschwell genomē, vnd der halb tayl sollicher hōche, soll die weytte der porten sein. Also das die hōche des liechts diser portē von .ii. vierkantē sein viert. Die fenster sollē oben an der hōche der portē gleych gemacht werden, vnd ir weytte soll sein .ii. colonnē dickne, vnd von diagonea proportiō hoch, das ist ain perfect vierkāt von der weytte gemacht das selbig vber zwerch vō aynē egk zum andern gemessen, vnd gerad aufgericht, sollichs ist proportiō diagonea vnd soll die hōche diser fenster seyn. Die ander ordnūg werden ain .iiii. tayl minder gemacht weder die erst, vnd die brūstlaynūg werde von gemachlicher hōche gemacht, das vberig in .v. tayl getaylt, daruō die .iiii. tayl fūr die hōche der colonnē, vnd der ander tayl fūr den Architraue, Phrise, vnd Cornice, sollen genomē werdē, haltēde die reglen in diser ordnūg gegebē. Die braytte des fensters in der mittē seye mit seyne neben pilastern als weytte die portē darunder im liecht ist, vnd sein hōche vō zwifacher weytne, in der gezierdt darauff werde gehaltē die regel von der gleychē portē vnd fenstern gegebē: die nebē fenstern sollen von der weytte sein wie die darunder, vnd ir hōche im liecht dē mitlē gleych, die erhöhung auf diser ordnung in der mitlen soll ain .iiii. tayl minder sein dā die ander darunder, gemindert von gelid zū glid nach aduenāt, vnd von den liechtern des gōbels soll die ordnung wie in dem vnderstentayl gehalten werden. Aber dise dritte ordnung zū machen oder zū vnderlassen, steet zū dem vwillen des werckmaysters.






VON DER IONICA.

Die weyl (wie ich im anfang disß büchs gesagt hab) das werck Ionica genomen sey von der form matronale, so ist auch ain billich ding, so man ain camin von diser ordnung zů machē hat, das dise spetia so vil man kan, geuolgt werde. Die porporciones dises nachuolgendē camins sendt die, das so fein nōtwendige hōche der offenhayt gestelt, soll vom bodē bis vnder den Architraue in acht tayl getaylt werden, welches ist nach der cynsetzung der colonnen Ionica, vvaraus man disen monsterlichen oder vermengten form, wie mans nennen will, machen mag, diser manier gleychförmig, welche für modigliones zůwissen für tragstain dienen. Der Architraue, Phrise, vnd Cornice, sollen ain viertayl vō der hōche des modiglions hoch seyn, getaylt in den weg wie im anfang daruon gesagt ist, wie wol dise gelidmassen hōcher scheynen, so kumpt doch das (wie ander mal gesagt ist) von dem nideren gesicht. Die tafel auff den Capitellen, so den Architraue vnd Phrisen bedeckt, haben ettrliche Antiquen also gebraucht, vmb merer spatium zů haben darein zů schreyben, auch vmb das si ser begerlich waren zů allerlay newikayt: welche tafel alwegē zů des werck maysters wolgeuallen stet die zů machen oder zů vnderlassen. Die ander ordnung darauf, do die Dolphini sendt, viert vmb zwayerlay vrsachen willen gemacht, die ain vmb den rauch schlundt dester weytter zů machē, die ander vrsach, vmb den pyramidalischē form so der kumich hals in aynem hōchen gemacht macht, weck zů nemen, welches doch alles zů des werck maysters willen stet, grösser oder klayner zů machen, oder gar zů vnderlassen.






VON DER IONICA.

Diese manier von caminen, kumpt ser gemachlich
 fur klayne gemäch, vnd man gebraucht sy ni-
 derer daß das angesicht des menschē, damit mā sich
 am gantzen leyb wärmē kündt, sunder das das feür so
 dem gesicht schedlichen ist, dasselbig beletze. Die offen
 hayt dis camins soll von aynē perfecten vierkanten seyn.
 Der pilaster soll von der weyte den.vi.tayl prayt sein, vnd
 das cimatum den.vii.tayl des pilasters: von dem vberigen ma-
 che man.xii.tayl, daruō soll man nemen.iii.tayl für die erst fas-
 cia,iiii.tayl fur die ander, vnd die andern.v. tayl so vberbleyben fur
 die drit fascia. Vnd vmb merer gezierd willen mag man auch die astra-
 gali, das ist die aufferē leystlen, daran machē, wie man ander seytten der
 figur sicht: die höche der voluta zūwissen des vmbgeschlagenen zettels, soll
 so höch sein als die drey fascia sunder das cimatiū, vnd soll in.iii. gleyche tayl ge-
 taylt werden: daruon ain tayl seyn soll für die Phrise, mit den holkelen, der ander
 tayl für das Echinum, mit dem Astragalo oder leystli, vnd das dritt tayl soll man der
 voluta geben, welche voluta auff den seytten dem Cimatio geleych kommen soll, aber de
 bletter daran sollen herab hangen bis vnden an dem Architraue der offenhayt gleych. Die höche
 der coronen mit bayden Cimacii vnd der Scima soll so hoch sein, als die ander, vnd dritt fascien
 mit dem Cimatio brayt send: aber ir aufladung seye so vil als die gantz höche, vnd die aufla-
 dung der Scima vnd der cimatii auch alwegen so vil als ir höche: sollichen form hab ich
 ins werck thūn machen, ist yeder man angenām gewesen, vnd ains grossen ansehens.
 Die weyl sich aber dise proportion auff all ort weyt ausbrayt, also das es vil blatz
 beschlagt, so möchte man die pilastern den achtenen tayl von der weytten des
 liechtsbrayt machen. Vnd mit der selben proportion alle gelidmassen
 mindern. Also wiert das gantz werck proportioniert kommen, vnd
 nun lieblicher in im selbs. Das ober tayl allain von merer
 zierdt wegen darauff gemacht, mag der werckmay-
 ster machen wie im geliebt. Dann diser Ca-
 min verstet sich das er gar in der maur
 dickne sten soll. Dise ge-
 zierd were auch hubsch
 zū ayner por-
 ten oder fenster
 von diser ordnung Ionica.




HIE ENDET SICH DIE IONICA.




VON DER CORINTHIA.
VON DER ORDNVNG CORIN-
THIA, VND IREN GEZIERDEN.
 CAP. VIII.



LN disem werck Corinthia tractiert Vitru. allain vō dem capitel, im. IIII. büch am. 1. Cap. gleych als wolte ersagen, dis capitel gesetzt seynde auf die colonnē Ionica, so seye es Corinthia werk, wie wol er im andern cap. anzaygt das her komē der modiglioni vnder dē coronē, gibt aber darū weder regel noch maß vō dē andrē glidmassē: die altē Römer aber sich ser delectierēde in diser spetia corinthia, wie auch in dē andern, machtē die basemēt vō diser colōnē vast zierlich, vnd vbertüttig vō glidrē: vō welchē basemētē ainiche regel zū gebē, will ich für nemē ains vō dē schönstē gebewē zū Rō, das ist vō Pātheō genāt die rotōda, setzēde in die regel alle die massē. Die colōna Corinthia, soll mā durch gemayne regel von. ix. taylē hoch machē mit basemēt vnd capitel, welchē capitel soll an der hōche sein so dick die colona am vnderstē tayl ist. Aber das basemēt nun von halber seul dickne hoch, getaylt in. iiii. tayl, daruon mā ain tayl dē plintho soll gebē, die andrē. ii. tayl darnach werdē getaylt in. v. tayl, daruō ain tayl sey für dē oberstē Thoro, vnd der vnder Thorus soll ain. iiii. tayl grösser sein, das vberig tayle mā in. ii. gleyche tayl, daruō das aintayl der vndern scotia mit irē Astragalo, vnd dē. ii. quadretti oder leystlē gegebē soll wer dē: aber das astragalū soll ain. vi. tayl vō der scotia vnd yedes leystlin dē halbē tayl des Astragali brayt sein: ader das leystli auf dē vndern Thorus soll. ii. drittayl des astragali brayt sein: vnd also werde der ander tayl zū wissen die ober scotia auch getaylt, nēlich das das astragalū der. vi. tayl von allem seye vnd das leystli halb so vil, aber das leystli vnder dem obern Thoro ain drittayl grösser dā das ander. Die ausladūg wo die auf ayner andern ordnūg von colonnē sten kompt, soll mā si machē wie die von der Ionica: so aber sein stand daniden auf der erden ist, soll mā sein ausladūg, auf dē halbē tayl des basemēts wie die dorica machē: vnd auch nach den platzē da hin dise basemēt gesetzt werdē. Ist in dem von nōtrē das der werckmayster wol aufmerckig sey, dē zū wissen nemē oder zū zū gebē. Dān wan die basemētē vō aug vberhöcht zū wissen das sy nide derer dā das aug stend, so werden dise obgeschribnē massen wol komē: so sy aber höher dā das gesicht des mensche gesetz werdē: so ist von nōrtten das alle die glidmassen so vmb der distantz oder verne willen von den andern gelidern verdüncklet, grösser gemacht werdē dā die gegebenē massen. Vnd wie höher die basemēt gesetzt, von so vil minder vnd sterckern gelidmassen sollē sy gemacht werden. varin der werckmayster von der Rotonda zū Rom fürdächtlichen procediert, dā er die basement von den platten columnen auf der ersten ordnung inwendig, mit zwayen scotien aber nun mit aynem Astragalo, an stat diser zwayer gemacht hat.





Die erfingung des capitels Corinthio, was von aynen Corinthianischē iunckfrawē anderst will ich mich nit bemueen seyn vrsprung zu er zellen, daß Vitruuius sol lichs bechreybt, im .IIII. buch am ersten Capittel, wol will ich sagen, so man ain kirchen von diser ordnung wölte machen, das man die der iunckfrawen Maria, ain mitter Gottes dediciern vnd ergeben solte, des gleychen andern hayligen vnd hayliginen so ain iunckfrawlich leben gefuert haben: dise ordnung gezäme sich auch wol de iunckfrawē klöstern: auch an gemaynen behausungen oder besundern gräbern für personen aynes erbern vnd keuschē lebens, mag man dise manier brauchen. Difs Capitel Corinthio soll hoch sein, wie dick die colonnē vndē ist, vnd das Abacus soll der sibend tayl von der gantzen höche seyn. Vnd von dem vberigen sollen drey geleyche tayl gemacht werden, ains für die, vndersten pletter, das ander für die mittelsten bletter vnd das dritt tayl für die vmbsehleg so mā Cauliculi nennet genomē werden. Aber zwischē disen Cauliculi vnd den mitlen bletteren soll ain spatium gelassen werden, für die klaynern blättlen, außs welchen die Cauliculi spriessen, geformt seynde das plos capitel mit .B. gezeichnet, welches am vnderstē tayl so groß als die colōna am obersten tayl sein soll: vnder dem Abaco soll ain gurtel oder rayß gemacht werden von halber höche des abaco, von welchem Abaco nachmals gemacht drey tayl, daruon ain tayl das Cimatium mit seynē quadretto, vnd die andern zwey tayl für das Abacū sein sollen. Vnder die vier Egk des Abaco sollen die grössern Cauliculi gemaeht werden, vnd im mitel des Abaco soll ain blum gemacht werden so groß als das Abacus hoch ist, vnder welcher blumen sollē die klaynern Cauliculi, vnd vnder den selben auch vnder den grossen Cauliculi sollen die mitlen bletter gemacht werden, waraus die mindern oder vndern beleter spriessen, vnd außs den selben wachsen die Cauliculi: der mittlen pletter sollē .viij. seyn, vnd der vndern auch so vil, auf die weys gestelt wie in der figur. C. angezaigt wiert: die braytte oder weytte des abaco von aynem egk zu dem andern, durch die diagonal lini, das ist vō aynem egk zu dem andern vber zwerch gemessen, soll von zweyen Diametern das ist von zweyen colonnē dicknen vnden sein, welchē Diameter gesetzt in ain vierkāt, vnd auffen vmb das vierkant ain Circkel gezogen, so groß das er die vier egk des vierkantē rüere, vnd außs dem selben grössern Circkel noch ain vierkant gemacht, durch die diagonal das ist durch zwerch liniē getaylt, so wiert sich finden gemelte zwerch linien lang seyn, zweyer colonnen dickne vnden, wie der text Vitruuij sagt. Aber von der lini .B. C. soll man ain perfecten drian gel machen bis auf das ort .X. das soll der punct sein vmb das Abacū auszu holen, vnd von dem spatiū so zwischē dē grössern vnd klaynern Circk ist, sollē .iiij. gleyche tayl gemacht werden, danon ain tayl beleyben soll auf dem .A. vnd die drey tayl werdē wegk genomen auf disen weg, gesetzt den aynen spitz vō Circkl auf den punctē .X. vnd den andern spitz des Circkels auff den puncten .A. vnd hinumb gezogen vom .B. außs .C. wa also die krum lini an die zwey end des triangels reychen wiert, da soll der termin oder ende von dem egk des capitels seyn. Das exempel, des sicht mā in der figur .D. vnd auff disen weg kumpt das Abacus schnur gerad dem Plintho des basementz geleych, vnd wiert also kain lini ongefargemackt, sunder werden alle aus geometrica ratione probierlichen genomen.




ANgande den Architraue, Phrise, vnd Cornice, der Corinthia, wie ich im anfang dis Capitel gefagt hab, gibt Vitruuius kain mafs, wie wol er den vrsprung der Modiglioni setzt, welche man in allerlay manierẽ von Cornicen machẽ mag, wie man in der antiquitet sicht. Aber hierinnen beschaydenlich zu procedieren, vmb nit weyt vō dem Text Vitruuij zu schreytten, so will ich auff dis capitel Corinthio, die gezierden der Ionica ferzen, zu thonde dem architraue die astragali, vnd den Echinũ oder Vuouolo vnder die Coronen, wie ettlich beschayden werckleut in Rom gethan haben. Vnd sag so der Architraue gemacht, wie in der ordnung Ionico gefagt ist, so soll vnder der mitlẽ fascia ain astragalum das ist ain stab gemacht werden, den achften tayl der mitlen fascia brayt. Vnd auf der oberstẽ fascia, soll gleycher weys ain runder stab gemacht werden den. viij. tayl der selben obern fascia grofs, gearbayt wie man in der figur hie nebẽ sicht, darnach gemacht seynde der Phrise mit seynem cimatio, darzu der denticulus auch mit seynem cimatio, soll m̃ das Echinum oder Vuouolo wie mans nennen will darauff setzẽ, des h̃che soll sein wie die erste fascia. welches vmb seynẽ ausladung, auch geschnitten wercks willen gr̃oßẽr scheynt weder die mittel fascia. Auff das Echinũ setzt m̃ die corona vnd die Scima mit dem cimatio, wie von der Ionica gefagt ist.

VNdvmb das ettlich R̃misch werckmayster etwas stoltzlicher procediert, vnd nicht allain das Echinũ auf das denticulum gesetzt, sunder haben auch die modiglioni vnd das denticulũ zu famen in ain cornice gemacht: welches vom Vitruuio im. IIII. buch am andern capittel ser verworffen ist, vmb das die denticuli representieren, die k̃opff oder orte ertlicher balken, so Vitru. asseri ñenet. Vnd die Modiglioni send gemacht f̃ur ain anzaygung anderer orte von holtz, von gemeltem Auctor Cantari genant: welche zwo sorten balken auff ain ander, in ayne platz nit sten m̃gen. Vnd ich f̃ur mich solte in ayner cornice nimmermer leyden k̃unden Modiglioni vnd denticuli: wie wol deren Rom gantz vol ist, vnd sunst an mer orte in Italia. Aber in diser ordnung beschaydenlich procedierende, so will ich ain gemayne regel finden, Das man die h̃che der colonnẽ mit dem basemẽt vnd capitel in. iiij. tayl tayle vnd deren tayl ayne gebe m̃ dem architraue, phrise vnd cornice. Dann solliche h̃che respondiẽt, vnd acordiert sich mit der dorica, dañ die selben glidmassen send der. iiij. tayl vō der h̃che der colonnẽ. Dis. iiij. tayl soll man als dañ taylen in. x. tayl, daruon. iiij. tayl genomẽ sollen werden f̃ur den architraue, aufgetaylt in massen wie oben gefagt ist, drey tayl soll man geben dem phrise, vnd von den vier vberigen taylen soll man die cornice machen, auff disen weg, das dise. iiij. tayl, getaylt werden in neun tayl, daruon ain tayl sein soll f̃ur das cimatiũ auf dem phrise, ij. tayl gebe man dem Echino mit seynem leystl, ij. andre tayl seyn f̃ur die modiglioni mit seynem Cimatio, noch zwen tayl seyẽ f̃ur die corona, Vnd die vberbleybende. ij. tayl sollen genomen werden f̃ur die Scima mit irem Cimatio, welches von dem. iiij. tayl der Scima sein soll. Die ausladung aller glidmassen, soll sein wie oben gefagt ist, m̃ m̃chte auch disen Architraue, Phrise, vnd Cornice, nun den. v. tayl von der colonnen h̃che machen, wie Vitruuius im vierten buch am sibendẽ capitel vom Theatro sagt.








Die verclaynerüg vō der colōna corinthia, soll gemacht werden wie von dē andern gesagt ist, nach irer höche. Aber vō. xvi. schuchē nidervarts, soll sy vmb den. vi. tayl gemindert werdē mit der regel wie im anfang gegeben von der ordnūg thoscana, vnd so die gekeelt ist, soll man sy machen wie die Ionica, aber die holkeelē sollē von. iii. tayl hinabwartz vol sein, zūwissen gestabt wie hie auff der seyrte anzeygt ist: der architr., phrise vnd cornice hieuo, sunder modigli ni, vmb die vnderschiedlichayt der massē anzuzaygē, ist sein architraue vō halber colōna dickne höch, der phrise vmb das er geschnittē ist, ain. iii. tayl höher dān der architraue, vnd die cornice sūder das cimatiū des phrise, ist in der höche des architraue: dise höche alle zū samen ist minder dān ain. v. tayl vō der höche der colōnē, nichts dest minder wān die ausla dūg der corona dapffer ist, so scheynt es ain merere höche seyn, weder es an ime selber ist, vnd ist den gebew so vil minder gewichts. Darum mag ain weyßer werckmayster allwegē die wal nemē deren tayl, so ime am bestē zū pafs kommen, allain das er nicht weyt schreytte aus dē reglē Vitruuii, vnd vō den guten antiquitatē, welche man durch die geschriften obgemeltes auctors erkennet. Vnd so vmb ainiches zūfals willen die colonna corinthia iren proportioniertē piedestal vō nōttē wurde habē, nicht zū volgē habēde ainicherlay andern sachē, so solle sein pportiō sein, das sein brayt te getaylt werde in. iii. gleyche tayl, der selbē. ii. sollē der höche zūgethā werdē, das ist ain vierkāt vnd. ii. drittetayl. Ich sage allain das plat, solliche höche werde als dān in. vii. getaylt, deren tayl ains man für das basemēt, vnd ain anders für die cornice darauf hin zū soll thon, welches in als. ix. tayl sein werdē: also wiert diser pedestalo proportioniert nach der colōnē, welche auch selbs von. ix. taylē ist. Aber von den besundern glidmassen von seynē basemēt vnd cornice, will ich hie nach ertlich antiquē anzeygē, vō welcher ain yeder nemen mag die massen, so ime am dienlichsten sein werdē.









M.iii.

VON DER CORINTHIA.

VNder andern Antiquitäten der Corinthia, so man in Italien sieht, gedunckt mich der Pantheon von Rom, vnd der Arcus triumphalis auf dem port von Ancona, seyen die hupschesten vnd bas verstandnen, von welchem Arco, das capitel .A. hievndem verzeichet, ist proportioniert vnd mit grossen vleys nach dem rechten abgemacht vnd vom grossen also ins klein verüngt, welches höche ettwas auß der regel Vitruuij geet, hatt darum nichts destmin der ain vast gütte correspondentz, vnd ist möglich das Vitruuius gewelt habe, das die höche des capittels Corinthio, vñ der columnen dickne sein soll, sunder das Abacus, vnd das der text an disem ort gefälscht sey: daß ich finde nicht allayn dis gegenwertig Capitel von diser proportion, sunder hab noch vil andere gefunden deren höche ist von der columna dickne sunder das Abacus. die colonne von disem Arco send gekelt in mafs wie hie vnden angezeygt. Der piedestalo vnd das Basement darauff ist auch ain gelid des gemelten Arco, gemacht mit seynen verüngten proportionen. Die cornicen auff der seytten sendt gefunden worden, all foro transitorio in Rom. die mit .A. gezeichnet ist vast manierlich für ain Cornice Corinthio sunder modiglionen. die mit .B. gezeichnet ist ettwas freyer, vmb das die zwey gelider von ayn ergleychen natur send. Aber die mit .C. gezeichnet ist die aller vngeschickst vnd vnerlaubtest vmb der duplicierten gelider willen, dann von der coronen niderwarts haben sy ain grossen vbelstand, vnd auch vmb das die corona zu aynem so grossen cornice so wenig aufladung hatt. Das basement aus piedestals mit .D. gezeichnet, ist nach meynem geduncken vast schön, desgleichen das basement mit .E. gezeichnet, welche ding alle man dem werck Corinthia appliciern mag, vnd an der Ionica hab ich auch dergleichen gesehen. Der Architraue mit .V. gezeichnet, ist zu Bern an aynem Arco Triumphale, welches fascien sten contrario den genen so Vitruuius beschreybt, so hab ich doch nicht dest minder setzen wollen, vmb dise differentz an zu zaygen.






VON DER CORINTHIA.

Von der porten Corinthiana tractiert Vitruuius gar nichts. Aber ich will mich auf die Antiquitäten ziehen, so man noch auff disen tag sieht, die portē hievnden mit .S. vnd .Y. gezaychnet, ist zu Tioli, auff den wasser Auiene, an aynem runden tempel von opera Corinthia, welche porten vmb den achtzehenden tayl oben geengert oder gemindert ist. Ir höche paßiert zway vierkantē, das vberig von den gelidmassen ist alles nach der rechten porten proportioniert. Das fenster mit .T. vnd .X. bezaychnet ist auch am selbē tempel oben gemindert wie die porten: seyne pilastern, vnd andre gelider, send proportioniert nach gemeltē fenster, in welche man mit dem circel alles finden mag.


Die nachuolgend porten, mit .P. vnd .Z. gezaychnet, ist die am Pantheon, genant La rotonda zu Rom, Corinthia werck: welche in der weytte is. xx. palmen antiquen, vnd ir höche. xl. palmē, vnd man sagt das sy aller von aynem stück sey, zu wissen ire pilastern oder antipagmentum, vnd ich hab auch kain fūg daran gesehen: das antipagmentum oder pilaster von diser porten, ist brayt den achten tayl von der weytte des liechts. Aber vmb das dise pilastern auff der seytten von grosser dickne send, also das man das vorden nicht kan ansehen, sunder das man nicht auch ain tayl von den seytten sehe, das macht sy vornen im ansehen aynere merere braytten scheynen, weder sy an ir selber ist: vnd vmb das dise porten aynere so grosse höche ist, so ist sy schnur geradt gemacht, vnd oben nit gemindert, wie die ander hieuer. Alle die andre gelider send proportioniert nach der porten, mit grossem vleys von grossen ins klain vberferzt. Das basement auff der porten, ist wie die von den platten columnen auff der ersten ordnung: welche ich in dem basement Corinthia allegiert hab im anfang von diser ordnung.






VON DER CORINTHIA.

Die porten hievnden angezaigt, ist zů Palestina, so man diser zeyt Pelestina nennet, vnd ist corinthia werck: welcher höche im liecht ist von zwayē vierkantē, vnd der pilaster oder antipagmentū der. vi. tayl vō der weytte des liechts brayt, getaylt auf die weys wie hie vor gesagt ist: der phrise ist vmb ain. iiii. tayl grosser dañ der pilaster, die corona vnd andre glidmassen sollen brayt sein wie der pilaster, aufgetaylt in massen wie mā hie sicht. Die Ancones oder prothirides wie sy Vitruuius nennet, sollē hinab hangen so weyt wie mā hievndē in der figur sicht: Das frontispitium werde gemacht, wie in der ordnung dorica daruon gesagt ist.




Diese port, welche different ist von all den anderen, so ich inder antiquitet ye gesehen hab, ist sy doch nicht dest minder ser lieblichen im gesicht, vnd representiert ain grofs dapfferkait, welche porten ist außerhalb spoletobey ayner halben welschen meyl aus dem weg, an aynem Antiquischen tempel, von Corinthia werck. Von irer proportion vnd besunderen gelidmassen will ich mich nit weytter extendiern. Dañ man die mit dem circkel alle finden kan, welcher es vleyfiglich süchen will.




N.ii.

VON DER CORINTHIA.


VON diesem werck Corinthia, welche gemayncklich yedermā wol geuelt, will ich mer forten von gebewen formieren, vnd ettlich general reglen daruon geben, vmb denen so dis meyn werck geuelt noch mer zū volthon. Vnd vmb das die Antiquischen baumaystern gewelt haben, das ire gebew vnuergäncklich weren, machten sy die pfeyler (darein die pilasters so die bogen vnderhaltē geschlossen sendt) von grösser dickne vnd braytte. Darum dise nachuolgēde faccia, so zū vilerlay ding dienē mag, nach dem sich ain verstandiger werckmayster des wiert kunden behelfen, hat die pfeyler vornē im gesicht so brayt, als die offenhayt der bogen ist. Aber sein dickne ist nun der.iiii.tayl von diser offenhayt: die dicke der colonnē soll sein vom.vi.tayl von der braytte des pfeylers: vnd die Nicchi zwischē den colonnen, sollen von.ii.colen dickne vweyt sein, vnd ir hōche ain wenig mer dañ.ii.vierkant. Die hōche des Piedestals, soll von drey colonnen dickne seyn: die hōche des bogen seye von.ii.vierkant. die hōche der colonnē mit dem Basement vnd Capitel soll sein von. ix. taylen vnd ain halbs. die pilastrē darauff die bogen stend desgeleychen auch die bogen, sollen von halber colonnen dickne breyt sein: Die imposta das ist der tragstain darauf der bogen rwet, soll von der selben hōchne seyn, zūwissen von halber colonna dickne, gemacht auf die weys wie die am Theatro de marcello, in der ordnung Ionico, welche imposta wiert auch dienē für ain cornice der porten. Die hōche diser porten soll man also machē, das vnder dise cornice der architraue in gleycher hōche gemacht werde, vnd von dem niderwartz werdē gemacht.ii.tayl bis auf die stiegen, daruon ain tayl die weytte der porten, vnd also wiert die cornice von der porren in gleycher hōche mit der von den fenstern, vnd das cimatum von dem piedestal wiert auch vnder die fenster kōmen, welcher liecht von proportiō diagonea sein soll, vnd ire pilastern den.vi.tayl des liechts weytne brayt. die piedestalen, basemēt vnd capitellē, zūwissen ire particular gelider, sollē gemacht werdē wie im anfang diser ordnung gesagt ist. Auf die colonnen werde gesetzt der Architraue, Phrise, vnd die cornice, getaylt in massen wie im anfang angezaygt. Die hōche der andern ordnung, soll vmb ain.iiii.tayl minder dañ die erst gemacht werden, alle seyne glidmassen nach aduenant verklaynt, wie man in der figur sechen vnd auch messen mag: die verhöchung in der mitten, welches ich nicht für ain gantz gaden rechne, sunder vil niderer, deshalben sein hōche soll seyn als weyt die bogen vnden send, vnd seyn cornice so die stat des Architraue vnd Phrise verweist, soll ain.v.tayl der gantzen hōche haben: welches massen man nemen mag von dem capitel Dorico, vnd vmb noch merer gezierdt willen möchte man ain frontispitium darauff setzen: welches so mans in die mitten machet, so wurden die zway auff den Nicchi lästerlichen sten, es were dañ das man zway remenati zūwissen in die runde gezogen darauff machet, dardurch wurde das vnder schidlich, vnd dem gesicht lieblicher sein.





VON DER CORINTHIA.


Allwegen so der werckmayster ain tempel will bawē, wie vil sein boden oder grundt von der erden erhaben, so vil mer tapffer vnd herlichen wiert er seyn. Also haben die rechten antiquen gethan, wie wol sy ain andre manier von tempeln, seer different von den vnsern gebraucht haben, daß sy machten allain ain corpus. Aber wir Cristen machen den merern tayl vnserer kirchen in drey teyl, ain tayl in der mittlen vnd .ii. auf den seytten. Vnd zů zeytten verstend sich die Capellen in den zwayen seytten, vnd zů zeytten macht man die Capellen gar außershalb der zwayer seytten, wie de plat figur hievnden anzeygt. Die braytte diser faccia soll seyn von .xxxii. taylen, welcher tayl ayner soll ain colonna dickne sein, dem mittelstē spatio zwischē den columnen soll man .vii. tayl geben, vnd dem grösseren intercolumnio auf den seytten gebe man viertayl vnd ain halbs: zwischen ayner vnd anderer columnen da die Nicchi sendt, sollen zway tayl gelassen werden, also werden die .xxxii. tayl aufgetaylt. die pilastern so den bogen tragen, sollen von halber columnen dickne seyn: die offenhayt der porten soll in der vweyten von vierthalben taylen seyn, vnd ir höche syben tayl: die imposta, das ist der tragstain so den bogen vnderhelt, soll in der höche seyn wie der bogen brayt, vnd wiert nicht allain der porten sonder auch den fenstern für cornice dienen. Die höche defs pedestals soll von dreyen taylen sein, vnd die höche der columnen von .ix. vnd ain halben taylen mit basement vnd capitel. Der Architraue, Phrise, vnd Cornice, sollen gemacht werden von dem vierten tayl der höche der columnen, vnd also von den vberigen particular glidmassen werde die erst regel gehalten: von den fenstern, Nicchi, vnd andern ornamenten, mag man in der figur begreyffen vnd messen. Die ander ordnung soll ain viertentayl minder seyn dann die erst, vnd alle glidmassen sollen nach aduenant gemindert werden. Aber der Architraue, Phrise, vnd Cornice sollen getaylt werden in drey gleyche tayl, dauon ain tayl dem Architraue, der ander tayl dem Phrise darein die modiglioni kōmen, vnd der dritt tayl der corona vnd der Scima gegebē werden: das fastigium soll gemacht werden, wie in der dorica durch den Vitruuium anzeygt ist. die zwen fligel auff den seytten, welche seind für ain gezierdt der faccia, auch zů ayner vnderhaltung, sollen ain vierten tayl ains cirkels vnd deren Centrum der punct .A. vnd .B. seyn, von welchen dingen man auff ain yeden bogen so die Capellen schaydt man aynen setzen mag, welches dem mitlen tayl ain grossen vnderhalt geben wiert. Vnd auch so mag das wasser vom obersten tach herab bis auff das vnderst dar durch herab kommen.






VON DER CORINTHIA.

Die taylung dis nachuolgenden wercks, soll sein, das der pfeyle von dem dritten tayl des bogens brayt sey, vnd sein dickne halb so vil: die dickne der columnen soll seyn halb so vil als des pilasters braytte, vnd ir höche werde von aylsthalben taylen gemacht mit dem basement vnd capitel. Der bogen, Pilaster, vnd die imposta, so den bogen tregt, sollen von halber columnen dickne hoch seyn: welcher imposta massen, man vom capitel Dorico nemen mag, veranoderende die gelidmassen. Dis wiert dienen für ain cornice an der portē, auch für ain vnderhalt der fenster auf den botteghen oder läden. Die höche des bogens (vmb das man zū zeyttē von nörwegen nit höher kan, daß also nider, wie hie angezaigt) soll seyn drey tayl in die weyte vnd .v. tayl in die höche, vnd also soll die thür die selbe proportion haben: das Antipagmentum der thür soll den .vi. tayl von der weyte des liechts brayt seyn. So aber der werckmayster die höche der bögen von zwifacher weyte wölte machen, so muß die porten auch nach diser proportion gemacht werden: aber vnder die basement der columnen wiert von nōtten sein ain vier kanten zocco zū setzen, mit welchen dingen sich die antiquen also beholfen haben: Die höche des Architraue, Phrise, vnd Cornice, soll von .ii. columnen dickne sein, getaylt wie in der ersten regel gesagt ist, oder auf den weg, wie ertlich antiquen hieuornen angezaigt. Vnd vmb das das spatium von dem vndern bogen, bis an den sollar des andern gadens, zū höch wurde seyn vmb creutz gewelb zū machen, so mayn ich in sollichem fal, recht hinder yeder colōna ain bogen zū schliessen, vnd ain yedes der selben spatien, Copula das ist kesselfweys zū gewelben wie man hieunden in der figur des platten oder grundts sehen mag: Die höche des andern gadens, soll vmb ain viertentayl minder sein daß das erst, getaylt auf den weg, das das Podium .ii. dickne von den vndersten seulen hoch sey, vnd von dannen hinauffwartz, werde gemacht .v. tayl: ain tayl daruon werde gegeben dem Architraue, Phrise, vnd Cornice, vnd die vier tayl sollen seyn für die columnen, vnd die pilastern so die bogen tragen: desgleichen der bogen sollen von halber columnen dickne brayt sein, von den vberigen gelidmassen werde die general regel gehalten: vnd so mā dise faccia auff aynichē blatz oder marckt machē wurde, wie daß die botteghen oder läden des anzaigung gebē, wiert es vast gemachlichē. Vnd ain Podium auf der oberstē cornicen were vast zierlichen. Aber in disem fal sich vor dem regen, vnd vor dem schnee, vnd eys sich zū versichern: wurde zū sampt allem anderm möglichē vleys von nōtten sein, ain pflaster ten boden zū machen vber die massen wol zū samen gefuegt vnd geschlossen, vnd das es sein geheng hat, damit das wasser nit darauf bleyb stan, aber sicherer were es mit bley gedeckt. wie wol all gut werckmayster, verwerffen vnd flichen ain columnen oder pilaster auff ain lār ding zū setzen, welches ich auch nit lobe: so hab ich doch nicht deß minder die weyl ich der gleichen zū Rom am Portico de Pompeo, doch von opera Dorica gesehen, mich stolz gemacht, das hie anzūzaigen, ob sich des yemand gebrauchen wölte.






VON DER CORINTHIA.

VMb das die Venediger in iren gebewen grossen lust haben zu der Corinthia, auch in vil fenstern vnd podien, so hab ich hie aynen geformiert so vberflüssig von fenstern vnd podien. vnd hab logien vber logien wöllen machen, welche mer gemachsamhayt machen daß die podien, vnd dem gebew auch mer ansehens, vmb das alle ding darauf das gesicht inwendig kommen mag, allzeyt lieblicher sendt.


Die taylung von hie nachuolgender facciata soll seyn, das ir braytte getaylt sey in. xxx. tayl, waruon ain tayl der colonnē dickne sein soll: das intercolumnium in der mittlen, soll von vier colonnen weyt sein. Aber all die andern nun von dreyē, vnd also sollen die. xxx. tayl aufgetaylt werden: die höche der colonnen sollen von aylft halben taylen sein mit Basementen vnd Capitellen: Der Architraue Phrise vnd Cornice, sollen den funften tayl der colonnen hoch sein: sey ne glidmassen aufgetaylt wie hie vornē gesagt ist. Die fenstern sollen im liecht anderhalbe colonnen dickne weyt sein, alle schnur gerad von oben bis hinab. Aber die höche der vnderstē fenstern, sollen von drey viertaylen in die weytten, vnd von viertaylen in die höche seyn. Vnd die darauff so in die mitlen gemacht dienen sollen von proportion diagonea gemacht werdē, Die offenhayt der thür soll von zwayer colonnen dickne seyn, vnd von zwayer vierkanten hoch. Das Antipagmentum, Phrise, vnd Cornice, werde gemacht wie von den andern gesagt ist, vnd also wiert die cornice von diser porten, der cornicē von den vndern fenstern gleych sten. Dicke der ordnung oder gaden soll vmb ain viertentayl minder sein daß die erst. Aber das Podium gemacht seynde in der höche aynes fensters weytne im liecht, soll die vberig höche getaylt werden in funff tayl, ain tayl daruon soll man geben dem Architraue, Phrise, vnd Cornice, vnd die vier andere tayl sollen sein für die colonnen mit dem basement vnd capitel. Die höche der fenster seyen von zwayer vierkanten. Von dem rest der ornamenten werde gethan, wie hievor von der geleychen gesagt ist. Vnd die thür von der logia soll gemacht werden wie die vnder: desgeleychen die fenster. Das dritt gaden werde vmb ain vierrentayl minder gemacht dann das ander von gelidern zu glidern, nach yedes gelids erhaysch gemindert, aufgenommen die höche der fenstern, welche man von zwayer vierkanten machen soll, ehe mer daß minder, dann sy vmb irer höche willen von selbs seer vermindern die erhebung in der mittlen, werde an der höche vmb den viertentayl gegen dem dritten gaden gemindert, wie von den andern gesagt ist: Der Architraue, Phrise, vnd Cornice, sollen von diser höche der vier tetayl seyn: das fastigium soll man machen wie gesagt ist von dem am tempel dorico, vnd so yemands an aynichen andern gelidmassen gebrech hatt, der lauffe alwegen zu der ersten regel: Disß gebew wiert nicht allain für ain haus nach dem Venedischen gebrauch, sonder wurde auch seer dienlichen sein auff das land, vnd von grossen ansehen, Vnd wann mans auf dem land wurde machen, wie vil das mer vom ertrich erhebt, wiert es so vil tapfferer scheynen, vnd die gemäch vnder der erden werden so vil gesunder seyn. Hievnden will ich die grundlegung diser nachuolgenden facciata nit anzaygen, dann de prospectiua der logien weysen es alles selbs klarlichen.






VON DER CORINTHIA.


Wie ich hieuor gesagt hab, so mag sich wol ettwan zůtragen das ain bawmayster colonnē genůg bekompt, aber also subtil oder dünne, das so er ain gewaltigen baw will fůhren, fůr aynen der sich will lassen kosten vnd sollich gebew zieren, das die selben colonnē darzů mit dienlichē werden sein, vva der verstand vnd kůnst des werckmaysters nit also ist das er sich mit sollichē dingen behelfen kan. Die cōpositz diser faccia soll sein, das das spatiũ ains yeden bogen von zwıfacher hůche seyner weytte sey: der pfeyle so die bógē tregt soll vornē im ansehen den halbē tayl von diser weytte brayt sein, aber getaylt in .iiii. vnd ain halben tayl, dauon ain tayl fůr die dickne ayner colonna sein soll: das spatiũ zwischen den colonnē desgleychē bayd pilastern so die bōgen vnderhalten yedes ain halbe colonnen dickne brayt. Die hůche des pedestals funder den plintho vnden, soll in der braytte sein wie der pilaster, seyne glidmassen aufgetaylt wie vō dem pedestal corinthio gesagt ist. Die hůche der colonnē mit den basementē vnd capitellē, sey von .xi. taylen. Solliche hůche wiert darů nit valsch seyn vmb das derē zwıo so nach bey aynander sten, vnd schier in ain zůsamen gefuegt, auch mer fůr ain gezierdt weder von vil tragens wegen gemacht. Die hůche des Architraue, Phrise, vnd Cornice, soll vō dem .iiii. tayl der hůche der colonnē sein: welcher glidmassen alle bley schnur dē colonnē gleich abgetaylt vnd erhebě sollē sein, aufgenomē die corona vnd die Scima, welche recht durch geen sollē funder absatz. Also habens die recht gůtten Antiquē gebraucht: desgleychē auch Bramante ain liecht der gůten architectur diser zeyt, hat ain sollich ding gemacht am bel videre in Rom. Die weytte der porten, soll von .iiii. colonnē dickne, vnd .ii. mal so hoch sein: das Antipagmēt, Superciliũ, vnd Phrise sollen also gemacht seyn, das die Cornice so den bogen vnderhelt vber die thůr, vnd auch vber die nebē fenster diene: welcher weytte dreyer colonnē dickne sein soll, vnd ir hůche .v. dickne. das ander gaden werde vmb ain .iiii. tayl von dem ersten gemindert. Aber die gantz hůche in .vi. tayl getaylt, ains fůr das podiũ, .iiii. fůr das spatiũ der fenster, vnd die ander soll sein fůr den Architraue, Phrise, vnd Cornice, aufgetaylt auf die maß wie mā in der ordnung Cōposita sehen mag. Die weytte der fenstern seyen dē vndern schnur gerad gleich, vnd ir hůche .ii. mal so vil als die weytte. In den vberigen ornamenten also der fenstern, wie der Nicchi, soll gelebt werden wie in der porta Ionica anzeygt ist, disen hie gegenstanden gleich: welche so sy mit mer lieblichayt vnd ornamentē gewerckt, so werden sy corinthia sein. Die braytte des Nicchio mit seynen pilastern, sollen den colonnen am obersten tayl schnur gerad kōmen, aber in syben tayl getaylt, daruon .v. tayl fůr den Nicchio, vnd die zway vberigen tayl fůr seyne pilastre sein soll: seyn hůche soll sein von dreyer weyitten, vmb das es in ayner grossen hůche stat, vnd vmb der verne willen sich verkurtzt. die Pilastrelli auff der cornicen, send gemacht fůr ain zier, vnd auch fůr ain gebrauch. dann so man camini will machen, mag man die rauchlůcher dar durch hinaus fůhren.






VON DER CORINTHIA.


Die ding so man nach gemaynē gebrauch macht, ob die schon mit all iren proportionē vnd massen gemacht, werden si wol geprüfen, aber nummerner verwundert. Aber die ding so nicht im brauch send, so die selbigē mit rechtem verstand gemacht werden, vnd wol proportioniert, so werden sy nicht allain von dem merern tayl gelobt, sonder auch verwundert. Deshalben diser gegenwertiger baw, so aynen Tempel representiert soll erstlichen vom grund auf von vastem beurischen werck gemacht werden, wie in der figur angezaigt wiert, von der höche, wie es der platz vnd gelegenthayt erfordert, es soll aber nicht minder als zweyer mañ höche gemacht werden, auff welchem boden, man hinauff soll geen von der stoffel .A. inwendig im eyngang stande, vnd hinauff steygende bis an die stoffel .B. Aldaw soll wider ain platte, oder ebne seyn, da der tempel ain weytten spacer gang ründ vmb haben soll, mit seynen podien: welcher tempel soll von dem selben platten tuch oder esterich vber die höche des podiums drey stafflen erhebt werden. Vnd vmb darauff zu kommen, soll man anfachē an der stoffel .C. hinauff steygende bis auff das fletz .D. welches die höche des Podiums sein wiert, mit aynem andern Podio, welches höher wiert dan das darunder, vnd von disem fletz bis auff den solier oder boden des tempels, werden drey dritt seyn, die braytte von diser faccia soll getaylt werden in .xxiii. welcher taylains die dickne aynere colonnē seyn soll. Dem mitlen intercolumnio soll mā geben vier tayl, vnd denen auf den seyten da die venster eynkommen, yedem drey tayl, vnd denen darein die Nicchi kommen, soll mā geben anderhalben tayl yedem, vnd dergestalt werden die .xxiii. tayl aufgetaylt sein, die selben pedestalli, so am podium auffwendig stend, soll man auch vnder die colonnen von der faccia machen: welcher höche sonder den plintho vnder dē basement sollen sein von .iii. taylen. Die höche der colonnē mit basement vnd capitel soll sein von .x. vnd aynem halbē taylen. Der Architraue, Phrise, vnd Cornice den viertentayl von der colonna hoch, wie in der ersten ordnūg gesagt ist, vnd alle glidmassen werden auff den selben weg aufgetaylt. Die weytte der porten seye von dreyen taylen, vnd ir höhe von syben vnd ain halben tayl, das ist von drit halbē vierkāt. Vnd das, vmb das sy so hoch stet scheynt sy von selbs so vil niderer im gesicht, welches von vnden hinauff ist. Die weytte der fenster sollen von anderhalben taylen gemacht werden, Aber ir höche mer dan von zweyen vierkantē vmb des verliereus willen wie obgemelt, Die braytte der Nicchi sollen von aynem tayl seyn, vnd ir höche drey mal so vil vmb obgemelter vrsach willen, die ordnung darauff das Fastigium stet, soll von halber höche des pedestals vnden so von dem bewrischē werck gemacht ist seyn, vnd die Cornice den viertentayl von gemelter seyner höche, vnd das tayl bis vnder die Copula, soll von geleycher höche seyn, die Copula soll so vill mer als ain halber Circkel seyn, Als vil die aufladung der Cornice benimpt. An den vier egken des tempels vmb merer gezierd willen, mag man vier obliiscen setzen, welcher höche sonder die Scima, soll bis an den vrsprung des fastigiums kommen, vnd seyn Scima dē spitz des Fastigij geleych, welches Fastigium soll gemacht werden nach der regel so vom tempel dorico gesagt ist, die vndern tayl vnder dem tempel send für haymlich ort vmb darin zu betten oder beychten, deren ich vil an mer orten in Italia gesehen hab, vnder den grossen Altären.






VON DER CORINTHIA.


Wie wol man zu vnsern zeytten nicht mer Archi Triumphali von marber, oder auch andern staynen macht, ye doch wann etwan ain grosser herr sein eynreytten thut in ain stat, oder vmb dardurch zu reyten, oder die posses der selben eynzunehmen, so macht man im an den lustigsten orten der selben stat, ettlich Archi Triumphali mit manicherlay manieren von gemäl gezierdt. Deshalben so man aynen Arco von opera Corinthia wolte machen ains tapffern ansehens, soll seyn proportion vnd form seyn, das seyn offenhayt von zweyen vierkanten vnd ain sechsten tayl mer sey. Die dickne der colonnen sollen von der weyte der offenhayt ain funfter tayl sein. Die höhe des piedestals seye von dreyer colonnen dickne, vnd die höhe der colonnē von .x. vnd ain halben taylen: Der Architraue Phrise, vnd Cornice, sollen seyn vom vierten tayl der colonnen höhe, vnd also von vnder dem bogen bis vnder den Architraue hinauff soll ain mensola, das ist, ain vmb gerolter zedel gemacht werdē von zweyer colonnē dickne hoch, welches neben linien wie sy sich vnden schmäleren sollen auf den Centrum des bogens gezogen werden. Von den particular glidmassen, als von Piedestalo, Basement, Capitel, Architraue, Phrise, vnd Cornice, soll die regel im anfang diser ordnung gegeben gehalten werden: Der pilaster des bogens desgleychē der bogen seye von halber colonna dickne: das spaciū zwischē den colonnen sollen anderhalben colonnen dickne brayt sein. Vnd der Nicchio darin, ayner colonnē brayt, vnd sein höhe von dreyen braytten, also wiert er geschickt vmb ain stande figur dareyn zu setzen. Die höhe der andern ordnung darauff soll seyn, das, so die colonna sunder den Piedestal in drēy tayl getaylt ist, bis oben auff das höchst von der cornice gemelter dritt tayl, ayner soll seyn höhe sein, vnd ain viertē tayl von der selbē höhe hinzū gethan das soll die cornice darob sein, welcher austaylung man nemen mag vom capitel dorico veränderende die glidmassen, Die höhe der basement sollen von der cornice hinauff erhaben seyn so hoch als ain colonnen vnden dick ist, vmb das die aufladung der coronen den rest der basement nidervarts verdeckt, die cornicen sollen aufspringen wie in der figur angezeygt wiert, Die höhe des fastigio soll man machen, durch ayne von den reglen in der dorica angezeygt. Vnd diser gegenwertiger Arco ist ains tayls dem zu Ancona geleych, aber mit grosser reuerentz ayner sollichen werckmaysters, hab ich all die massen in ain general regel gezogē, auf das ain yetlicher solliche massen leylich begreyffen mög.





VON DER CORINTHIA.

Von der manier Corinthia habich so vil mich not gedunckt tractiert, wie wol man von
 noch vil mer ornamenten tractiern möchte, Aber von den ornamenten der caminen is seer
 notwendig fur den taglichen brauch, sunder welcher man nicht empören kan, daß man in ay-
 nem yeden klaynen gemach feur pflegt zů machē, in welchen engen gemächen man dise camin
 gar in der maur stande gebraucht, vnd werdē genant camini francesci, an welche man vilerlay
 gezierden von Corintischem werck machen möchte, So mans aber nach disem form will ma-
 chen, so soll man seyn offenhayt machen ayner sollichen grosse wie die dem gemach oder ort
 nach darin er sten soll bequümlichē wiert sein. Die pilastern soll man den sechten tayl von der
 weyrtne der offenhayt machen, auch ain achtentayl so man will, vnd wiert das gantz werck
 nun dester lieblicher. Diser pilaster soll getaylt werden wie vom Architraue Corinthio gesagt
 ist. Der Phrise darauß, vmb das darein geschnitten ist, soll ain viertentayl braytter sein daß der
 pilaster. Die gantz cornice so vber die vmbgerolten zedel hinauf steygt, soll in der höche seyn
 von der braytte des pilasters, getaylt in drey tayl, wie von der cornice corinthia gesagt ist,
 wie wol vmb des gesichts willen von vnden hinauf wiert sy von merer höche schey-
 nen: die braytte der vmbschlagendē zedel, sollē am obern tayl brayt sein wie der
 pilaster, Aber vndē welchel dem liecht oder offenhayt vndē gleych kumpt
 soll vmb ain viertentayl schmäler seyn, an welchen zedlen hangen
 zway bletter, wie in der figur angezaygt. Ir außladung stet zům
 gütduncken des werckmaysters. Das ornament auf der cor-
 nice, ob man das macht oder nit, ligt nicht vil an. Dise
 inuention diendt nicht allain vmb ain camin zů
 zieren, sunder man mag es auch brauchen
 für ain ornament ayner porten, vnd
 andern dingen mer, warauß
 das frontispitiū darob
 auch wol sten wur-
 de, so mans für
 ain porten
 brauchen
 wolte




VON DER COMPOSITA.

Aber vmb das sich in ayner Sal, oder in ayner grossen kamer erfordert, ain camin proportio niert, nach der größe des gemachs, welche bedörffen ayner grossen offenhayt, desshalbē so man die modiglioni will machen genügsam zū ayner sollichen aufladung, werden sy bayde tayl auf den seytten beschlagen, in sollichem sal, gedunckt mich ain platte colonna nit hoch erheben zū machen, vnd für die selben ain runde colonna verschaydē von der selben, also das zwischen bayden colonnen ain spaciū beleybe, auff disen weg wiert es gebruchlich vnd zierlich, Vnd vmb das, vwie ich im anfang dis capittels gesagt hab, das dise corintisch manier iren vrsprüg gehabt hat von ayner Corinthianischen iunckfrawen, so hab ich dem wöllen nachuolgen für ain colonna hie her setzende. So nun die höche vnd weytte des camins gestelt ist, nach eraysch des orts da er sten soll, so soll seyn höche in .ix. tayl gemessen werden, daruon ain tayl für das haupt der iunckfrawen seyn soll, vnd also die gantz figur geformiert seynde, vnd vmbwickelt wie die figur anzaygt. Die platte colonna soll von gleycher proportion seyn, haltende in allem die reglen im anfang gegeben. Auf die colonnen werde gesetzt der Architraue, Phrise, vnd Cornice, welcher höche in als ain vierter tayl von der colonnen höchne seyn soll, getaylt auf den weg wie im anfang gesagt ist. Von der Cornice hinauffwartz, nach der höche des gemachs mag mans zieren auf die weys hieneben in der figur angezaygt. Vnd wer zweyfelt das dise inuention nit auch aproposito solle sein ain porten zū zieren? dergeleychen colonnen an die maur setzende, vnd sunderlich für ain porten ains garten, oder für ain ort von Triumphen, vnd zū andern mer ornamenten wiert sich ain verstandiger werckmayster der wiffen zū gebrauchen.



Hie endet sich das werck Corinthium,
vnd facht an das Compositum.




VON DER COMPOSITA.
VON DER COMPOSITA
 MIT IREN ORNAMENTEN. CAP. IX.




W Das Vitruuius allain vierlay manier von colonnē zů sein leret, nemblichē Dorica, Ionica, Corinthia, vnd Thoscana, darmit bey nach anzaygēde die erstē vnd simplesten element der Architectur, so hab ich doch nichts dest weniger disen vorgemeltē vier spetien wöllen zů thon, ain andere (schier) funfte manier vermischet mit den vorgeschribnen simplen, bewegt von der auctoritet der alten Romischen werck, so man noch heutig tags vor augen sicht, vnd in der warhayt die fursichtigkayt des werckmaysters behört also zů sein, das er nach dem es die notorft erfordert, zům offtern mal von den vorgemelten simplen manieren, ain vermischung machen soll. Ansehende die natur des subiects, vnd auch in disern fal, wiender werckmayster, welches iudicio vilerlay subiecten zů steen, zů zeytten von den rätshlegen Vitruuii (der es auch nit alles hat kunden vmbgreffen) verlassen ist, vnd desshalben gezwungen, die hand nach seynem selbs aygnen gütduncken anzulegen, vnd vmb das Vitruuius, meyns wissens am kaynem ort meldung thut von disem werck Composito, von ettlichē Latina, vnd von andern Italica genant, welches die alten Römer, villeycht nicht können kundende, vber die erfindung der krieche auctores der colonna dorica zů nachuolung des mans, vnd der Ionica zům exempel der frawē, noch der Corinthia geformiert von der iunckfrawen, haben sy von der Ionica vnd Corinthia ain compositz gemacht, setzende die voluta Ionica, mit dem Vuouolo, an das capitel Corinthio, vnd dis haben sy sich mer gebraucht an den Archi Triumphali, daß an aynichē andern dingen: haben aber sollichs mit gutem rat gethan, dann vvan sy von allen denen landen, von welchen dise opera iren vrsprung haben wöllen triumphierē, so möchten sy nach irem wolgefallē, wie herren der selben die zů samē setzē. wie sy, daß gethon habē an dem grossen baw des Coliseo zů Rom, an welchem gesetzt seynde die.iii. ordnungē ains aufs ander, zů wissen, Dorico, Ionico vnd Corinthio, habē sy auf das alles die vierdt ordnūg von Cōposito werck gesetzt, wie das von yedermā gehalten ist, wie wol so vil als mā noch sicht, so seindt die capitel Corinthii. Aber was schöner iudiciū, nach meynē gedunckē ist das gewesen, das nach dem dise ordnung am oberstē des Coliseo gesetzt, welches ser weyt ist, aus dem gesicht der anschauendē, wurde erfolgt sein wo man den Architraue, Phrise, vnd Cornice Ionico, oder Corinthio, auff die colonna gesetzt, so hätte dis werck ser armlich geschinē, vmb der grossen verne oder höche willen. Aber weyl die modiglioni in dē Phrise gestellt seindt, hat es das werck ser ansechlich vnd reych gemacht, hat auch der ausladung der coronen ser geholffen, vnd noch disen andern effect gemacht, das der Architraue, Phrise, vnd Cornice, allain ain aynige cornice zů sein scheynt, allain vmb der modiglioni willen, so man in den Phrise gesetzt hat, also das es ain grofs mechtigkayt representiert haltende noch danneft seyn proportion.

D Ie höche diser colonna Composita, soll sein mit Basement vnd Capitel. x. tayl, das Basement von halber colonnen dickne hoch, vnd soll Corinthia gemacht werdē, mi. den massen in der Corinthia gegeben: sollichs sicht mā noch am Arco von Tito Vespasiano in Rom. Die colonna mag man gekeelt machē wie die Ionica, vnd zu zeytten wie die Corinthia, nach wolgefallen des werckmaysters, Das capitel mag man machē mit den reglen in der Corinthia gegeben, die voluten et was grosser machende daß die Cauliculi Corinthii, welches capitel mā an obstemdem Arco sichtet, vnd ist hie neben verzaychnet. Der Architraue, Phrise, vnd Cornice, so das veer aus dem gesicht stet, so soll der architraue so hoch sein als die colōna dick am obersten ort: der phrise darin die modiglioni sendt, soll vō gleycher höche sein: das cimatiū der modiglioni werde gemacht vom. vi. tayl der selbē, vnd die ausladūg der modiglioni soll so vil sein als ir höche. Die höche der coronē mit irem cimatio sey so hoch als der architraue, getaylt in. ij. tayl, ain tayl sey für die corona, das ander für das cimatiū, welches ausladūg soll sein so vil als sein höche, vnd das ist durch ain gemayne regel, wie wol in der nachuolgendē figur mit. C. gezaychnet, sicht man die massen vnd gelider, der, so an vorgemeltē Coliseo ist. Vnd vmb das dise colōna subtiler ist daß all die andern, so gebürt sich auch iren piedestal zarter vnd lieblicher zu machē daß die andern, nachuolgende die gemayne regel, welcher höche von zwifacher proportiō seyner braytte sein soll, zu wissen das plat oder nett, vom selben sollen. viij. tayl gemacht werdē, daruon ain tayl für das basement, vnd ain tayl für die Scima hin zu gethā sollen werdē. Aber vō den particular glidmassen, mag mā das exempel hie neben nemē, welche proportioniert vnd genomen send von den Piedestali des obgemelten Arco. Vnd wie die colonna von .x. taylen, also wiert auch der Piedestal in imselbs von .x. taylen proportioniert nach der colonnen, vnd wie wol man alle Piedestali wagrecht zu wissen schnur gerad macht, so send doch nuchr dest minder zu Athen ain vast alte stat ettlich Piedestali oben ettwas gemindert, welches ich nit schilt.




VON DER COMPOSITA.


Vmb das die alten römer manicherlay vermischungen gemacht haben, will ich ettliche der fürnämesten vnd best verstandnen daraus nemen, damit der werckmayster mit seynem guten vrtayl daraus möge kisen vnd erwölen, so ime nach gelegenhayt vnd den zufällen am dienlichesten sendt. Das capitel hieunden mit. T. gezeichnet, is zu samen gesetzt, von der Dorica, Ionica, vnd Corinthia specie. Das Abaco mit dem Cimatio ist Dorica, das Vuouolo vnd die hoolkeelen darunder send Ionica, die Astragali vnd die bletter send Corinthia, desgeleychen seyn Basement vmb der zwayer Tori willen, ist es Dorica, aber vmb der zwayer Scocie, vnd des Astragalo willen, auch das es so zierlichen durch werckt zaygen ain Corinthische manier an, welche ding send in tresteuere zu Rom. Das capitel mit. X. gezeichnet, desgeleychen sein basement, send von zweyen spetie, Dorica vnd Corinthia. Das Abacum des capitels vnd auch das Basement ist Dorica. Aber das Basement vmb der zierlichayt des wercks willen mag mans Corinthia nennē, desgeleychen die bletter des capitels send Corinthia. Vnd vmb das das Abacum vierkant ist, aber all die andern gelider auff die vier ort rundt, soll man vnder die spitz des Abaco, die rosen schneyden wie hieundē angezaigt. Das capitel mit A. gezeichnet, vmb des monster pferdts willen an stat des Caulicoli, mag mans Composita nennen, vnd ist an der Basilica del foro transitorio. Die hoolkeelen der colonna send vnderschiedlich von den andern, wie man bey dem. A. sicht. Das basement mit. X. gezeichnet ist Cōposita, vnd ist in Rom. Das capitel mit. B. gezeichnet, ist gantz Corinthia, vnd ist an den dreyn columnen, neben dem Coliseo ain vast schön werck. Das capitel mit. C. gezeichnet, ist Cōposita von Ionico vnd Corinthio, an aynem Arco Triumphale zu Bern. Das capitel mit. D. gezeichnet ist am selben Arco von basso relieuo das ist von niderer erhöhung an ettlichen platten columnen. Das Basement mit. Y. gezeichnet, ist Composita, von wegen des Astragalo so auff dem obern Toro ist, vnd ist Antiq in Rom.




T




X



X






VON DER COMPOSITA.


VOn diesem werck Composito sicht man nicht vil gebew, aufgenommen die ArchiTriumphali, vnd auch der merer tayl der selben send gemacht aufs dem rab anderer gebew: nichts dest weniger die weyllich hievon ain general regel gegeben hab, so will ich kain andere erfindung von gebewen von diser specie machen, verkerende in opera Composita. Aber vmb das ich von yeder ordnung zwayerlay sorten von caminen anzaygen will, aynen gar in der maur, vnd den andern außerhalb der maurē: so soll diser gegenwertiger camin welcher gar in der maur soll seyn, so man den in ain eng ort macht, soll seyn höche seyn bis an die achßlen deßmans, vmb das das angesicht vnd die augen vom feür nit beletzt werdē: vnd sein weytte soll sein nach erhayßch deß platz. Die höche vnder dem Architraue werde getaylt in vier tayl, ain tayl daruon soll die brayte deß pilasters seyn, gewerckt vnd geschnitten wie man verzaychnet sicht. Vnd vmb das disß werck Composita mer erlaubt nushat, aufs den ordelichen reglen zûscreyten, so hab ich dise pilastern seer vnder schidlich gemacht von den andern: mer durch ain fantasi dann durch rason, zû wolgefallen deß so sichs gebrauchen will, nemende noch danneß ains tayls diser inuention von aynem antiquischen stül, so zû Rom in Sant Iohan Laterano steet. Der Architraue soll von halber braytte deß pilasters sein, vnd sein Cimatium den sechsten tayl daruon, das vber rig soll man in sibenen taylen, drey tayl daruon gebe man der ersten fascia, vnd vier tayl sollen für die ander fascia sein. Das astragalum soll von aynem halben tayl sein geleych nemende von bayden fascien. Der phrise vmb das er geschnitten wiert, soll vmb ain vierten tayl größer sein dann der architraue. Die cornice sey in der höche des architrauen, getaylt in sibenen: zway tayl für das cimatium vnder die corona, zway tayl für die corona, vnd ain tayl für das cimatium darauf, vnd die zway vberbleybende tayl für die Scima: die außsladung von allem soll sein so vil als sein höche. wañ man aber den pilaster von dem sechsten tayl seyner höche machet, vnd die andere gelidmassen auch nach aduenant minder, so wiert das werck lieblicher khomen, sunder wan das werck von klayner sam ist. Die ornamenten auff der cornice, mag man machen oder vnderlassen, nach wolgefallen deß bawherrn.






VON DER COMPOSITA.

VOn diesem Composito werck mag man noch andere ornament von
 caminen machen, vnd in manicherlay formen, die weyl diese licen-
 ciofer ist daß andere manieren von bawen, Desshalben vnd zu ayner
 veränderung von den andern formen, mag man diesen gegenwer-
 tigen camin machen mit dieser regel: das, gemacht seinde die
 höche des Architraue, von gerechter mans lenge, soll
 man die selb höche in .viii. tayl taylen, vnd ain tayl
 daruon soll die braytte des Modiglions seyn.
 Die höche des piedestals sey ains gemach-
 samen sytzens. Die ordnung auf den mo-
 diglioni, so kain regel halt, soll von
 dritthalber braytte des Modi-
 glions hoch seyn. Vnd vmb
 das dis ding wie ich ge-
 sagt hab außserhalb
 der regel ist, so
 send die blet-
 ter vnd
 andre
 glidmassen
 in dem willen
 des werckmaysters.
 Man möchte auch wol
 auff diese Modi-
 glioni stellen
 das Do-
 rico,
 vnd Ionico,
 vnd so man will
 das Corinthio auch, mit
 denen reglen in seynen anfän-
 gen gegebē: vnd vmb das der rauch
 hals deßer weytter sey, so mag man ime
 die klain ordnung darauff machen, welches
 ime auch ain hupschern form kumpt geben, we-
 der die gemayn ordnung so piramidals weys geet.






VON VIERTERLEY SIMMETRIE.

AIn groſs iudiciū oder verſtād behört ain werckmayſter zū habē, vō wege der vnderſchidlic hayt vnd ornamentē der gebewē, vmb das ettlich ort in der architectur ſind, welchē ſchier ſicher reglen gegebē mögē werdē, vmb das kain accidentē oder zūfäll koñnen mögē diſer vnſer maynūg entgegē. wol ſicht mā täglichē ettlich colonnē, die vmb irer frembder ſetzungē willē, in inen ſelber ſeltzame maſſen anzaygē, nach dē orten da ſy ſtand. Diſe verenderungē beſchehen an den gebewē, auß aynē vonden. iiii. vrfachē, nēblichē ſetzēde die colonnē, ſchier frey, ſunder aynichē geſellē zū hulf vornē oder hindē: diſe tragē gewiſlichē groſſen laſt, vnd ſollē die hōche von dē gegebne reglē nit vbertretē. das exempel vō diſer iſt hie gegē in der erſtē colōna mit. A. ge zaychnet angezaygt. Aber an die maur ſetzēde (noch dāneſt gantz rundt) vō welchē anlaynē ſy ettwas hulf mögē habē, mag mā die ayner colonnē dickne vber die vorgēſchribne maſs erhōchē, wie in der andern colonna mit. B. gezaychnet angezaygt. Oder aber die allain. ii. drittayl aus der maurē erhebē ſeynde, ſo möchte mā die ain colonnē dickne oder was mer hōcher machē dā die andern, wie mā in ettlichē gebewē ſicht dergleichē colonnē bey. ix. vnd ain halbe dickne hoch, vnd ſüderlich am colifeo zū Rō, in der doricā ordnūg, wie hie gegē in der. iii. colōnē. C. āgezaygt, Vnd ſo vil mer iſt inen geholffen wañ ſy auf dē ſeyttē die pſeyler habē, welche all das gewicht tragēde, geben dē werckmayſter gelegēhayt die colonnē raynlicher zū machē: ya ſo raynlich, das mā ſy che für ain gezierdt dā für ain auffenthalt an das ort geſetzt zū ſein vrtaylen mag. Man mag auch ain colonnē. ii. drittayl aus der maurē vnd ain halbē platte pſeyler auf yedes ort ſetzē: welche nebē pſeyler der mitlē colonnē ain ſolliche hulf geben werdē, das mā ir hōche vmb ain colonnē dickne hōcher dā die andern erhebē mag: vnd in diſe fal mag der architra. phriſe, vnd die cornice, auf der rundē oder auf der plattē colonnē welches mā will heraus ſpringē, vmb das die halben pſeyler den architraue, phriſe, vnd cornice, auf den ſeyttē vnderhaltē, aber auff ayner colōna allain iſt es ſchandlich ſollich werck heraus zū laden, dā die andern tayl auf dē ſeyttē, wurdē verlaſſen ſten ſunder von aynichē ding vnderhaltē zū ſeyn, das exempel hieruō wiert in der. iiii. colonnē mit. D. gezaychnet angezaygt. Wañ aber die colonnē aynichē laſt müeſſen tragē, ſunder andrer hülff, vnd habē die ſpatia zwifſchē dē colonnē gebürlicher weys, ſo iſt nit billich aus der regel zū geen: ſunder ſoll man ordnung auf ordnung zerſen, ſo iſt von nōtten die colonnen ſtärcker zū machē, damit das gebew deſter werhaſtiger ſey. Vnd wie der piedestalo ain groſſe hülff iſt die colonnen zū erhōchē, ſo will ich doch mer loben wañ mā die colonnē ayner ſolliche hōche mag habē als zum gebew von nōtten iſt, das ſy frey vnd one piedestali ſeyen, vnd ſunderlichē die von der erſten ordnūg zū wiſſen die vndern. Aber die vō dem andern vnd drittē gaden, von wegen der podii, vnd auch vmb die colonnē in ain merere hōche zū erheben, kñmen ſy beſſer mit den piedestali, vnd das ſicht mā die alten Römer gebraucht habē in den Theatri vnd Amphitheatri. Aber vō der ſetzūg der colonnē auff colōnē, ſend menicherlay reglen. Die erſt iſt, das die außladūg deſs piedestals von der obern colonnē nicht weytter heraus gee, dā die dicke der vndern ſeul, vnd das die außladūg deſs baſemēts vō der colonnē dē plattē oder ebnen deſs piedestals gleich kōme, dā diſs iſt in warhayt ain ſichere vnd vaſt gegründte regel: aber vmb das die ander ordnung hiedurch ſeer verklaynt wurd gegen der erſten, ſo wurde ſich nit geburen ain andere ordnūg darauff zu ſetzē, vmb der groſſen verklaynerūg willen ſo daraus eruolt, Aber ain andere vnd dienlichere regel iſt diſe, das die braytte deſs piedestals zum wenigſten der vndern colonnen am vndern ort geleych ſeye, vnd die ſeul auff gemeltem piedestal ſoll ain viertentayl minder dā die darunder ſeyn, alſo in der dickne wie auch an der hōche: vnd die außladung deſs baſements, ſoll ſein wie die braytte deſs piedestals, vnd diſe regel vngleycht ſich mit der von Vitruuio am Theatro, wie bey der colonna. A. angezaygt, Vnd ſo man die colonnē minder geklaynt will haben, ſo mag man die ober ſeulan irem vndern tayl, von der dickne machen wie die vnder colonna an irem obern tayl: aber auff den weg wurde das plat des piedestals weytter heraus kommē dā die vnder colonna. Nichts deſt minder ſend die am Theatro di Marcello alſo gemacht, das exempel diſs ſicht man an der colonnen. B. Diſe drey reglen ſend genūg probierlichen, aber die alten Römer an dem groſſen baw deſs Colifeo, haben die colonna Ionica, die Corinthia, vnd die Compoſita, all drey von ayner grōſſe gemacht: vnd die Dorica darunder, haben ſy allain bey aynem zwaynziften tayl grōſſer gemacht: vnd diſs haben ſy nach meynem verſtandt mit vaſt güttem rat gethan, dā wo all die colonnē ain auff der andern vmb ain vierten tayl ſolten gemindert ſein worden, ſo weren die oberſten, vmb der groſſe verne willen, den anſehendē vil zu klain werden, an aynē ſo hohen gebew, an welchem ſy alſo ſer wol reſpondiern vmb ſeyner hōche willē. das exempel hieruon ſicht man in der colonnē. C. Vnd alſo die colonna auf der coloua. D. iſt vmb ain. iiii. tayl gegen der colonnē darunder gemindert, deſshalbē ſo man aynē mittelbaren baw machē will von. iiii. ordnungē von colonnē, ſo will ich alwegen lobē das ain yetwedere ordnūg vmb ain. iiii. tayl gemindert werde, wie ich in den hie vorſtenden facciaten geſagt hab: wañ aber der baw vō groſſer hōche wurde ſein, mag mā die ordnūg wie am colifeo halten, daran die ordnūg Dorica, Ionica vnd Corinthia, ſchier von ayner hōche ſend, aber die oberſt ordnūg iſt vngeuarlich ain. v. tayl hōcher: vnd das iſt wie ich geſagt hab, vmb ſeyner verne willē, welcher tayl vmb der grōſſe hōche willē, ſcheynt den andern ordnungē gleich ſein: vnd ob ſchon das anzaygē diſer colonnē dorico iſt, ſo verſtēdt ſich doch diſe reglē, auff alle maniere von colonnen.



VON HARTEN VND GEBACHNEN STAINEN.

Getractiert habende von so vilen vnd vnderfchidlichẽ ornamentẽ von staynẽ, so ist billichẽ, das ich noch tractiere, wie mā sy ins werck setzen soll, vnd sunderlich wañ mā harte oder gehawẽ stayn mit gebachnẽ staynẽ gefellẽ vnd die zũ samẽ fuegen will, welches aynẽ grossen vleys vnd kunst will habẽ, vmb das die gebachnẽ stayn das stayn, vnd die hartẽ stayn, die bayn vom gebew sendt so das zũ samẽ halten, welche. ii. ding so die nicht wol in ain ander gebundẽ, werdẽ sy mit furgäg der zeyt fälen. Deshalbẽ gemacht seinde das fũdamẽt, billicher weys wie es die glegẽhayt des orts erhayscht, so ist vō nōttẽ das der fũrtrachtig werckmayster hab lassen berayttẽ vnd hawẽ all die hartẽ stayn, desgleychẽ auch die gebachnẽ, mit allẽ andern notwẽdi gem gezeug zũ dem baw, vnd also auf ain zeyt anfachẽ zũ maurẽ, vnd die hartẽ stain mit dẽ gebachnẽ zũ samẽ bindẽ. Die hartẽ stain ist vō nōttẽ das sie so tief in die maur hinein gend, das wo schon kain kalck darzũ gebraucht wurde dannocht in ain ander hielte, vnd geacht móg werdẽ vō im selber also vast wurde mógẽ bleybẽ sten, welches also machẽde wiert das werck langwe rẽde seyn. Das exẽpel dis, sicht mā hienebẽ in der figur mit. A. gezaychnet, aldaw anzeygt wiert wie mā die podii fũr die fenster heraus one ayniche sorg machẽ mag. Machẽde die erst ordnũg von bewrischẽ werck, vnd ob mā die schon vō zartẽ werck machte, mag mā dise weys halten, allain das die erst maur ayner solliche dickne sey, das sy dẽ gemeltẽ podii den bodẽ gebe, vnd so mā basemẽt, oder piedestali mit den colonnẽ darauf zũ setzẽ hãtte, vnd harte vnd bachne stayn bey ain ander kōmen sollẽ, wie ich obẽ gesagt habe, wo die hartẽ stayn nicht wol gebundẽ vnd mit dẽ gebachnẽ eyngefuegt, wie mā in der figur. B. gezaychnet sicht, so wiert das werck nicht lang werẽ, vnd so die colonnẽ vō mer stuckẽ sendt, sollẽ ettliche daunder zũwissen vō dẽ klay nern mer in die maur hinein gen, vmb die andern dester sicherlicher zũ vnderhaltẽ: so aber die colonnẽ vō aynẽ stuck allain sendt, wöllẽ sy zum wenigstẽ dẽ. iii. tayl in der maurẽ sten, aber die basemẽt vnd capitel sollen also gemacht werdẽ, das sy weyt mer in die maurẽ hineyn gen, vnd vor allen dingẽ die coronẽ vnd andre cornicẽ, so weyt aus der maur heraus stend, ist vō nōttẽ sy so weyt in die maur hinein kōmen, das der vngearbayt tayl vō mererm gewicht sey, dañ der gearbayt, also das sy vō selbs im werck mógẽ bleybẽ sten fũder ayniche andre hũlf, aber so mā bey gebrech vō staynẽ, odervmb des grossẽ kostẽs willẽ der marbor oder andrer kostlicher stain, ain facciata oder maur wolte zierẽ mit wenig stayn werks, ist vō nōttẽ das der fũrsichtig werck mayster, ee vnd er vber erdreyh anfach zũ mauren, habe lassen zũ richten alle gehawẽ auch gebachne stain mit allẽ andern zeug darzũ notwẽdig, vnd also anfachẽ zũ maurẽ, vnd in ain ander bindẽ die gehawne mit dẽ gebachẽ staynẽ, sag ich vō nōttẽ werde sein, das ettliche stuck so weyt in die maur hinein kōmen, das sy die andere subtile stuck erhaltẽ mógẽ, durch kraft ettlicher zũ samẽ fuegungẽ, wie mā in der figur. C. sehẽ mag, auf das sy mit der zeyt nicht aus dẽ andern gen mógẽ, welches muß mā ins werck setzẽ weyl mā die maur vō dẽ gebachnẽ staynẽ macht, vmb der obgemeltẽ eynfuegungẽ willẽ. Damit sich aber die maur von den gebachnẽ staynẽ nicht vnder sich setze, vnd also setzẽde das gehawẽ staynwerk, vō dẽ grossen gewicht vō obẽ zertruckte, is von nōttẽ das dise maur gemacht werde von gũtẽ gebachnẽ staynẽ eben gefũert, mit gũtem kalck gemaurt, vnd zwischẽ dẽ staynẽ wenig mortels gebraucht vnd hart auf ain andergestoffẽ wert, vnd vor allẽ dingẽ so wöllẽ solliche werck nit mit der eyl gemacht, noch ain last auff dẽ andern so bald gesetzt werdẽ, sunder mā soll sy von zeyl zũ zeyl ettwas lassen rustẽ. Dañ so mäs mit der eyl will machẽ, vnd also bald ain last auf dẽ andern setzẽ, so ist gewis das sich die maur ettwas setzẽ wurde, vnd die gehawne stain nicht mógẽ dargegẽ haltẽ, werdẽ zerbrechẽ: wa mā aber sollich werck fein mit gũtter zeyt vnd weyl macht, wiert es in seynẽ wesen bestẽ bleybẽ, aber nicht dest minder, so lob ich allzeyt mer ain werck das gar in die maur hineyn gebundẽ ist, dañ dise gefũegte oder beklaytte wie wirs nennẽ wöllẽ, vnd sunderlich in den aufwendigẽ facciatẽ, die mā nach meynẽ verstãd nicht also machẽ solte, dañ die wenigẽ gebew so vō dẽ Antiquẽ gemacht send wordẽ, mit marbor vnd andern feynẽ staynẽ beklayt, sicht mā heutigs tags sunder ir schelfen, vnd ist allain das vnder vō den gebachnẽ staynẽ belibẽ, darzu auch verzert vō lãghayt der zeyt, aber dise gebew da die hartẽ stain mit dẽ gebachnẽ in ain ander gebũdẽ sêdt, sicht mā noch heutigs tags in wese. Nichts dest weniger so mā ye sollich werk machẽ will, gedũckt mich dis, wie obẽ gesagt, der sichereft weg sein, wie wol etlich werckmayster In Italiẽ habẽ etlich gebew vō schlechtere maur werck gemacht, vnd die orte zu dẽ gehawẽ staynwerk offen gelassen, vnd vber ain zeyt darnach erst ire gezierdẽ hineyn gefetzt. Aber vmb das dise ding nicht wol in die maurẽ sendt gebundẽ wordẽ sunder schier als nun mit leym hineyn geleymbt, so sicht mā an vil orte stuck heraus gefallẽ sein, vnd alle tag drawẽ sam ob das gar zu grũd wöll gan.





R

VON HULTZEN VND METALLEN PORTEN. CAP. X.




O vil mich für notwendig angesehen, hab ich tractiert von den ornamentē aller lay manieren von gebewen, angande vom staynwerck. Nun will ich tractieren von den porten oder thuren, so die gebew beschliessen, so von holtz, als von metal, vnd will desshalben etlich figuren anzeygen: doch will ich mich nit weytter ausbraytten zů tractiern von hagken vnd banden so die thuren tragen, die weyl in der gantzen welt ain yetwederer schmid desshalben güte rechenſchaft zů geben wayſt. Nicht deſtminder die gehenck ſo die Antiquen gebraucht, vnd die porten enthalten haben, wie hie vnden in der figur .A. angezeygt, beſchwärten die gebew minder, vnd waren auch leychter im zů ſchlieſſen, vnd auff thon, dann die ſo man heutigs tags durch gantz Italien ausbraucht, in maſſen wie in der figur .B. angezeygt. Aber diſe porten ſeyen von metal oder von holtz, ſo ſollen ire ornamentē ſeyn, wie ſchlechter das ornament vom ſtayne werck iſt, ſo vil ſoll auch das von der porten von gleycher ſchlerigkait ſeyn, damit es ſich mit ain ander vergleyche. Deſsgleychen ſo das ornament vom ſtayne werck zierlichē, ſoll man das vom holtz werck oder metall mit gleycher zierlichayt machē, welches zum willen deſs fürſichtigen werck mayſters ſteet, vnd vmb ain anzeygen dergleychen zierlichayten zů geben, werdt ir hie neben funf manieren von porten ſehen, deſs merern tayls von den Antiquen genomen.






VON HOLTSEN VNDE METALLE PORTEN.

V Mb das man die porten von metall nicht allwege von aynem stuck macht, zů welchen auf diesen weg gemacht, man weder holtz noch eyfen braucht, funder man macht das gehenck von dem selben stuck. Aber die so man von holtz macht, vnd nachmals mit messing ayner bequämliche dickne vberzeücht, so die von brettern ains an das ander gefuegt gemacht, wie wol sie in ain ander gefuegt vnd geleymbt werden, so ist doch allwegen des holtz art vnd natür, das es deycht vnd wider geschwilt nach dem die zeyt trucken oder feücht ist. Desshalben so man ain solliche porten will machen mit messing oder andern metal vberzogen, so wiert der sicherst weg hienebē in den figuren A. vnd .B. angezaygt, vmb das das holtz nimmermer geschwilt nach der lange, funder alwegen in seynem wesen beleybt stan. Welche werck man so dick oder so dunne machen mag, wie den werckmayster für güt ansicht, vnd dem gewicht nacht so sy zů tragen haben. Desgleychē mag man die löcher auffullen von dem selben holtz, aber auff alle weg eyngekreutzt, damit sy auff aynem ort nicht mer als auff dem andern wachsen. Vnd vmb das alle antiquische porten, gemayne vnd besundere alle oben geziert send, aufgenommen die an den Steten vnd Arcen Triumphali, welche gerundt seindt, so machens doch nichts dest minder vil zů vnsern zeytten ründ, vileycht von merer sterckne wegen, vnd auch das sy zů zeytten vmb ayniches proposito ains gebewes wol kommen, so hab ich hieruon zum vwenigsten ain inuention wöllen anzaygen, dann man nicht allwegen alles also vmbgreiffen kan, vmb der vilen ancidenten vnd zufäll wegen, darin ain werckmayster seer aufmerckig seyn muß.





VON DEN GEZIERDEN

DER MALEREY AVSSEN VND IN=

VVENDIG DER GEBEVV. CAP. XI.




Mb nicht zů vnderlassen ayniche sort von ornamenten, dauon ich nicht ett-
 wan ain regel gebe, so sag ich so wol in der malerey als in andern dingen, das
 der werckmayster nicht allain ain aufmercken soll haben auff die gezierden
 des stain wercks, sunder auch auff das werck des bensels, vmb die mauren zů
 zieren, vnd geburdt sich das er der anordner seye, als ain herr oder mayster al-
 ler deren so am gebaw arbayten, daß wie wol etlich maler send gewesen, ser-
 kunstlich, so vil die practica betrifft, aber sunst also ains klaynen verstands, das sy vmb die lie-
 blichayt der farben zů zaygen, vnd kain aufmercken habende auff aynich ander ding, haben sy
 wol ettwan ayniche gütte ordnung geschendt, ya etwan gar verderbt, vmb das sy nit bedacht
 haben, an yedes ort sein recht ding zů setzen. Desshalben so mā ayniche facciata mit dem bense-
 l zieren vill, so ist gewiss, das sich nit geburt ayniche offenhayt, so ain durchsichtighayt scheynt,
 zů machē, oder auch kain landschaft, daß solliche ding zerstören das gebew, vnd transformie-
 rens von ayner rechten leyblichen vnd gantzen form, in ain durch scheynende, sunder besten-
 digkayt, wie ain vnperfecten oder zerrbrochnen baw: es gezimbt sich auch kain bildnussen
 dareinzů machen, noch gefarbte thier, es were daß das mā ain fenster fingiert, darin menschen
 weren, so sollen die doch ehe gemacht werden, in aynem ruebigen vnbeueglichen, vnder in
 beueglichen bossen. Desgleychen mag mā auch thier darein machen, sich an solliche ort fue-
 gende, wie gesagt ist etwan in ain fenster, oder auf ain cornice, so aber ye der bawherr oder der
 maler sich der lieblichayt der farben gebrauchen wollen, mag er vmb das werck nit zů cor-
 rumpieren oder verderben, wie oben gesagt, fingieren ayniche teppich an die maur hangen,
 wie ain beuegliche ding, vnd darein malen was mañ will: daß also thonde wiert es die ordnūg
 nit brechen, vnd wiert ain warhaftigs bedeurē vnd anzaygē, vnd sein zierd behalten: mā möch-
 te auch nach gebrauch ains Triumphs vnd fests, mit hublicher fiction festoni von nästen fruch-
 ten vnd plūmen daran hangende machen. Desgleychen Schilten, Trophē, vnd ander dergley-
 chen gefarbte ding, welche alle beweliche ding bedeuten, aber seyn feldung soll seyn von der
 rechtē farb der mauren. Auff disen weg mögen die gemāl sunder begreyf an solliche orten sten,
 so man aber mit aynem bestendigen vrtayl ain facciata mit dem bense l zieren vill, so mag mā
 von marmor oder andern staynen fingieren, darein schneydende was man vill, desgeleychen
 von metal in ettliche Nicchi mag mā gantz erheben figuren fingieren, auch ettwan ain histori
 doch von metal fingiert, vnd also thunde so bleybt das werck ganzt, vnd lobwirdig von allen
 denen so das warhaftig aus dem falschen erkennen. In disem hat Balthasar Petrucci von Siena,
 (wie auch in allen seynen andern wercken) ain vast schön iudicium gehabt, welcher als er ay-
 niche facciata von palatzen in Rom, mit dem bense l zieren solt, bey lulio. II. zeytten, machet er
 darein mit seynner handt ettliche ding erdicht oder fingiert von marbor, als sacrificien, schlachtē
 istorien vnd metzlereyen, welche ding die gebew nicht allain gantz scheynende erhalten vnd
 zieren, sunder reychen die auch ser im ansehen. Was sollich sagen von dem schönen aufmerckē
 viler anderen, so sich erlustiget haben, die gebew zů Rom mit dem bense l zieren, welche in
 sollichen subiecten nie kain andere farb gebraucht haben dann weys vnd schwartz, nichts dest
 minder send doch ire ding so güt vnd lieblich, das sy verwunderung bringen aynem yeden ver-
 ständigen der es sicht, wie da gewesen ist Polydoro da Carauaggio, vnd Maturino sein gefell,
 welche (vngegendt all ander maler) hand Rom so wol gezierdt mit dergleychen gemälen,
 das kain anderer bey vnsern zeytten, inen zůkommen ist. Ain grofs fursehen ist das auch gewesen,
 von Doffo vnd seynem bruder, des hertzen Alphonso von ferrar malern, welcher Doffo, als
 er ettlich facciaten an gemeltem furstlichen pallatz mit dem bense l hat wollen zieren, haben
 sy das allain von schwartz vnd weys gethan, fingierende darein metzlerey von figurē erhalten,
 mit grofsem verstād vnd wunderbarlicher kunst gemacht. Ich vill mich nit weytter ausbrayttē

von vil andern Italiainischẽ kunstlichen malern zũ sagen, welche in der gleychen orte nie kain andere farb haben gebraucht dan schwartz vnd weys, vmb die ordnung der architectur nit zũ erstören: so man aber inwendig die gebew mit farben zieren will, das mag man mit guttem iudicio thun, vnd mit beweglichẽ vrsachẽ, vnd in die meurẽ der loggien in den gärten vnd höfen, mag man wol ettlich offenhayten fingirẽ, vnd darein malen landschafften in die weyte vnd in die nache, lufft, behauffungen, figuren, thier, vnd was man will von allerlay farben, also fingiert man das war, dann aus den heusern hinaus zũ sehen, mag man dergeleyche ding alle sehen. desgeleychen so man ayniche kamern, Säl, oder andere gemäch mit gemal zieren wil, ist dem maler zũgelassen, in die mauren mit ettlichen ordnungen von der Architectur offenhayten, von lufft, vnd landschafften zũ fingirẽ, doch nach der höhe sollicher offenhayten, dan wo die höher seind dan das gesicht des menschen, mag man anderst nichts sehen dan lufft, oder höche von bergen, vnd spitzen von gebewẽ, vnd so man an den obren orten aynich ding will machen, das offen zũ sein scheyne, in ayner gantzen maur, so mag man aus der selben offenhayt anderst nichts sehen dan lufft: so man aber figuren an die selben ort will machen, soll ir standt auff ayner lini sein, damit man das platt vom boden darauf die stend nicht sehe, wariñ der kunstreych misser Andrea Mantegna, ser fürtrachtlich gehandelt hat, in den Triumphẽ von Cẽsare so er zũ Mantoua gemacht hat, in welchem werck vmb das die füeß der figurẽ höher stend dan das gesicht des menschen, so sicht man kain ebne oder platte, sunder die figuren stend wie gesagt ist auff ayner linien, aber so wol geschickt vnd gestelt das wunder ist: vnd fürwar dis gemäl, daruon ich rede, soll geeret vnd in grosser werde gehalten werdẽ, varin man sicht die tieffe des bevurfs, die kunstlich prospectiua, die wunderbarlich erfindung, die angeborne discretiõ, in der zůsamen setzung der figuren, vnd den cuffersten vleys im volenden. Vnd so der maler zũ zeyttẽ durch die kunst der prospectiua ain Sal oder ain andern gemach langer will machẽ scheynen, so kan er an dem tayl so gegen dem eyngang vber stet, oder sicht, mit ettlichen ordnungen der Architectur mit sollicher kunst gezogen, gemelten Sal oder andern gemach vil langer machen scheynen weder er im grund an ime selber ist. Dis hatt gethon Baltasar, also geleert in dieser kunst als aynicher anderer zũ vnsern zeytten, als er im pallatz von Augustin Gisi ain herlicher kaufman in Rom, aynen Sal mit gemal wolte zieren, fingirer er mit kunst ettlich colonnẽ vnd ander metzlerey zũ disem propost. Der massen das der gross Petro Aretino so verstendig in der malerey als in der Poetrey gesagt hat, das in dem selben gantzẽ haus kain perfecter gemäl sey dan dis, in seynem grad, wie wol sunst vil ding von der hand des fůrtrefflichen Raphaels von Orbin darinnẽ sendt, Vnd so die maurẽ also gezierdt sendt, vnd man die gewelb auch zierẽ will, soll man dem gebrauch der alten Römer nach geen, welche manicherlay austaylungen pflegten zũ machen, nach den subiecten, vnd auch nach der weys der gewelber, darein machtẽ sy manicherlay fremdikayten, so man grotesche nennet, welche ding in den gewelbẽ vast wol kommen vmb der freygkayt willen, so man darein machẽ mag, zũ wissen was man vill, als bletter, nãst, blůmen, thier, vōgel, figuren mit allerlay sorten vermengt. Die alten machtẽ auch dar ein ettliche tuecher von den selben figurẽ gehalten, ettwan an andere ding anghenckt, darein malten sy was sy wölten: zũ zeytten mag mā ain figurli machẽ von aynem Camahew fingiert oder ain ander ding von der geleychen materi, ain kirchli, oder ander gebew mag man hie mit cyn mengen, welches alles man an die gewelb oben machen mag, von gemal, von farben, oder von schwartz vnd weys, oder von erhabnem werck, nach des malers wolgefallen: vnd sollichs wiert onstraffbar sein. Also habens die rechten Antiquẽ gepflegẽ, wie die Antiquitates des noch zeugknũs geben, vnd vnder andern Rom, Pozzũlo, vnd Baia, aldaw man noch heutigs tags der gleychen sicht, vnd vil mer sehen wurde, wo die bõs vnd neydig natur ettlicher, die nicht also geschendt, verderbt, vnd zerstört hãtte, auff das ander kain lufft empfachen solten von dem des sy satt vnd vol waren: welcher vatterland vnd namen ich schweygen will, dan sy nun zũ vil bekant send, vnder denen, so sich sollicher ding zũ vnsern zeytten erlustigen, nun vnder denen so auff dise manier malen kunden, ist Iohañ von Vdene, welcher in disen dingẽ ain sollicher nachuolger der Antiquitet vnd erfinder von ime selbs gewesen, vnd noch ist, das er die gantz

VON DEN ORNAMENTEN DES GEBEWS.

vnd gar widerum in ir perfectiõ gebracht, Ia ich darff sagen, die in etlichen dingen vbertroffen hab, welches ime die loggien, auf des Bapfts haymlichẽ garten im Bel vedere zũ Rom gütte zeugknũ geben. Detsgeleychen des Bapfts Clemente. VII. weyngarten a monte mario, das schon haus der medici zũ Florentz, an vil orten von ime der massen gezierdt, das man mit eren aller anderer, wol mag sagen. Difs werck in diser professiõ, mer aynig dan seltsam sey, vber das er ain verstendiger Architector, vnd ains ser gũten iudiciũs ist, wie ain reychsinniger auff er zogner, des treffenlichen Raphaels. So aber der malet im hõchsten des gewelbs etlich figuren nach dem leben will machẽ, so ist von nõtten das er vast iudiciõs vnd aufmerckig sey, vnd wol erfahren in der prospectiua: Iudiciõs, zũ erwelen ding die apropost des orts seyen, vnd sich zũ disem subiect reymen, als himliche ding, lůft vnd vliegende ding, ehe dan irdische ding: Erfaren, vmb zũ wissen die figuren der massen zũ verkurtzẽ, das wie kurtz vnd mismacht sy an dem ort da sy stendt seyen, sich in der behorlichen weytte erlangen, vnd das leben proportioniert anzaygen, vvelches man sicht Melozzo da Forli, ain beruempter maler, vorzeytten vleyfig war genomẽ zũ haben in mer orten von Italien, vnd vnder andern in der sacraстеу zũ Santa Maria von Loreto, in etlichen Englen, ain gewelb der selben sacraстеу gemalt, M. Andrea Mantegna, hat auch im Castell zũ Mantua etlich figuren vnd ander ding, so man von vnden hinauf sicht, mit der kunst der prospectiua vnd discriciõ des verstands gemacht, vvelche warlichen seer lebendig scheynen. Nichts dest minder in sollichen subiecten, kan man vbel historien hineyn fũegen, mit verschaydnen vnd verainbarten figuren, es were dann das man die mit ser groffer beschaydenhayt vnder schaydte, so wurdẽ sy ir werck wie behõrt thon: aber die verstendigen maler zũ vnsern zeytten, haben dise manier gescheucht, dann wie ich gesagt hab, so kõmen der merer tayl diser verkurtzungen, vnlieblichen im gesicht. Deshalbẽ Raphael de Urbino, vvelcher in disem tayl der zũsamen setzung, vnder den seltsamen der seltsamest, vnd von wunderbarlichem iudicio gewest ist, also das man acht in diser art kayner vber in noch ime geleych gewesen sey, vnd sunst in dem vberigen ain maler gewest, das ich in wie allwegen gottlich nennen muß, als er ain loggia in obgemeltes Augustin Ghisi haus von gemal wolte zierẽ, machet er im ursprung der planeten lieblich figuren, fliechende die verkurtzungen als vil er mocht, wie wol ers mer dan andere verstuende: aber da er an dẽ oberstẽ tayl des gewelbs kam, vnd gleych wol das cõuiuium der gõtter, als ain himlisch ding dienẽde zũ disem proposito machen wolt. Nichts dest minder vmb dem gesicht ain lieblichayt zũ machen, wecknemende die hertigkait so viler verkurtzungen, fingiert er ain tuch von himelfarb an etliche festoni angehenckt, wie ain beweglich ding, warein machet er das obgemelt Conuiuium oder gastung, mit ayner solliche disposiciõ, vnd iudicio, mit sollichen bewegenden bossen, vnd so seltsamen farben, das sye lebendig scheynen, vnd ist das gantz werck also wol zũsamen accommodiert, das man ehe achten mõcht, dise loggia fũr ain apparat ains Triumphs, als fũr ain ewig werends gemäl, in die maur gemacht sey worden. Vnd so dis werck nicht mit aynem so grossen iudicio gemacht were worden, sunder mit simplicem verstand also an das gewelb gemalt, stande wie das ster, so wurde man maynen das die figuren fallen wõlten. Deshalbẽ ain baumayster, vvelcher sunder die kunst oder prospectiua nicht mag noch soll sein, soll (als ain oberster vber alle werckleut) nimmermer zulassen das an aynem gebew daran sy arbaytten, ettwas gemacht werde sunder seyn iudiciũ vnd rat.






VON DEN PLATTEN

himlen oder dillen von holtz, vnd von iren gezierden. CAP. XII.




Nd vmb das an vil orten in den gebewen von norwegen die dillen oder himel von plattem holtzwerck muessen gemacht werden, so sag ich also wol von wegen des holtzwercks, als des malwercks, das, so die dillen ains Sals oder ains andern gemachs, von grosser höche ist, so gehören seyne austaylungen von grossen vnd weytten vierungen, rundungen, oder andern eckungen zu sein, vnd von grosser vertieffung vnd gütter verhöchüg, auff das die vmb irer ferne willen ettwas klayner künen scheynen, vnd respondieren mit dem gesicht daniden. Desgleychen so mans mit gemäl zieren will, so soll es der gleychē mit gewaltigen dingen gethan werden, ayner sollichen grosse vnd ferne gleychförmig, vnd dis gemäl soll man ehe machen von schwartz vnd weys dañ von andern farben, dañ es im werck gewaltiger scheynt, sollich habē gebraucht all die kunstlichē maler, so solliche ding gemacht habē in den fürnemestē orten in Rom, Florentz, Bologna, vnd fürnamlich in der Edlen stat von Venedig, wvarin mā mer holtzwerck braucht weder sunst in gantz Italiē: aldaw der merer tayl aller dillen in den Edlē heusern, von schwartz vnd weys gemacht sendt, vnd mitten in den vierungen oder was form die sunst seyen, macht man ain rosen, oder ain vergult schiffelen, vnd so mā vmb dem werck mer lieblichayt zu gebē ayniche andere farben dariñ gebrauchē will, so ist leydlich das die fel der der vertieffungē blaw gemacht werdē, als ain durchsichtig ding dardurch mā dē himel oder lūft sehe: doch das die rosen gebundē seyen von blättern, oder groteschē, damit sy nicht scheynē als ob sy im lūft hiengē. Vnd so die cornicē vnd andre leystwerck so die vierungē, oder ründungē haltē reichlichē vō gold beklayt send, werdē die wol sten, oder aber mā mag sy machē vō der selbē farb wie das ander werk ist. So aber vmb ayniches zufals willē die dillē ains gemachs, ayner nidern höche sein wurde, also das dise regel vnd küst nit stat möchte habē, so soll der werkmayster in disem fal fürsichtig sein, sich gebrauchēde der kunst von der prospectiua, mit dē verstand vnd mit der discreciō zu samē, vnd sag also, das kain ander ding ist, das ferne geb denen dingen durch die prospectiua gemacht, dañ ain ding nach dē andern zu verklaynern. Deshalbē so man ain ding so dem gesicht machēt ist, verner scheynēde machē will, so ist von nöttē sich der kunst zu behelffen, machendē die vweytestē form vom centro vō mittelbarer maß, vnd nachende dē cētro vō klaynerem werck: vnd auf disen weg wiert sich ain ding vō dē gesicht mer fernē, dañ ob das werck groß oder grob were. Desgleychē will das gemäl gleychförmig dē holtzwerck sein, also das wo das holtzwerck vō mittelbarm form, das auch das gemal vō mittelbarer grosse gemacht werd, vnd also dē cētro mer nachēde, das gemal vermindert werde. Daraus dañ eruolgt das mā auff alle ort leyhtlichē begreyffen kan, sunder das gesicht vil zu bemuechē, sunder mit aynē augēblick das gantz werck alles kan fassen, welches seyn sol vō manicherlay blättern, von frembdē kinpfungē, vō figurē, blättern, vnd thierē in ain ander vermischet, vnd vor allē dingē will in disen austaylūgē ain grosse discreciō vnd verstād gebraucht werdē, vmb nicht zwē phrisen ayner garrüg ain an dē andern zu setzē, süder nebē ain blatterwerk soll mā ain ander werck oder ain grotescha vō figurē vnd thierē, oder ander ding setzē, also ains vmbes ander abnixlē, vnd damit das gesicht nit zerrut werde. Vnd dise ding so ich sag, so die in ire selbs feldungen von schwartz vnd weys gemacht werdē, wol gescharet vnd verleucht, so werdē sy mer gelobt von dē verstendigē, dañ so sy vō farbē gemacht verē, dañ die gefarbtē ding fuegen sich wol an die gewelbtē himel gezierdt mit groteschē, wie obē gesagt ist. Dise manier hab ich gehaltē am himel oder dillē von der grossen vnd traffeliche Liberey im pallatz zu Venedig zu zeyt des durchleuchtigē fürsten, herren Andrea gritti, dañ vmb dafs diser himel vil niderer ist, dañ die weytne, vnd lānge dis fals wol erhayste, so hab ich dē vil klayner vō werck lassen machen, weder so der himel vō seyner behörlichē höche gewesen were, vmb oberzelter vrsachē willen: deshalbē alwegen ye niderer die dillen send ye klayner werk die erhayschē, das exēpel hieuō, sicht mā an nachuolgendē plat, vber vilerlay anderer erfindungē vnd vnderschiedlichē austaylungē manicherlay phrisen vnd andern dingen, den meren tayl aus der antiquitet genomen, vmb von newen erfindungen noch mer zu reychen die so vorhin nicht arm sendr.


Das holtzverck des himils oder dillen von hieuorgemelten Librarcy.




Auff disen weg ist geordnet gewesen wie man hic vorstenden
himel von malverck zieren solte.




AIN ANDER MANIER VON HIMLEN.





Die gärten sendt auch gezierdē der gebew, darzü dise figurē mit den laberinthē oder irrgärten dienlichē sendt.





H I E E N D E T

sich das vierdt büch Sebastiani
Serlii Blognese, von der Archi-
tectur, getruckt zu Antorf
durch Peter Colück
von Alst.

Keyserlike vryhait wert im
dritten büch eingeleyt.

AVERY LIBRARY
COLUMBIA UNIVERSITY

